

Jon

ndê **ɲ**awaê **ɲ**ayham

Yom whê **ɲ**awaê **ɲ**ayham **dindec** **sa-ɲ**ga

Jon inɲ Yisu ndê ɲgacsêɲomi 12 si danɲ, naɲ kêsêlêɲ whiɲ Yisu ma mbo whiɲ inɲ tòm inɲ ndê bêc mbo nom-ɲga hoɲ, ma bocdinaɲ dec ɲgô yom hoɲ naɲ inɲ kêdôhônɲ ma gêlic gwelenɲ naɲ inɲ kôm. Yêc 13:24, 19:26, 20:2 ma 21:7, Jon to yom pi ɲgacsêɲom danɲ, naɲ Yisu atac whiɲ ɲandô. Lau daêsam sêɲyalê bu yom dau hêganônɲ Jon dau, magoc inɲ tec bu tôte dau tiawê.

Lau ɲatô sêsam Jon ndê bapia bu ‘Buku Gêɲ Dalô-ɲga,’ bu inɲ to yom pi gêɲ dalô atu-tu naɲ Yisu kôm. Inɲ to yom pi gêɲ dalô hoɲ naɲ Yisu kôm, naɲ dom. Inɲ to yom pi gêɲ naɲ bu whê Yisu sa bu Mesaya naɲ Anötö gic bata bu êɲkiɲ têtɲ inɲ ndê lau Israel-ɲga. Jon dau whê ndê bapia ɲahu sa bocdec bu:

Yom pi gêɲ dalô dindec, naɲ yêc tu bu mac asam ma akêɲ whiɲ bu Yisu inɲ Mesaya, Anötö ndê Atu. Ma tu mac akêɲ whiɲ inɲ ndê ɲaê-ɲga, dec mac oc atap seɲ ambo tamli-ɲga sa. (20:31)

Jon sam Yisu bu Anötö ndê Yom Dau naɲ mbo titêm-titêm, naɲ meɲ ti ɲamalac. Inɲ mbo whiɲ Damba Anötö têtɲ ɲamata-ɲga, ma inɲ Anötö dau (1:1). Bocdinaɲ lau naɲ sêɲyalê Yisu tidônɲ, naɲ gitôm sêɲyalê ti sêlic inɲ Damba dau whiɲ (1:18; 8:19; 14:7). Jon tac whiɲ bu lau naɲ sêsam inɲ ndê bapia sêtap seɲ dandöc tanɲli-ɲga sa. Ma seɲ dau

datap sa yêc Yisu tawasê, tôm yom nan Yisu sôm pi dau, ma Jon to yêc (14:6) bocdec bu:
 Aô tanwasêñ gati señ bu ñamalac sêtêñ Damañ sêndi,
 ma señ dan yêc dom.

Yisu Kilisi Nahu

¹ Têñ têm ñamata-nga nom sambuc dindec mbasi, nan Yisu nan dasam bu Yom Dau, in mbo. In mbo whin Anötö, ma in Anötö dau.

² In mbo whin Anötö têtêm têm ñamata-nga.

³ Gêñ hon nan yêc, nan in dau kêñ, ma gêñ dan hóc asê ña lêñ dan dom.

⁴ Yac neñ dambo tanli nahu in dau, ma in dau ti ñamalac nom-nga si Nawê.

⁵ Nawê dau pô gameñ ñasec, ma ñasec gitôm dom bu kôm ñawê dau ahuc.

⁶ Anötö kêkin ñgac ahen-nga dan meñ, nan ndê ñaê Jon.

⁷ In meñ bu hoc yom ñandô asê pi Nawê dau, tu bu lau hon nan sêngô in ndê yom, nan sêkêñ whin Nawê dau.

⁸⁻⁹ Jon in Nawê dau dom, tigen in meñ bu hoc yom asê pi Nawê ñandô dau, nan oc meñ êñkuc in bu pô ñamalac hon.

¹⁰ Nom sambuc dindec Anötö kêñ ña in, tigen têtêm ndoc in hóc asê, nan lau nom-nga sênyalê in dom.

¹¹ In ti nom sambuc dindec ñadau, magoc têtêm ndoc in meñ, nan in ndê lau Israel-nga sêkôc in sa dom.

¹² Magoc lau hon nan sêkôc in sa, ma sêkêñ whin in, nan Anötö gêlic ñayham ma kôc ñac sa sêti in ndê balêkoc.

13 Sêti inj ndê balêkoc ña lêñ tòm lau nom-ña si lêñ sêkwê balêkoc asê-ña dom, me tu ñamalac dau si gauc gêm me atac whiñ-ña dom. Mba! Anötö dau kôm ñac sêtiwakuc dec sêti inj ndê balêkoc.

14 Inj nañ dasam bu Yom Dau sip nom meñ ti ñamalac, ma mbo whiñ yac. Inj meñ akêñ Damba Anötö, ma Damba ndê mwasin ti yom ñandô gêm inj ahuc. Inj Anötö ndê Atu tigen, dec wêkain ñac lai ti ñawasi atu, ma yac alic inj ndê ñac lai ti ñawasi dau, nañ su.

15 Jon hoc yom asê pi inj gwanaj su bocdec bu, “Ngac dan oc êñkuc aö, nañ hóc gêlêc aö su, ñahu bu inj mbo wandêc su mbo.” Ma têtñ ndoc inj hóc asê, nañ Jon sôm bu, “Inj ngac dau dinañ dec gahoc yom asê pi inj gwanaj su.”

16-17 Muñ-ña Anötö kêmwasin lau Israel-ña ña yomsu nañ inj kêtñ têtñ Moses. Magoc kwahic dec Yisu Kilisi meñ, ma Anötö ndê mwasin gêm inj ahuc sambuc, dec yac hon datap mwasin ti yom ñandô sa hóc gêlêc su, yêc Yisu.

18 Ñamalac dan gêlic Anötö su dom. Magoc inj ndê Atu tigen Yisu †Kilisi, nañ mbo kêpiñ Anötö dau, inj dau inj Anötö, nañ sip nom meñ ti ñamalac, ma whê Damba Anötö sa têtñ yac, dec tañyalê inj.

Lau sêndac bata Jon, Ngac Kêku Lau-ña

19-20 Têtñ ndoc Jon kêku lau mbo, nañ lau bata Israel-ña sêñkin †dabuñsiga ñatô ti lau †Liwai ñatô akêñ Jerusalem sêtêñ inj si, ma sêndac inj bu, “Am asa?” Jon sêc yom dan ahuc dom, inj sôm yom yêc awê bu, “Aö †Mesaya dom.”

21 Dec ñac sêndac inj, “Bocdinañ dec am asa? Am Elaija, a?” Ma inj sôm, “Mba!” Goc sêndac, “Am

propet gitôm Moses nan Anötö gic bata bu ênkin men, a?" Ma in sôm, "Mba!"

²² Bocdinañ sêsôm têt in, "Dec sôm daôm asê têt yac bu am asa. Yac bu akêt ñawaê têt lau nan sêtkin yac amen nan."

²³ Jon ô ñac si gêndac ña propet Aisaya ndê yom dan, ma sôm, "*Ñamalac nan ta yom yêc gameñ sawa bu, 'Amasañ Pômdau ndê señ tisolop,*' nan aõ dan dec."

²⁴ Lau Palêsai ñatô sêmbo sêwhin lau nan lau bata sêtkin sêtêt Jon si.

²⁵ Sêngô Jon ndê yom dau, dec sêndac in bocdec bu, "Am daôm sôm bu am Mesaya dom, ma bu am Elaija dom, ma propet atu dau dom. Ma bocke dec am kêku lau mbo?"

²⁶⁻²⁷ Ma Jon sôm, "Aõ dec kaku lau ña bu, magoc ñgac dan oc ênkuc aõ, nan hóc gêlêc aõ su. Aõ dec ñgac ñambwa, gitôm dom bu wati in ndê ñgac akin bu wanğapwêc in ndê atapa ñawalô. Ñgac dau kwahic dec mbo mac ñalhu, magoc mac anyalê in dom."

²⁸ Jon kêku lau mbo malac dan ñaê Betani, nan yêc Bu Jordan ñadañga mbu têt ac pi-ña. Ma gêt hon dinan hóc asê yêc gameñ dinan.

Yisu in Anötö ndê Domba

²⁹ Bêc dan tiyham ma Jon gêlic Yisu kêsêlêt têt in men, ma sôm, "Alic ñgac dê! In †Anötö ndê Domba, nan Anötö kêt bu kôc ñamalac si sac su.

³⁰ In ñgac dau nan aõ gasôm yom pi in mun su, bu ñgac dan oc ênkuc aõ men, nan hóc gêlêc aõ su, bu in mbo wandêc su mbo.

³¹ Muñ-nga aö dauñ neñ gauc sa pi inñ dom, tigen kwahic dec aö gameñ kaku lau ña bu, tu bu watôc inñ asê têtñ lau Israel-nga.”

³²⁻³³ Jon sôm yom dinañ su, goc gic têtñ yom ma whê yom sa bocdec bu, “Yomandô. Muñ-nga aö dauñ neñ gauc sa pi inñ dom, tigen Anötö nañ kêtin aö bu wañku lau ña bu, nañ sôm têtñ aö bu, ‘Am oc lic Ñalau Dabuñ sip têtñ ngac danñ meñ. Ma ngac dau dinañ oc êñku lau ña Ñalau Dabuñ.’ Tinambu aö galic Ñalau Dabuñ gêm balusi aňgô ma sip akêtñ undambê têtñ ngac dindéc meñ ma mbo whinñ inñ.

³⁴ Aö tanônñ galic gêtñ dinañ hôc asê ngac dau su, ma tu dinañ-nga kwahic dec gahoc yom asê pi inñ, ma gasôm asê têtñ mac bu inñ Anötö ndê Atu.”

Yisu ndê ngacsêñomi ñamata-nga

³⁵ Ñagalañsê Jon mbo bu dau ñadali ma inñ ndê †ngacsêñom lu sêmbo sêwhinñ inñ.

³⁶ Yisu kêsêlêtñ meñ, ma Jon tahê inñ ma sôm, “Kec, Anötö ndê Domba dê.”

³⁷ Têtñ ndoc ngacsêñom lu sêngô Jon ndê yom dinañ, nañ sêhu inñ sinñ ma sêñkuc Yisu.

³⁸ Yisu kac dau kwi ma gêlic bu inñlu sêñkuc inñ, dec ndac, “Bocke dec amlu añkuc aö?” Goc inñlu sêsôm, “Rabai, am yêc nde?” (Ñaê †Rabai danem kwi bu ‘Kêdôhôn-waga.’)

³⁹ Ma inñ sôm, “Ameñ ma alic.” Goc inñlu sêñsêlêtñ sêwhinñ inñ si, ma sêlic gameñ nañ inñ yêc. Sêhóc asê têtñ telha, acgatu gitôm 4 kilok, ma bocdinañ dec sêmbo sêwhinñ inñ.

⁴⁰ Ngac lu nañ sêngô Jon ndê yom ma sêñkuc Yisu, nañ si danñ inñ Andru, Saimon Pita ndê asi.

⁴¹ Nğahô in gi tap dôwa Saimon sa, ma sôm têt in, “Yac atap †Mesaya sa su.” (Yom Mesaya dau danem kwi bu Kilisi.)

⁴² Goc in wê Saimon s a têt Yisu gi. Yisu tahê in ma sôm, “Am Saimon, Jon ndê atu. Kwahic dec aö wasam am bu Kepas.” (Njê dau* sem kwi sip Yom Grik bu Pita.)

Yisu kêgalêm Pilip lu Natanael sa

⁴³⁻⁴⁴ Têt nğalanjê Yisu tisa ma gi tap nğac dan njê Pilip sa. Pilip in nğac akêt malac Betsaida yêc gamej Galili-nğa. Malac dau Pita lu Andru si malachu whin. Yisu gauc gêm bu têt Galili ndi, dec sôm têt Pilip, “Mwej êmkuc aö.”

⁴⁵ Goc Pilip gi tap nğac dan njê Natanael sa, ma sôm têt in bu, “Mesaya nan Moses ti lau propet sêto yom pi in mun su, nan yac atap in sa su. In Josep ndê atu Yisu akêt malac Nasaret.”

⁴⁶ Natanael ngô su goc ndac, “Nasaret? Gêt nğayham bocke oc mej akêt malac nğambwa dinan?” Dec Pilip sôm, “Mwej ma lic.”

⁴⁷ Yisu gêt Natanael têt in mej, ma sôm yom pi in bocdec bu, “Yomandô! In nğac Israel-nğa nan yom tasan dan yêc in ndê nğalôm dom.”

⁴⁸ Dec Natanael ndac in, “Am kêyalê aö nğalên bocke?” Ma Yisu sôm têt in, “Pilip mbwêc am dom en, ma aö galic am ndöc a atu dan nğahu.”

⁴⁹ Natanael ô yom ma sôm, “Kêdôhônwaga, am Anötö ndê Atu. Am yac lau Israel-nğa mba Kij.”

⁵⁰ Ma Yisu ô yom ma sôm têt in, “Aö gasôm bu galic am yêc a dan nğahu ma tu dinan-nğa dec am

* **1:42:** Njê ‘Kepas’ nan Yisu kêt têt Pita, in Yom †Hibru dan, nan danem kwi bu ‘hoc.’ Alic Yisu ndê yom yêc Mat 16:18.

kêñ whiñ. Am oc lic gêñ atu-tu hôc gêlêc iñ dinan su.”

⁵¹ Ma iñ gic têku yom ma sôm, “Yom ñandô aô wasôm têt mac. Tiñambu mac oc alic undambê kac sa, ma †Ñamalac ndê Atu oc ti señ bu Anötö ndê añela sêsip sêpi-nga.”

2

Yisu gêm bu kwi ti wain

¹ Bêc lu gi su ma lau yêc malac Kana nañ yêc gamen Galili-nga sêndê mwasiñ tu ñgac dañ bu nem awhê-nga. Yisu dinda mbo whiñ ñac, ma

² sêkêñ aheñ Yisu ti ndê ñgacsêñomi bu sêneñ mwasiñ dau sêwhiñ.

³ Ma lau señ ti sênôm gêñ sêmbo e wain pacndê. Dec Yisu dinda sôm têt iñ bu, “Ñac si wain pacndê su.”

⁴ Goc Yisu sôm têt iñ, “O awhê! Tu sake-nga am sôm têt aô? Aneñ ndoc meñ sa su dom.”

⁵ Tigeñ Yisu dinda sôm têt lau akiñ bu, “Gêñ bocke nañ iñ bu sôm têt mac, nañ akôm.”

⁶ Yêc mwasiñ dau ñamala, lôñ bu-nga 6 sêlhac. Lôñ dinan atu andô, tigeñ-tigeñ gitôm 100 lita, ma sic waê lau Israel-nga si mêtê sêñgwasin dau ñawasi sa yêc Anötö añgô-nga.

⁷ Ma Yisu sôm têt lau akiñ, “Akêñ bu sip lôñ hon dinan e meñhu.”

⁸ Sêtac bu sip e meñhu su, goc iñ sôm têt ñac, “Añgati sa ma akêñ têt mwasiñ ñadau êñsahê.” Ma sêkôm gitôm iñ sôm.

⁹ Mwasiñ ñadau kêsahê bu nañ Yisu gêm kwi ti wain, ma kêyalê dom bu meñ akêñ nde. Tigeñ lau akiñ nañ sêtac bu sip lôñ, nañ dec sêñyalê. Mwasiñ

ɲadau kêsahê su, goc mbwêc ɲgac gêm awê-ɲga meɲ, ma sôm têɲ iɲ,

10 “Lau hoɲ sêkêɲ wain ɲayham têɲ lau sênôm muɲ e tac ɲayham sa, goc sêkêɲ wain ɲambwa kêkuc. Tu sake-ɲga am kêgamiɲ wain ɲayham kalhac e tiɲambu?”

11 Yisu kôm gêɲ dalô ɲamata-ɲga dinaɲ yêc malac Kana, naɲ yêc gamenɲ Galili-ɲga. Gêɲ dau tôc iɲ ndê ɲawasi ti ɲaclai asê, ma iɲ ndê ɲgacsêɲomi sêkêɲ whiɲ iɲ.

12 Ma tiɲambu Yisu lu dinda ma asii ti ɲgacsêɲomi sêsip malac Kapenaom si, ma sêmbo bêc ɲatô.

*Yisu soc lau su yêc lôm dabuɲ
(Mak 11:15-17; Luk 19:45-46)*

13 Têɲ têm dinaɲ lau Israel-ɲga si om atu †Mwasinɲ Pasowa-ɲga meɲ kêpiɲ. Tu dinaɲ-ɲga Yisu pi Jerusalem gi.

14 Iɲ hôc asê su, ma yêc lôm dabuɲ ɲabatêmdö, iɲ gêlic lau sêhoɲ makao ti domba ma balusi bu lau sênemlhi, ma lau ɲatô sêndöc tebo bu sêo lau apa si mone ɲa lau Israel-ɲga si mone.

15 Dec iɲ gêm bocbiɲ wac ti po ma kêbulu ɲac sêsa awê si, ma kêbulu makao ti domba sêwhiɲ. Ma iɲ tac lau sêo mone-ɲga si tebo sa, ma kêbalip ɲac si mone babalip.

16 Goc iɲ hec yom lau balusi-ɲga ma sôm têɲ ɲac, “Akôc nem balusi dinaɲ asa awê andi! Damaɲ ndê andu yêc bu lau sênemlhi gêɲ sêmbo-ɲga dom. Mac akôm sac sambuc!”

17 Têɲ dinaɲ iɲ ndê ɲgacsêɲomi gauc gêm Anötö ndê yom daɲ naɲ sêto yêc bocdec bu:

Aö neŋ atac whiŋ tu am nem andu-ŋga, mbô aö
neŋ ŋalôm sa ŋapaŋ. *[BW 69:9]*

¹⁸ Ma lau bata Israel-ŋga sêndac Yisu ma sêsôm,
“Asa kêŋ ŋaclai têtŋ am bu kôm gêŋ dinaŋ? Kôm gêŋ
dalô daŋ bu tôc am nem ŋaclai ŋahu asê têtŋ yac.”

¹⁹ Yisu ô ŋac si awha ma sôm, “Aseŋ lôm dabuŋ
dindec su, ma aö oc wakwê sa tiyham nditôm bêc
tö.”

²⁰ Goc sêsôm, “Muŋ-ŋga lau sêkôm gwelenŋ sêkwê
lôm dabuŋ dindec-ŋga gitôm yala 46. Ma bocke dec
am gauc gêm bu am gitôm bu kwê sa tôm bêc tö?”

²¹ Sêsôm yom dinaŋ bu ŋac sêŋyalê dom bu lôm
dabuŋ naŋ iŋ sôm yom pi, naŋ iŋ dau.

²² T iŋambu, têtŋ ndoc Yisu tisa akêtŋ lau batê-ŋga,
naŋ iŋ ndê sêŋomi gauc gêm iŋ ndê yom dinaŋ. Ma
têtŋ dinaŋ sêkêtŋ whiŋ yom naŋ iŋ sôm, ma sêkêtŋ
whiŋ Anötö ndê yom naŋ sêto yêc muŋ su, pi iŋ
ndê mbac ndu ma tisa-ŋga.

²³ Yisu mbo Jerusalem têtŋ Om Pasowa-ŋga, ma
lau daêsam sêlic gêŋ dalô hoŋ naŋ iŋ kôm, dec sêkêtŋ
whiŋ iŋ.

²⁴⁻²⁵ Tigenŋ Yisu kêyalê ŋamalac si gauc ti yom hoŋ
naŋ yêc ŋac si ŋalôm. Iŋ pônnda ŋamalac si yom pi
dau dom. Ma tu dinaŋ-ŋga iŋ whê dau sa sambuc
têtŋ ŋamalac daŋ dom.

3

Yisu lu Nikodemas

¹ Lau Israel si ŋgac bata daŋ mbo Jerusalem, naŋ
ndê ŋaê Nikodemas. Iŋ mbo lau †Palêsai si toŋ, ma
iŋ lau bata †Sanedrin-ŋga si daŋ whiŋ.

² Têtŋ ôbwêc daŋ, Nikodemas têtŋ Yisu gi, ma sôm
têtŋ iŋ, “O Kêdôhônŋwaga. Yac alic gêŋ dalô hoŋ naŋ

am kôm, dec anjyalê bu am kêdôhônjwaga dan nan Anötö kêkinj meñ. Nahu bu Anötö bu mbo whinjamalac dan dom, dec oc tòm dom bu jamalac dau kôm gêñ dalô gitôm nan am kôm.”

³ Ma Yisu ô inj ndê yom ma sôm, “Yom njandô aö wasôm têñ am. Jamalac dan bu tiwakuc tiyham dom, dec oc tòm dom bu inj mbo †Anötö ndê gôlinj njapu.”

⁴ Goc Nikodemas sôm têñ inj, “Jamalac andô dan oc tiwakuc njalêñ bocke? Oc tòm bu sip dinda atac njalôm ma dinda kôc inj tiyham, me?”

⁵ Ma Yisu sôm, “Aö wasôm yom njandô têñ am. Jamalac dan bu tiwakuc na bu ma na Njalau Dabun dom, dec oc nditôm dom bu mbo Anötö ndê gôlinj njapu.

⁶ Jamalac sêkwê jamalac asê, magoc Njalau tigenj g itôm bu kôm jamalac dan tiwakuc ma kêñ njalôm wakuc têñ inj.

⁷ Aö gasôm têñ am bu mac atiwakuc tiyham na njac lai undambê-nja manj. Am sö tu yom dinan-nja dom.

⁸ Mbu kêsêlêñ kêkuc Anötö ndê atac whinj. Am gitôm bu ngô njakêcsia, tigenj am kêyalê mbu nahu me mbu njapwê dom. Ma Njalau Dabun ndê gwelenj kôm lau sêtiwakuc-nja, nan kainj tigenj.”

⁹ Nikodemas ngô yom dinan, dec ndac Yisu, “Aluê! Yom dinan oc njandô sa njalêñ bocke?”

¹⁰ Ma Yisu sôm, “Am lau Israel si kêdôhônjwaga mêtê-nja dan, ma bocke dec am kêyalê yom dindec nahu dom?”

¹¹ Aö wasôm yom njandô têñ am. Gêñ nanj aö ti lau nanj sêñkuc aö nanj anjyalê, dec yac asôm asê. Ma yac

ahoc yom ñandô asê pi gêñ nan yac alic su. Magoc mac akôc yac mba yom sa dom.

¹² Aô gasôm yom têñ mac pi gêñ nom-ñga, magoc mac akêñ whiñ dom. Ma aô bu wasôm yom têñ mac pi gêñ undambê-ñga, dec oc akêñ whiñ ñalêñ bocke?

¹³ Ñamalac dan pi undambê gi bu êñyalê gêñ undambê-ñga dom, tigen Ñamalac ndê Atu, nan sip akêñ undambê meñ, nan kêyalê.

¹⁴ Muñ-ñga, têñ ndoc lau Israel-ñga sêmbo gamen sawa, nan Moses gic mboc ñagatu* pi a, ma hóc sa pi lôlôc gi. Ma ñalêñ tigen, lau oc sêndic Ñamalac ndê Atu pi a, ma sêhóc in sa pi lôlôc ndi. Lêñ dinañ gic in ñawaê,

¹⁵ tu bu lau hoñ nan sêkêñ whiñ in, nan oc sêtap señ sêndôc tali ñapañ-ñga sa.

¹⁶ “Bu Anötö atac whiñ lau nom-ñga ndu andô, dec kêñ ndê Atu tigen mbac ndu tu ñac-ñga, bu lau hoñ nan sêkêñ whiñ in, nan oc sêniñga dom, magoc sêtap señ sêndôc tali-ñga sa.

¹⁷ Anötö kêñ ndê Atu sip nom meñ bu êmatôc lau dom, magoc kêñ in meñ bu ti lêñ nem lau si-ñga.

¹⁸ Lau nan sêkêñ whiñ in, nan oc sêtap Anötö ndê matôc sa dom. Magoc lau nan sêkêñ whiñ dom, nan gitôm sêmatiñ dau si yom tidôñ su bu oc sêtap Anötö ndê matôc sa, ñahu bu ñac sêkêñ whiñ Anötö ndê Atu tigen dom.

¹⁹ Ma ñac si matôc dau ñahu bocdec bu. Ñawê ñandô sip nom meñ, tigen sêtec ñawê dau ma atac whiñ lêñ ñasec-ñga, ma sêsap mêtê sac dôñ ñapañ.

* **3:14:** Yom pi mboc ñagatu nan Moses kêñ pi a dan, nan asam yêc Nam 21:4-9.

20 Lau hoŋ naŋ sêkôm mêtê sac, naŋ sêtec bu ŋawê dau pô ŋac si mêtê sac e yêc awê, ma tu dinaŋ-ŋga sêtigasuc ŋawê dau dom.

21 Magoc lau naŋ sêŋkuc yom ŋandô, naŋ sêtêŋ ŋawê sêmeŋ ma gacgeŋ sêmbo dinaŋ. Ma tu dinaŋ-ŋga lau hoŋ sêlic yêc awê bu ŋac sêkôm mêtê ŋayham tôm Anötö kêŋ ŋaclai têŋ ŋac.”

Jon sôm yom pi Yisu

22 Dinaŋ su, goc Yisu ti iŋ ndê ŋgacsêŋomi sêhu Jerusalem siŋ, ma sêsa si sêmbo gameŋ ŋamakê-ŋga yêc gameŋ Judia-ŋga. Ma yêc dindê iŋ mbo whiŋ ŋac ma sêŋku lau.

23 Têŋ ndoc dinaŋ Jon mbo malac Aenon, naŋ yêc suŋ sa têŋ Salim. Bu ŋagapoŋ ŋayham poc gameŋ dinaŋ, ma tu dinaŋ-ŋga Jon mbo dinaŋ, ma kêku lau naŋ sêtêŋ iŋ si.

24 Têŋ ndoc dinaŋ Jon mbo awê, sêkêŋ iŋ ndöc gapocwalô su dom.

25 Ma Jon ndê sêŋomi ŋatô ma ŋac bata Israel-ŋga daŋ sêseŋ dau pi lêŋ lau sêŋgwasiŋ dau ŋawasi sa yêc Anötö aŋgô-ŋga.

26 Dec sêtêŋ Jon si, ma sêsôm, “Kêdôhônŋwaga, muŋ-ŋga am hoc yom asê pi Yisu, têŋ ndoc iŋ hóc asê am yêc Bu Jordan ŋadaŋga. Kwahic dec yac aŋgô bu lau hoŋ sêtêŋ iŋ si, bu iŋ êŋku ŋac.”

27 Jon ô ŋac si yom ma sôm, “Ahêgo daôm dom! Alu Yisu lu-lu akôm mba gwelenŋ gitôm Anötö dau kêŋ sip alu amanŋ.

28 Mac aŋyalê yom hoŋ naŋ aö gasôm têŋ mac su. Aö gasôm bu aö dauŋ Mesaya dom, magoc Anötö kêkiŋ aö gamuŋ iŋ gameŋ.

²⁹ Lau hoŋ bu sê têŋ Yisu sêndi, dec oc solop. Bu ŋac gitôm awhê naŋ sêmatin in ndê yom bu nem ŋac, ma Yisu in gitôm ŋac nem awhê-ŋga dau. Aö gitôm ŋac dau ndê silip, naŋ atac ŋayham kêlêc têŋ ndoc ŋac nem awhê-ŋga hôc asê bu nem ndê awhê sa. Ma bocdinaŋ kwahic dec aö neŋ atac ŋayham tu Yisu-ŋga gêm aö ahuc sambuc.

³⁰ Ma in solop bu kwahic dec Yisu ndê waê tiatu, ma aneŋ waêŋ tisaun.

³¹ In sip akêŋ undambê meŋ, dec hôc gêlêc lau hoŋ su. Aö dec, aö ŋamalac nom-ŋga ma aö neŋ ŋahu yêc nom, ma bocdinaŋ gasôm yom tôm ŋamalac nom-ŋga. Magoc in sip akêŋ undambê meŋ,

³² ma sôm yom ŋandô pi gêŋ naŋ in gêlic ti ngô su yêc undambê. Magoc lau daêsam sêkôc in ndê yom sa dom.

³³ Ŋamalac bocke naŋ kôc in ndê yom sa, naŋ tôc asê bu in gêlic Anötö ndê yom bu yom ŋandô eŋ.

³⁴ Ŋahu bu in naŋ Anötö kêkin sip nom meŋ, naŋ sôm Anötö dau ndê yom asê. Ma Anötö kêgamin in ndê Ŋalau têŋ in dom.

³⁵ Damba tac whin in ndê Atu kêlêc, dec kêŋ gêŋ hoŋ sip in amba.

³⁶ Ma asa naŋ kêŋ whin Atu, naŋ Anötö gic bata su, bu in oc mbo tali ŋapaŋ. Tigeŋ asa naŋ kôc in sa dom, naŋ Anötö ndê atac ŋandê yêc in dôŋ yêc, dec in oc lic undambê dom.”

4

Yisu lu awhê Samaria-ŋga dan

¹⁻² Têŋ ndoc dinaŋ Yisu mbo whin in ndê ŋgacsêŋomi, ma ŋac sêŋku lau. In dau kêku lau dan

dom. Magoc lau Palêsai sêngô ñawaê bu Yisu kêku lau daêsam, ma bu lau daêsam nañ êlêmê sênkuc in, nañ sêhóc gêlêc Jon ndê sêñomi su. Yisu kêyalê bu lau Palêsai sêngô ñawaê dinañ, ma bu sêkêñ kisa in,

³ ma bocdinañ dec in hu gameñ Judia-nga sin, bu mbu têt Galili ndi.

⁴ Yisu gauc gêm tidôn bu ho señ nañ gic lau †Samaria-nga si gameñ kôc, dec in ti ndê ñgac-sêñomi sêñsêlêñ sêmbo señ dinañ.

⁵ Ñac sêñsêlêñ e sêsuñ sa lau Samaria si malac atu dañ ñaê Sika. Malac dau yêc kêpiñ nom ñasawa dañ nañ muñ-nga andô, Jakob kêñ têt in ndê atu Josep.

⁶ Ma sê nañ Jakob kwê tu sêtap bu sa-nga, nañ yêc malac dau ñamakê. Yisu ti ndê ñgacsêñomi sêhóc asê sê bu-nga dau têt ac kac lhu, ma sêñsêlêñ señ baliñ su e Yisu kwapac sa, dec in ndöc sic ndöc dinañ.

⁷⁻⁸ Ma in ndê ñgacsêñomi sêhu in sin ma sêsôc malac dau si, bu sêñsalê gêt sêneñ-nga.

Malô goc awhê Samaria-nga dañ sa meñ bu têt bu. Ma Yisu sôm têt in, “Gitôm bu am kêñ bu têt aö wanôm?”

⁹ Goc awhê dau ô yom bocdec bu, “Bocke dec am ñgac Israel-nga ndac aö awhê Samaria-nga bu wakêñ bu têt am nôm?” (In sôm yom dinañ, ñahu bu lau Israel m a lau Samaria-nga sêtec dandi ma sêmbo ahê dau.)

¹⁰ Ma Yisu sôm, “Kwahic dec aö gandac bu têt am. Am bu êmyalê aö neñ ñahu, ma mwasiñ nañ Anötö kêñ ñambwa, dec am oc ndac bu têt aö, ma aö wakêñ bu nañ oc kêñ ñamalac sêndöc tali, nañ têt am.”

11 Awhê dau ngô yom dinaŋ, goc sôm, “O ŋadau. Bu tali-ŋga naŋ am sôm yom pi, naŋ am oc kôc yêc nde? Bu am nem laclhu êmgati bu sa-ŋga mba, ma sê bu-ŋga dindéc baliŋ andô.

12 Abaŋ Jakob ti ndê atui, ma iŋ ndê makao ti domba hoŋ sênôm bu yêc dec. Ma bocke? Am nem bu bocke yêc, naŋ hôc gêlêc iŋ dindéc naŋ Jakob kêŋ têtŋ yac, naŋ su?”

13 Dec Yisu sôm têtŋ iŋ, “Lau hoŋ naŋ sênôm bu nom-ŋga, naŋ bu oc yô ŋac tiyham.

14 Magoc lau naŋ sênôm bu naŋ aô wakêŋ têtŋ ŋac, naŋ bu oc yô ŋac tiyham dom. Mba. Bu naŋ aô wakêŋ têtŋ ŋac, naŋ oc ti bubata naŋ êmbulup pi ŋac si ŋalôm, ma ŋac oc sêndöc tali ŋapaŋ.”

15 Têtŋ dinaŋ awhê dau sôm, “O ŋadau, kêŋ bu dinaŋ têtŋ aô. Ma bocdinaŋ dec bu oc yô aô tiyham dom, ma wasa wameŋ tôm bêc hoŋ bu watê bu yêc sê bu-ŋga dindéc tiyham dom.”

16 Goc Yisu sôm têtŋ iŋ, “Am mbu ndi ma ta nem akweŋ, ma amlu ambu ameneŋ.”

17 Ma awhê dau sôm, “Aneŋ akweŋ mba.” Goc Yisu ô yom ma sôm, “Am sôm solop bu am nem akweŋ mba.

18 Bu am gêm ŋgac amañdaŋ su, magoc sêhu am siŋ. Ma ŋgac naŋ kwahic dec am mbo whiŋ iŋ, naŋ ti am nem akweŋ dom. Am sôm yom ŋandô.”

19 Têtŋ dinaŋ awhê dau sôm, “Ŋadau, aô g alic bu am propet daŋ.

20 Muŋ-ŋga yac lau Samaria-ŋga mba abaŋi sem akiŋ Anötö yêc lôc dindéc. Tigeŋ mac lau Israel-ŋga asôm bu gameŋ tigeŋ yêc tu lau sênem akiŋ Anötö-ŋga, naŋ yêc Jerusalem.”

²¹ Goc Yisu sôm, “O awê! Aö wasôm yom ñandô têt am. Ndoc oc meñ sa, nañ lau nañ sem akiñ Anötö oc sêhêgo dau dom bu sênem akiñ in sêmbo lôc dindec, me bu sêmbo Jerusalem.

²² Mac lau S amaria-nga am akiñ Anötö, magoc mac aňyalê in dom. A nötö gic bata bu Mesaya oc sa yêc yac lau Israel-nga, ma tu dinañ-nga yac aňyalê in nañ yac am akiñ.

²³ Yomandô! Ndoc nañ bu meñ sa, nañ kwahic dec meñ su, dec lau nañ sem akiñ Anötö ñalêñ solop, nañ oc sênem akiñ in ti Nalau Dabuñ ndê ñaclai, ma ti lêt yom ñandô-nga. Damañ Anötö dau kêsalê lau nañ sem akiñ in ñalêñ bocdinañ.

²⁴ In dau in ñalau, dec ñalêñ tigen yêc bu lau sênem akiñ in, nañ sênem akiñ in ti Nalau Dabuñ ndê ñaclai, ma ti lêt yom ñandô-nga.”

²⁵ Goc awê dau sôm, “Aö kayalê bu Mesaya nañ sêsam bu Kilisi oc meñ. Ma têt ndoc in meñ, nañ in oc whê gêt hon sa têt yac.”

²⁶ Ma Yisu sôm, “Aö Mesaya dañ gasôm yom têt am.”

²⁷ Têt dinañ Yisu ndê ñgac-sêñomi sêmbo sêmeñ, ma sêlic bu in sôm yom whiñ awê dañ, dec sêhê gauc ñambwa. Magoc ñac si dañ sôm yom dom. Sêndac in bu bocke ma in sôm yom têt awê dau lec dom. Ma sêndac awê dau bu in tac whiñ gêt sake lec dom.

²⁸ Awê dau hu in ndê lôñ bu-nga siñ kalhac, ma mbu sôc malac gi. Ma in sôm têt in ndê lau,

²⁹ “Ameñ ma alic ñgac dañ! In kêyalê gêt hon nañ aö gakôm, ma sôm asê têt aö. Oc mboe in Mesaya dau?”

³⁰ Goc ñac sêhu malac dau siñ ma sêsa si bu sêlic Yisu.

³¹ Têñ ndoc awhê dau mbu sôc malac gi, nañ ñgacsêñomi sêsôm têtñ Yisu, “Kêdôhônñwaga, yac akôc gêtñ tu am neñ-ñga.”

³² Magoc inñ sôm têtñ ñac, “Aö neñ gêtñ danenñ-ñga yêc, nañ mac añyalê ðom.”

³³ Goc sêndac dandi bu, “Mboe lau danñ sêkêtñ gêtñ danenñ-ñga têtñ inñ su, me?”

³⁴ Ma Yisu sôm têtñ ñac, “Aö danañ wambu inñ nañ kêkinñ aö gameñ, ma wandic dabinñ inñ ndê gwelenñ. Aneñ gêtñ danenñ-ñga dau dinanñ.

³⁵ Anğô su nañ. Têñ ndoc mac asô gêtñ ñawhê sip ôm, nañ mac asôm bu, ‘Ayô hale su goc yac oc dandic gêtñ ñandô sa.’ Tigenñ aö wasôm têtñ mac, bu ahôc nem tanôm sa, ma alic bu gêtñ ñandô ôm-ñga mbêc su.

³⁶ Ma kwahic dec ñgac gic gêtñ ñandô sa-ñga kôm inñ ndê gwelenñ mbo. Ma gêtñ ñandô nañ inñ gic sa, nañ lau nañ sêkêtñ whinñ ma sêtap señ sêmbo tali-ñga sa. Tu dinanñ-ñga inñ nañ sô gêtñ ñawhê, lu inñ nañ gic ñandô sa, nañ lu-lu atac ñayham sa sêwhinñ dau.

³⁷ Yom gôlinñ danñ yêc bocdec, ‘Ñamalac danñ sô gêtñ ñawhê, ma danñ tiyham gic gêtñ ñandô sa.’ Yom dau inñ yom ñandô, ma hêganônñ gwelenñ ñawaê ñayham-ñga whinñ.

³⁸ Bu aö kakinñ mac bu andic gêtñ ñandô sa yêc ôm nañ mac asô ðom. Lau ñatô sêkôm gwelenñ atu tu sêsô gêtñ-ñga, dec mac atap ñac si gwelenñ ña-ñandô sa.”

Lau Samaria-ñga daêsam sêkêtñ whinñ Yisu

³⁹ Têñ ndoc awhê Samaria-nga dinan sôm yom asê pi Yisu têñ lau malac-nga bu, “In sôm gêñ hon nan aö gakôm su, nan asê têñ aö,” nan lau Samaria-nga daêsam sêkêñ whiñ Yisu.

⁴⁰ Ma têñ ndoc sêsa sêtêñ in si, nan sêten in napan bu mbo whiñ ñac. Dec in mbo whiñ ñac gitôm bêc lu.

⁴¹ In sôm yom whiñ lau malac-nga ma lau daêsam tiyham sêkêñ whiñ in.

⁴² Ma sêsôm têñ awhê dinan, “Têñ ñamata-nga yac anğô yom nan am sôm pi in, dec akêñ whiñ in. Magoc kwahic dec yac anğô in dau ndê yom, ma yac anyalê pi ñandô, bu in ñgac nan Anötö kêkin bu nem lau nom-nga si.”

Yisu hôc asê gameñ Galili-nga

⁴³ Bêc lu dinan pacndê su, goc Yisu tisa ma kêsêlêñ gi e hôc asê gameñ Galili-nga.

⁴⁴ Muñ-nga in sôm asê bu yêc propet dan ndê gameñ, in ndê lau oc sêtoc in sa dom.

⁴⁵ Magoc têñ ndoc in hôc asê Galili, nan lau dinan sêkôc in sa ti atac ñayham. Nahu bu ñac sêmbo Jerusalem têñ ndoc Pasowa-nga, ma sêlic gêñ hon nan in kôm yêc dindê.

*Yisu kôm balê dan ñayham sa
(Mat 8:5-13; Luk 7:1-10)*

⁴⁶ Têñ têm Yisu mbo gameñ Galili-nga, nan in sôc malac Kana gi tiyham, malac nan muñ-nga in gêm bu kwi ti wain. Têñ ndoc dinan ñgac bata Rom-nga dan mbo malac Kapenaom, ma in ndê atungac gêmbac yêc.

⁴⁷ Balê dau gêmbac atu e kêpin bu mbac ndu. Ma ñgac bata dau ngô ñawaê bu Yisu meñ akêñ gameñ

Judia-nga ma hôc asê Galili. Tu dinaŋ-nga dec iŋ têt iŋ gi, ma ndac iŋ bu têt malac Kapenaom ndi, ma kôm balê dau ŋayham sa.

⁴⁸ Dec Yisu sôm, “O mac lau! Mac bu alic gêt dalô atu-tu dom, dec oc akêt whiŋ dom.”

⁴⁹ Magoc ŋac bata dau ten iŋ tiyham ma sôm, “O ŋadau, mwen ŋagahô! Bu mba, anen balê oc mbac ndu.”

⁵⁰ Goc Yisu sôm têt iŋ, “Am ndi, am atôm oc mbo tali.” Ma ŋac dau kêt whiŋ Yisu ndê yom, ma kôlhô gi.

⁵¹ Têt têt iŋ kêsêlêt mbo sen, naŋ iŋ ndê lau akiŋ ŋatô sêsa akêt Kapenaom sêmen ma sêtap iŋ sa. Ma sêsôm têt iŋ bu, “Am nem balê ŋayham sa su.”

⁵² Dec iŋ ndac ŋac bu, “Acgatu ŋasawa bocke ma balê dau ŋayham sa?” Ma ŋac sêsôm têt iŋ, “Alhabêc, têt ac ho dau, naŋ gêmbac hu iŋ siŋ ma iŋ ŋamlic ŋalhuc sa.”

⁵³ Têt dinaŋ damba ndê gauc sa bu acgatu ŋasawa dinaŋ en, dec Yisu sôm têt iŋ bu, “Am atôm oc mbo tali.” Ma iŋ ti iŋ ndê lau hon naŋ sêndôc sêwhiŋ iŋ, naŋ sêkêt whiŋ bu Yisu iŋ Mesaya dau.

⁵⁴ Gêt dalô tilu-nga naŋ Yisu kôm yêc malac Kana, naŋ ŋamiŋ dau dinaŋ. Yisu kôm gêt dau têt têt iŋ hu gamen Judia-nga siŋ, ma mbu têt gamen Galili-nga gi.

5

Yisu gêm ŋac bôliŋ dan sa

¹ Tiŋambu lau Israel-nga si mwasin atu dan ŋabêc hôc asê, ma Yisu mbu pi Jerusalem gi.

² Yêc Jerusalem, bu ñatoŋ atêc dan, naŋ sêwhê ña hoc ahuc, naŋ poc kêpiŋ malac dau ñagatam naŋ sêsam bu Gatam Domba-ŋga. Sêsam bu ñatoŋ dau ñaê yêc Yom †Hibru bu Betesda, ma andu selep amanđan sêlhac ñamakê.

³ Ma yêc dinaŋ lau gêmbac daêsam sêyêc, lau tapec, lau bôliŋ ma lau ñasac ñatô. [

⁴ Tôm têm ñatô Pômdau ndê aŋela dan oc sip meŋ ma kôm bu dau li sa. Lau gêmbac sêhôn têm dinaŋ, ma asa naŋ sip bu dau tiŋamata, naŋ oc ñayham sa.]

⁵ Ñac si dan iŋ ñgac bôliŋ naŋ gêmbac gitôm yala 38.

⁶ Têŋ ndoc Yisu kêsêlêŋ mbo gameŋ dinaŋ, iŋ gêlic ñgac bôliŋ dau, ma kêyalê bu iŋ gêmbac yêc ñasawa hic baliŋ su, goc ndac iŋ, “Am tac whiŋ bu am ñayham sa, me?”

⁷ Ma ñgac bôliŋ dau sôm, “O ñadau! Aö gahôn têm naŋ bu dindec ñali sa, magoc ñamalac dan mba bu nem aö sa. Ma aö bu wasip bu wandi, tigeŋ ñamalac dan êlêmê hóc gêlêc aö su.”

⁸ Goc Yisu sôm têŋ iŋ, “Tisa! Ma hóc nem mbô sa, ma êmsêlêŋ.”

⁹ Ma ñagahô ñgac dau ñayham sa, goc hóc ndê mbô sa ma kêsêlêŋ gi.

Yisu kôm gêŋ dinaŋ têŋ bêc †Sabat-ŋga dan.

¹⁰ Ma tu dinaŋ-ŋga lau bata Israel-ŋga sêsôm têŋ ñgac naŋ Yisu kôm ñayham sa bu, “Acsalô lec iŋ bêc Sabat-ŋga. Yac neŋ yomsu gic yao yac bu dakôm gwelen têŋ bêc Sabat-ŋga dom, ma bocke dec am kôc nem mbô ma kêsêlêŋ.”

¹¹ Magoc iŋ sôm, “Ñgac naŋ kôm aö ñayham sa, naŋ sôm têŋ aö bu, ‘Hóc nem mbô sa, ma êmsêlêŋ.’ ”

¹² Ma sêndac in, “Ngac nanj sôm têtj am bu am hóc nem mbô sa ma êmsêlêj, nanj asa?”

¹³ Tigenj ngac dau kêyalê dom. Nahu bu têtj ndoc Yisu kôm inj nájham sa, nanj lau daêsam sêmbo, ma Yisu kêdahinj dau su sip njac njalôm ma kôlhô gi.

¹⁴ Tinjambu Yisu tap inj sa tiyham mbo lôm dabuj, ma sôm têtj inj, “Am ngô su nanj! Am nájham sa su. Dec yob daôm bu kôm sac tiyham dom, mboe njawapac atu danj nanj hóc gêlêc inj dinanj su, nanj tap am sa tinjambu.”

¹⁵ Ma têtj dinanj njac dau sa gi ma kêj njawaê têtj lau bata Israel-nja, bu njac nanj kôm inj nájham sa, nanj Yisu.

Lau bata Israel-nja sêkêj kisa Yisu

¹⁶ Lau bata Israel-nja sêlic bu Yisu kôm gêtj kainj dinanj têtj bêc Sabat-nja njatô, ma tu dinanj-nja sic hu sêkêj kisa inj.

¹⁷ Dec inj sôm têtj njac, “Damanj kôm inj ndê gwelenj njapanj, têtj têtj njamata-nja e mej têtj kwahic dec. Bocdinaj aô oc wanem gwelenj.”

¹⁸ Têtj njamata-nja lau bata Israel-nja sêkêj kisa Yisu bu inj sôc yomsu Sabat-nja njapu dom. Ma têtj ndoc sêngô inj ndê yom dinanj, nanj sêkôm njanga bu sêndic inj ndu. Sêsôm, “Inj sam Anötö bu inj Damba ma bocdinaj inj bu po dau ndê waê sa nditôm Anötö dau.”

Anötö kêj njac lai têtj inj ndê Atu

¹⁹ Goc Yisu sôm têtj njac, “Aô wasôm yom njandô têtj mac. Oc tôm dom bu Anötö ndê Atu kôm gêtj danj ênkuc dau ndê atac whinj. Mba! Gêtj bocke nanj Atu gêlic Damba kôm, nanj dec inj kôm. Bu Atu kôm gêtj honj gitôm Damba kôm.

²⁰ Damba atac whiᅇ Atu kêlêc, ma tôc gêᅇ hoᅇ naᅇ iᅇ dau kôm, naᅇ asê têᅇ iᅇ. Ma aö wasôm têᅇ mac bu Damba oc hoc gêᅇ atu-tu asê têᅇ Atu bu kôm, naᅇ hôc gêlêc gêᅇ naᅇ iᅇ kôm, naᅇ su. Ma têᅇ têm mac alic gêᅇ dau, naᅇ mac oc asö.

²¹ Tôm Damba uᅇ lau batê sa ma kêᅇ ᅇac sêmbo tali, naᅇ iᅇ ndê Atu dec kêᅇ lau naᅇ iᅇ atac whiᅇ ᅇac, naᅇ sêmbo tali boc-dinaᅇ.

²² Ma gêᅇ daᅇ tiyham. Damba oc êᅇsahê lau daᅇ dom. Iᅇ kêᅇ ᅇaclai têᅇ iᅇ ndê Atu bu êᅇsahê lau pi ᅇac si mêtê.

²³ Ma tu dinaᅇ-ᅇga lau hoᅇ naᅇ sêtoc Atu ndê waê sa, naᅇ sêtoc Damba ndê waê sa bocdinaᅇ. Magoc asa naᅇ toc Atu sa dom, naᅇ toc Damba naᅇ kêkiᅇ iᅇ meᅇ, naᅇ sa dom.

²⁴ “Aö wasôm yom ᅇandô têᅇ mac, bu asa naᅇ kôc aneᅇ yom sa, ma kêᅇ whiᅇ iᅇ naᅇ kêkiᅇ aö gameᅇ, naᅇ oc tap matôc sa dom. Iᅇ hu seᅇ mbac ndu-ᅇga siᅇ su, ma tap seᅇ mbo tali ᅇapaᅇ-ᅇga sa.

²⁵ Yomandô dec wasôm têᅇ mac. Têm naᅇ Anötö gic bata, naᅇ kwahic dec meᅇ su, dec lau naᅇ sêmbo seᅇ sêmbac ndu-ᅇga, naᅇ oc sêᅇgô Anötö ndê Atu awha. Ma ᅇac naᅇ sêᅇgô ma daᅇga wambu, naᅇ oc sêmbo tali.

²⁶ Tali ᅇahu yêc Damba dau, ma iᅇ kêᅇ tali ᅇahu têᅇ iᅇ ndê Atu whiᅇ.

²⁷ Ma iᅇ kêᅇ ᅇaclai têᅇ iᅇ bu êᅇsahê ᅇamalac, bu iᅇ ᅇamalac ndê Atu.

²⁸ Asö tu yom dindec-ᅇga dom. Ndoc oc meᅇ, naᅇ lau hoᅇ naᅇ sêmbac ndu su, naᅇ oc sêᅇgô Atu ndê awha,

²⁹ ma sêtisa akêᅇ lau batê-ᅇga. Lau naᅇ sêkôm

ņayham, naņ oc sêtisa ma sêtap Anötö ndê gameņ sêndöc tali űapaņ-ņga sa. Magoc lau naņ sêkôm sac, naņ oc sêtisa ma sêtap matôc sa.

³⁰ “Oc tôm dom bu aö wakôm gêņ daņ taņwasêņ. Ma aö oc waņsahê ma wamatôc lau waņkuc aö dauņ neņ gauc dom. Mba! Aö wamatôc lau waņkuc yom naņ Damaņ, naņ kêkiņ aö gameņ, naņ sôm têņ aö. Ma aö oc wakôm gêņ dau waņkuc lêņ gitêņ, űahu bu aö gakôm gêņ daņ tu aneņ atac whiņ-ņga dom, aö gakôm gêņ hoņ kakuc Damaņ ndê atac whiņ.”

Gêņ naņ whê Yisu ndê űahu sa

³¹ “Aö bu wahoc yom asê pi dauņ, dec mac oc asôm bu aneņ yom űandô mba, ma akêņ whiņ dom.

³² Magoc Damaņ hoc yom asê bu whê aneņ űahu sa, ma aö kayalê bu iņ ndê yom iņ yom űandô.

³³ “Jon, Ngac Kêku Lau-ņga sôm yom űandô asê pi aö whiņ, têņ têm mac aņkiņ lau sêtêņ iņ si.

³⁴ Aö gapônda yom naņ űamalac sêhoc asê pi aö, naņ dom. Tigeņ kwahic dec aö gasôm yom pi Jon, bu mboe mac akêņ whiņ yom naņ iņ sôm pi aö, dec atap Anötö ndê mwasiņ nem mac si-ņga sa.

³⁵ Jon mbo gitôm ya űawê naņ pô gameņ, ma gitôm űasawa apê mac atisambuc iņ ndê űawê.

³⁶ “Magoc gêņ űatô sêpuņ yom űandô pi aö dôņ, naņ hóc gêlêc Jon ndê yom pi aö. Alic gwelenē naņ aö gakôm gambo. Damaņ dau kêņ gwelenē dinaņ sip aö amaņ tu bu wandic dabiņ, ma gwelenē dau tôc asê bu iņ kêkiņ aö gameņ.

³⁷ Ma Damaņ dau, naņ kêkiņ aö gameņ, naņ hoc yom asê pi aö. Magoc mac lau daôm aņgô iņ ndê awha dom, ma mac alic iņ aņgô su dom.

³⁸ Ma in̄ ndê yom yêc mac nem ñalôm dom, ñahu bu in̄ kêkin̄ aö gameñ, magoc mac akêñ whin̄ aö dom.

³⁹ Mac asam Anötö ndê yom nan̄ sêto yêc, nan̄ ñapan̄, tu bu akip yom hon̄ ñahu sa. Ñahu bu mac gauc gêm bu mac oc atap sen̄ andöc tamli-ñga sa yêc yom dau ñalôm. Yom dau dinan̄ hêganôn̄ aö, ma whê anen̄ ñahu sa,

⁴⁰ tigen̄ mac atec bu atên̄ aö amen̄, ma atap sen̄ andöc tamli-ñga dau sa.

⁴¹ “Aö gameñ bu ñamalac sêpo aö nen̄ waên̄ sa dom.

⁴² Magoc aö kayalê mac su, dec galic bu Anötö ndê atac whin̄ yêc mac nem ñalôm dom.

⁴³ Aö gameñ gam Daman̄ an̄gô, tigen̄ mac akôc aö sa dom. Magoc ñamalac dan̄ nan̄ men̄ tu dau-ñga, nan̄ mac akôc in̄ sa ñagahô en̄.

⁴⁴ Mac atac whin̄ bu atap waêm sa yêc mac daôm nem lau, magoc akôm bu atap waêm sa yêc Anötö tigen̄ ndê dom. Ma bocdinan̄, mac oc akêñ whin̄ aö ñalên̄ bocke?

⁴⁵ Gauc nem bu aö dauñ oc wasôm mac nem giso asê yêc Daman̄ an̄gô-ñga dom. Mba! Mac akêñ batam bu yomsu nan̄ Moses to, nan̄ oc ti mac nem sen̄ andöc tamli ñapan̄-ñga, tigen̄ yomsu dau oc tôc nem giso asê.

⁴⁶ Ñahu bu Moses dau to yom pi aö, ma mac bu akêñ whin̄ in̄, dec oc akêñ whin̄ aö.

⁴⁷ Tigen̄ mac akêñ whin̄ yom nan̄ in̄ to, nan̄ dom, ma bocdinan̄ mac oc akêñ whin̄ anen̄ yom ñalên̄ nde? Oc tôc dom!”

Yisu gôlôm lau 5,000

(Mat 14:13-21; Mak 6:30-44; Luk 9:10-17)

¹ Tiŋambu Yisu kôc ndê ngac-sêŋomi sa ma sic Bugicton Galili-ŋga kic ma sêpi danŋa si. (Bugicton dau sêsam ŋaê dan bu Taibirias.)

² Ma lau daêsam sêŋkuc in si, ŋahu bu ŋac sêlic gêŋ dalô nan in kôm têŋ ndoc in kôm lau gêmbac ŋayham sa.

³⁻⁴ Têŋ têm dinan lau Israel si om atu Mwasin Pasowa-ŋga meŋ kêpiŋ tiyham. Yêc bugicton ŋadanŋa, Yisu pi lôc dan gi ma ndôc sic whiŋ in ndê ngacsêŋomi.

⁵ Ma in hôc tandô sa ma gêlic lau daêsam nan sêwê sêmeŋ, goc sôm têŋ Pilip, “Danemlhi gêŋ daneŋ-ŋga yêc nde, bu dakêŋ têŋ lau daêsam dindêc sêneŋ?”

⁶ In dau kêyalê gêŋ nan in bu kôm, nan su, magoc sôm yom dinan bu êŋsahê Pilip.

⁷ Ma Pilip ô yom ma sôm, “Oc tôm dom andô! Mone atu gitôm †denarii 200 bu ndôc, ma dakôc mone dau ma danemlhi gêŋ daneŋ-ŋga, tigeŋ oc tôm dom bu lau daêsam dindêc sêneŋ ŋagec-ŋagec.”

⁸ Têŋ dinan Yisu ndê ngacsêŋom dan, Saimon Pita ndê asi Andru, sôm têŋ Yisu,

⁹ “Balê dan mbo, nan kôc bolom aman dan ma i lu. Tigeŋ gêŋ dinan oc nditôm lau hoŋ dindêc dom andô!”

¹⁰ Goc Yisu sôm, “Mac asôm têŋ lau bu sêndôc sic.” Kwan daêsam yêc gameŋ dinan, ma lau hoŋ sêndôc sic sêndôc kwan. Lau ton dinan si laungac gitôm 5,000.

¹¹ Ma Yisu kôc bolom ma gêm danŋe, goc kêŋ têŋ lau nan sêndôc dinan, bu sêndic sam têŋ dandi. Ma

in̄ gêm mbec i lu ma kêñ têtñ ñac bocdinañ, ma ñac señ tòm si atac whin̄.

¹² Ñac señ e hóc ñac dôn̄, goc in̄ sôm têtñ ñgacsêñomi, “Mac andic ñadêlê hon̄ sa, bu tanyain̄ gêtñ dan̄ dom.”

¹³ Bolom amañdan̄ ma i lu dinañ, lau señ e gitôm, ma ñgacsêñomi sic ñadêlê sa sip gatop 12 e men̄hu.

¹⁴ Lau sêlic gêtñ dalô atu nañ Yisu kôm, goc sêsôm têtñ dau, “Yomandô! Propet atu nañ dakêtñ batan̄ bu sip nom men̄, nañ ñgac dau dindec, me?”

¹⁵ Têtñ dinañ Yisu kêyalê bu ñac gauc gêm bu sêkôm ñaᅇga bu sêkôc in̄ sa ma sêkêtñ in̄ ti ñac si kin̄. Dec in̄ kêdahin̄ dau su, ma kôlhô tawasê pi lôc dan̄ gi.

*Yisu kêsêlêñ mbo bu ñahô
(Mat 14:22-33; Mak 6:47-51)*

¹⁶ Têtñ ac gi sip, Yisu ndê ñgacsêñomi sêmbu sêtêtñ bugicton̄ si.

¹⁷ Ñac bu sêndic bu kic ma sêmbu sêtêtñ malac Kapenaom sêndi, dec sêpi wañ dan̄ ma sêsa si. Ñasec sa su, magoc Yisu men̄ hóc asê ñac su dom.

¹⁸⁻¹⁹ Ñac sêhêc wañ sêsa ñasawa baliñ gitôm 5 kilometa, ma mbu puc ñadinda e gêli bu ñampon̄ sa. Têtñ dinañ sêlic Yisu kêsêlêñ mbo bu ñahô men̄ kêpiñ wañ, dec sêtôc dau atu.

²⁰ Magoc in̄ sôm têtñ ñac, “Atôc daôm dom! Bu aô dauñ dindec.”

²¹ Goc sêkôc in̄ pi wañ ti atac ñayham, ma ñagahô sêhóc asê baô yêc Kapenaom.

²²⁻²³ Têtñ ñagalan̄sê, lau daêsam nañ sêmbo sêwhin̄ Pômdau têtñ ndoc in̄ gêm dan̄ge bolom ma kêñ têtñ ñac señ, nañ gacgen̄ sêmbo bugicton̄ ñadaᅇga. Ñac

sênyalê bu wan tigen dinan ngacsênomi sêpi ma sêlhö si, ma bu Yisu pi wan dau whin nac dom. Malô goc wan natô akên malac Taibirias sêmen sêsôc baö yêc dinan.

²⁴ Nac sêlic su bu Yisu ti in ndê ngacsênomi sêmbo dom, dec sêpi wan dau, ma sêtêj malac Kapenaom si bu sênsalê Yisu.

Yisu in bolom kêj namalac sêndöc tali-nga

²⁵ Nac sic bugicton kic, ma sêtap Yisu sa, goc sêsôm, “Kêdôhônwaga, am mwen têtj nde?”

²⁶ Ma Yisu ô yom ma sôm, “Yom nandô aö wasôm têtj mac. Aö gakôm gêtj dalô nan tôm bu whê mac nem gauc sa pi aö neñ nahu. Magoc mac anjalê aö ma atac whin bu ambo awhin aö tu gêtj dinan-nga dom. Mba. Mac atac whin bu ambo awhin aö, nahu bu aö gakêj bolom têtj mac an e hôc mac dôj.

²⁷ Akôm mwasac bu atap gêtj danen-nga nan gic waê bu ninnga, nan sa lec dom. Mba! Akôm mwasac tu bu atap gêtj danen-nga nan oc kêj mac ambo tamli napan, nan sa. Ma gêtj dau Namalac ndê Atu oc kêj têtj mac, bu Damba Anötö kêyalin in sa su, ma kêj naclai têtj in bu kôm gêtj dau.”

²⁸ Goc nac sêndac in, “Gitôm bu am whê sa têtj yac, gêtj nan Anötö atac whin bu yac akôm?”

²⁹ Ma Yisu sôm, “Anötö ndê atac whin nandô bu mac akôm gêtj bocdec. Akên whin ngac nan in kêkin in meñ.”

³⁰⁻³¹ Goc nac sêsôm, “Muñ-nga yac mba abanji sêmbo gameñ sawa ma señ mana ti nac si gêtj danen-nga, tôm yom nan sêto yêc bocdec, *‘In kêj bolom undambê-nga têtj nac señ.’* Kwahic dec yac bu

andac am bu kôm gêñ dalô kainñ tigenñ. Yac bu alic, dec yac oc akêñ whinñ am.”

³² Goc Yisu sôm, “Mac gauc gêm bu Moses kênñ bolom undambê-nga têtñ mac. Magoc aö wasôm yom ñandô têtñ mac bu aneñ Damañ oc kênñ bolom ñandô undambê-nga têtñ mac.

³³ Ma Anötö ndê bolom dau dec, inñ nañ sip akêñ undambê meñ ma kênñ lau nom-nga sêndöc tali ñapañ.”

³⁴ Lau sêñgô Yisu ndê yom dau, goc sêsôm têtñ inñ, “Pômdau, kwahic dec ma ndi, yac atac whinñ bu am kênñ bolom dau dinañ têtñ yac.”

³⁵ Goc Yisu sôm, “Bolom nañ kênñ ñamalac sêndöc tali, nañ aö dauñ dec. Lau nañ sêtêtñ aö sêmeñ, nañ gêñ oc yô ñac tiyham dom. Ma lau nañ sêkêñ whinñ aö, nañ bu oc yô ñac tiyham dom.

³⁶ Tigenñ tôm aö gasôm têtñ mac su, mac alic aö su, magoc akêñ whinñ aö dom.

³⁷ Lau bocke nañ Damañ kênñ têtñ aö, nañ hoñ oc sêtêtñ aö sêmeñ. Ma lau nañ sêtêtñ aö sêmeñ, nañ oc tôm dom bu wasoc ñac si dañ su.

³⁸ Aö gasip akêñ undambê gameñ, bu wakôm gêñ tôm aö dauñ neñ atac whinñ dom. Mba! Aö gasip gameñ, bu wakôm gêñ tôm Damañ nañ kêkinñ aö gameñ, nañ ndê atac whinñ.

³⁹ Ma Damañ atac whinñ bu aö wayob ñamalac hoñ nañ inñ kênñ têtñ aö, bu ñac si dañ niñga dom. Aö waunñ ñac hoñ sa têtñ bêc ñambu-nga.

⁴⁰ Damañ ndê atac whinñ bocdec bu, lau hoñ nañ sêñyalê inñ ndê Atu, ma sêkêñ whinñ inñ, nañ oc sêtap señ sêndöc tali-nga sa, ma aö waunñ ñac sa têtñ bêc ñambu-nga.”

41 Têñ ndoc nan lau bata Israel-nga sêngô Yisu sôm bu in bolom nan sip akêñ undambê meñ, nan sêli awha sa pi in.

42 Nac sêsôm têñ dandi, “Nğac dindec in Yisu, Josep ndê atunğac. Yac tanyalê in dinda lu damba. Bocke ma kwahic dec in sôm têñ yac bu in sip akêñ undambê meñ?”

43 Dec Yisu sôm, “Ali awham sa têñ daôm dom!

44 Lau dan gitôm dom bu sêtêñ aö sêmeñ nambwa. Daman nan kêkin aö gameñ, nan bu kac nac si gauc kwi, dec oc tôm bu sêtêñ aö sêmeñ. Ma aö oc waun nac sêtisa têñ bêc nambu-nga.

45 Sêto propet akwa dan ndê yom yêc bocdec bu, ‘*Anötö oc êndôhôn ñamalac hon.*’ Bocdinañ dec anğô. Lau hon nan sêkêñ danğa Daman ndê yom ma in kêdôhôn nac, nan oc sêtêñ aö sêmeñ.

46 Yom dau sôm bu Anötö oc êndôhôn lau, magoc ñamalac dan gêlic Daman su dom. Anötö ndê Atu nan mbo whin in ma sip nom meñ, in tigen gêlic in.

47 Ma aö wasôm yom nandô. Asa nan kêñ whin Atu, nan tap señ ndöc tali napan-nga sa su.

48 Bolom kêñ ñamalac sêndöc tali-nga, nan aö daun dindec.

49 Mac nem apami señ mana yêc gameñ sawa, magoc tinambu nac hon sêmbac ndu.

50 Tigen bolom nan sip akêñ undambê meñ, in bolom kain dan. Namalac dan bu neñ, dec oc nınğa dom.

51 Ma bolom tali-nga nan sip akêñ undambê meñ, nan aö daun dec. Namalac dan bu neñ bolom dindec, dec oc ndöc tali napan. Ma bolom dau dinañ aö neñ namsôm, nan aö oc wakêñ bu lau hon

nañ sêkêñ whiñ aö, nañ oc sêndöc tali ñapañ.”

⁵² Têñ dinañ lau bata Israel-ñga sêsenj dandi ñandô, ma sêsôm têñ dau, “Bocke ma ñgac dindéc sôm bu kêñ iñ ndê ñamsôm têñ yac daneñ?”

⁵³ Ma Yisu sôm têñ ñac, “Yomandô aö wasôm têñ mac. Mac bu aneñ Ñamalac ndê Atu ndê ñamsôm ti anôm iñ ndê dac dom, dec oc tôm dom bu mac atap señ andöc tamli-ñga sa.

⁵⁴ Asa nañ bu neñ aö neñ ñamsôm, ma nôñ aneñ dac, nañ tap señ ndöc tali ñapañ-ñga sa su.* Ma aö oc waun iñ sa têñ bêc ñambu-ñga.

⁵⁵ Bu aö neñ ñamsôm ti gêñ aneñ-ñga ñandô, ma aö neñ dac ti gêñ anôm-ñga ñandô.

⁵⁶ Asa nañ bu neñ aö neñ ñamsôm, ma nôñ aö neñ dac, nañ gêñ dau oc piñ alu dôñ anem damiñ dauñ. Iñ oc mbo aö ñalôm, ma aö wambo iñ ndê ñalôm.

⁵⁷ Tali ñahu yêc Damañ nañ kêkiñ aö gameñ, ma aö dauñ gambo tarñli tu iñ-ñga. Bocdinañ asa nañ kôc aö sa ti iñ ndê gêñ daneñ-ñga ñandô, nañ oc mbo tali tu aö-ñga.

⁵⁸ Mac damami señ mana, magoc tiñambu sêmbac ndu. Bolom nañ sip akêñ u ndambê meñ,

* **6:54:** Lau ñatô gauc gêm bu yom pi Yisu ndê ñamsôm ti dac hêganôñ Mwasin Dabuñ. Tigenj ñabatinj 53 whê sa bu asa nañ neñ Yisu ndê ñamsôm ma nôñ iñ ndê dac dom, nañ oc tôm dom bu tap señ ndöc tali-ñga sa. Bocdinañ yom dau bu hêganôñ Mwasin Dabuñ, dec lau nañ señ dom, nañ oc sêtôm dom bu sêtap Anötö ndê mwasin sêndöc tali-ñga sa bocdinañ. Gauc dinañ iñ so. Pômdau kêñ iñ ndê Mwasin Dabuñ bu puc yac dôñ, ma ti señ datap undambê sa-ñga dom. Ñamalac nañ gêñ Mwasin Dabuñ dom, magoc kêñ whiñ Yisu, nañ oc ndöc tali. Ñalêñ tigenj yêc bu datap señ dambo tarñli ñapañ-ñga sa, nañ dakêñ whiñ Yisu.

nañ aö dañ dindéc. Ma asa nañ bu neñ bolom dindéc, nañ oc mbo tali ñapañ.”

⁵⁹ Yisu sôm yom hoñ dinañ têtñ ndoc inñ kêtôhônñ lau mbo lôm wê-nga yêc malac Kapenaom.

Yisu ndê sêñomi ñatô sêhu inñ sinñ

⁶⁰ Têtñ ndoc sêñgô Yisu ndê yom dinañ, goc inñ ndê ðsêñomi daêsam sêsôm, “Aluê! Yom dinañ ñawapac ñandô! Asa gitôm bu oc kôc sa ma êñyalê?”

⁶¹ Yisu kêyalê bu inñ ndê sêñomi sêtucdñ tu inñ ndê yom-nga, dec sôm, “Yom dindéc kêtñ wapac mac, a?”

⁶² Bocdinañ, têtñ ndoc mac alic Ñamalac ndê Atu mbu pi gameñ nañ inñ mbo têtñ ñamata-nga ndi, nañ mac oc akêtñ whiñ, me oc kêtñ wapac mac êñlêc?

⁶³ Ñamalac si gauc me licwalô oc tôm dom bu kêtñ ñac sêndöc tali. Ñalau tigenñ kêtñ ñamalac sêndöc tali ñapañ. Ma yom nañ aö gasôm têtñ mac, nañ Ñalau tigenñ oc whê mac nem gauc sa e añyalê, ma bocdinañ atap señ andöc tamli ñapañ-nga sa.

⁶⁴ Magoc mac nem lau ñatô sêkêtñ whiñ aö dom.” (Yisu sôm yom dinañ bu inñ kêyalê gwanañ lau ñatô nañ sêkêtñ whiñ inñ dom, ma ñgac nañ oc hoc inñ asê.)

⁶⁵ Ma inñ gic têtñ yom ma sôm, “Tu dinañ-nga dec aö gasôm bu lau dañ sêtôm dom bu sêtêtñ aö sêmenñ ñambwa. Damañ bu kêtñ ñaclai têtñ ñac, dec oc tôm.”

⁶⁶ Têtñ dinañ Yisu ndê sêñomi daêsam sêhu inñ sinñ ma sêñkuc inñ tiyham dom.

⁶⁷ Goc inñ ndac inñ ndê ñ gacsêñomi 12 bu, “Ma bocke? Mac bu ahu aö sinñ awhiñ, a?”

⁶⁸ Ma Saimon Pita sôm, “Pômdau, yac oc atêtñ asa andi? Am tamwasêm sôm yom nañ tôm bu kêtñ yac andöc tanli ñapañ.

⁶⁹ Yac anyalê ma akêṅ whiṅ bu am Anötö ndê ṅgac dabuṅ am.”

⁷⁰ Goc Yisu ô yom ma sôm, “Aö daṅ kayaliṅ mac lau 12 sa. Magoc aö kayalê su bu mac nem ṅgac daṅ ti Sadaṅ ndê su.”

⁷¹ Iṅ sôm yom dinaṅ pi Judas, Saimon Iskeriot ndê atunṅac. Bu Judas iṅ ṅgacsêṅomi 12 si daṅ, naṅ tiṅambu hoc Yisu asê.

7

Yisu ndê asii sêkêṅ whiṅ iṅ dom

¹ Tiṅambu Yisu kêsêlêṅ golom-golom malac naṅ sêyêc gameṅ Galili-ṅga. Iṅ mbo ahê gameṅ Judia-ṅga, bu iṅ kêyalê bu lau bata Israel-ṅga naṅ sêmbô gameṅ dinaṅ, naṅ atac whiṅ bu sêndic iṅ ndu.

² Têṅ ndoc lau Israel si †Mwasinṅ atu Lôm Bac-ṅga meṅ kêpiṅ, naṅ

³ Yisu ndê asii sêsôm, “Yac gauc gêm bu ṅayham bu am sip têt gameṅ Judia-ṅga ndi. Bu am nem sêṅomi ṅatô sêmbô dindê, dec kôm gêt dalô bu ṅac sêlic.

⁴ ṅamalac daṅ bu kôm dau ti ṅgac tiwaê, naṅ siṅ dau dom. Am kôm gêt dalô daêsam, bocdinaṅ têt daôm asê têt ṅamalac hoṅ.”

⁵ Yisu ndê asii sêsôm yom dinaṅ, ṅahu bu sêkêṅ whiṅ iṅ dom.

⁶⁻⁸ Dec Yisu sôm têt iṅ ndê asii, “Aö oc wasip gameṅ Judia-ṅga wandi dom, bu aneṅ ndoc yêc dôṅ yêc. Lau sac nom-ṅga sêtec aö, bu aö êlêmé gahoc yom asê pi gêt giso hoṅ naṅ ṅac sêkôm. Magoc lau nom-ṅga sêtec mac dom, ma bocdinaṅ mac api Jerusalem andi, tu Mwasinṅ dinaṅ-ṅga.

Mac atôm bu akôm gêṅ tēṅ tēm bocke naṅ mac atac whiṅ, magoc aneṅ tēm hōc asê su dom.”

⁹ Yisu sôm yom dinaṅ su, ma gacgeṅ mbo Galili.

¹⁰ Tigeṅ tēṅ ndoc iṅ ndê asii sêpi Jerusalem si bu sêlic om atu Lôm Bac-ṅga, naṅ iṅ kêkuc ṅac gi. Magoc iṅ siṅ dau bu lau sêlic iṅ dom.

¹¹ Lau bata Israel-ṅga naṅ sêmbō Jerusalem tu Mwasinṅ dinaṅ-ṅga, naṅ taso iṅ ma sêndac, “Ṅgac dinaṅ mbo nde?”

¹² Ma lau daêsam naṅ sêmbō malac dinaṅ, naṅ sic yom sec tēṅ dandi pi Yisu. Ṅatô sêsôm, “Iṅ ṅgac ṅayham.” Ma ṅatô sêsôm, “Mba! Iṅ kêsau lau.”

¹³ Magoc ṅamalac daṅ sôm yom pi Yisu yêc awê dom, bu sêtöc lau bata Israel-ṅga.

Yisu kêdôhōṅ lau

¹⁴ Bêc ṅatô giṅga su ma Mwasinṅ Lôm Bac-ṅga gi sa ṅalhu. Ma tēṅ dinaṅ, Yisu sôc lôm dabuṅ ṅabatêmdö gi, ma gic hu kêdôhōṅ lau.

¹⁵ Iṅ ndê yom kôm lau bata Israel-ṅga sêhêdaê ma sêsôm, “Ṅgac dindec sôc lôm dom, ma bocke dec iṅ kêdôhōṅ lau ṅa yom ti gauc atu-tu?”

¹⁶ Ma Yisu sôm, “Aö kadôhōṅ aö dauṅ neṅ yom dom, magoc iṅ naṅ kêkiṅ aö gameṅ, naṅ ndê yom.

¹⁷ Lau naṅ atac whiṅ bu daṅga wambu Anötö, naṅ oc sêṅyalê bu yom hoṅ naṅ aö kadôhōṅ, naṅ meṅ akêṅ Anötö ndê, ma aö neṅ yom dom.

¹⁸ Asa naṅ sôm dau ndê yom, naṅ bu po dau ndê waê sa. Magoc aö bu wapo iṅ naṅ kêkiṅ aö gameṅ, naṅ ndê waê sa. Aö kasau dom, aö gasôm yom ṅandô.

¹⁹ Moses kêṅ yomsu tēṅ mac, magoc mac ne m daṅ daṅga wambu ṅapep dom. Tu sake-ṅga mac

asôm bu aö kagili yomsu, dec atac whiᅇ bu andic aö ndu?”

²⁰ Goc lau ᅇatô sêsôm, “Asa tac whiᅇ bu ndic am ndu? Nalau sac daᅇ oc sip am nem ᅇalôm su!”

²¹ Ma Yisu sôm tēᅇ ᅇac, “Aö gakôm gēᅇ dalô daᅇ tēᅇ bēc Sabat-ᅇga, ma mac honᅇ asö.

²² Mac aᅇgôliᅇ yom pi aö ma asôm bu aö kagili y omsu Sabat-ᅇga, magoc mac daôm akôm gwelenᅇ tēᅇ bēc Sabat-ᅇga. Mac aᅇkuc †pwac asê balêi si ᅇamlic ᅇatô su-ᅇga, tôm Moses to ma gic dulu tēᅇ mac. (Pwac dau Anötö kēᅇ tēᅇ Moses dom, magoc kēmwatiᅇ tēᅇ abanᅇ muᅇ su.) Mac asê balêi si ᅇamlic tēᅇ ᅇac si bēc ti-8-ᅇga, ma bocdinaᅇ balêi ᅇatô mac asê ᅇac tēᅇ bēc Sabat-ᅇga.

²³ Mac alic ᅇayham bu akôm gēᅇ dau tēᅇ Sabat tu bu aᅇgili Moses ndê yomsu dom. Aö dec gakôm ᅇamalac daᅇ ndê ᅇamlic sambuc ᅇayham sa tēᅇ bēc Sabat-ᅇga, ma bocdinaᅇ tu sake-ᅇga mac atac ᅇandê tēᅇ aö?

²⁴ Alic gēᅇ awê-ᅇga ᅇambwa tu amatôc yom-ᅇga dom! Akôc gauc ᅇapeᅇ pi gēᅇ ᅇalôm-ᅇga whiᅇ.”

Lau sēᅇdac bata Yisu

²⁵ T êᅇ ndoc dinaᅇ lau Jerusalem-ᅇga ᅇatô sêsôm, “ᅇgac dīᅇdec iᅇ ᅇgac naᅇ lau bata sēᅇsalê lēᅇ tu bu sēᅇdic iᅇ ndu-ᅇga.

²⁶ Tigeᅇ alic! Iᅇ sôm yom mbo awê, magoc lau bata sêsôm yom daᅇ tēᅇ iᅇ dom. Bocke? M boe ᅇac sêkēᅇ whiᅇ bu iᅇ Mesaya dau, me?

²⁷ Tigeᅇ yac aᅇyalê ᅇgac dīᅇdec ndê malachu. Ma tēᅇ ndoc Mesaya oc meᅇ, naᅇ lau daᅇ oc sēᅇyalê gamēᅇ naᅇ iᅇ meᅇ akēᅇ, naᅇ dom.”

28 Yisu kêdôhôn lau mbo lôm dabuŋ ɲabatêmdö têtj têtj dinan, ma in ta yom bocdec bu, “Mac lau dinan gauc gêm bu mac aŋyalê aö, ma bu mac aŋyalê a ö neŋ malachu, a? Aö gameŋ ɲa aö daun neŋ ɲaclai dom. Aö Daman kêtj aö gameŋ, ma in Anötö ɲandô, magoc mac aŋyalê in dom.

29 Aö dec kayalê in, bu muŋ-ɲga aö gambo gawhiŋ in, ma kwahic dec in kêtj aö gameŋ.”

30 Têtj dinan ɲac sêŋsahê bu sêkôc in dôŋ, tigen in ndê ndoc yêc dôŋ yêc, dec lau dan gitôm dom bu sêkêtj amba pi in.

31 Magoc lau daêsam yêc toŋ atu dinan sêkêtj whiŋ in ma sêsôm, “Yac akêtj batan Mesaya, ma akêtj whiŋ bu têtj ndoc in meŋ, nan in oc kôm gêtj dalô daêsam. Tigen asa gitôm bu kôm gêtj dalô atu-tu nan sêhóc gêtj gêtj dalô daêsam nan ɲgac dindec kôm, nan su?”

Lau Palêsai ti dabuŋsiga atu-tu sêkôm bu sêkôc Yisu dôŋ

32 Lau Palêsai sêŋgô bu lau sem yomgalôm pi Yisu ma sêkôc gauc kain dinan pi in. Goc †dabuŋsiga atu-tu ti lau Palêsai sêŋkiŋ lau sin-ɲga ɲatô nan sêyob lôm dabuŋ, bu sêkôc in dôŋ.

33 Têtj dinan Yisu sôm, “Aö wambo wawhiŋ mac ɲasawa sauŋ, goc walhö wambu watêtj in nan kêtj aö gameŋ, nan wandi.

34 Mac oc aŋsalê aö, magoc oc atap aö sa dom, ma mac atôm dom bu aŋkuc aö atêtj gameŋ nan aö oc wambo.”

35 Goc lau Israel-ɲga sêsôm têtj dandi, “Nɲgac dindec oc mbo nde, dec yac oc datôm dom b u datap

in sa? Mboe in oc ndi mbo whin yac neŋ lau Israel-nga ŋatô, naŋ sêndöc lau Grik si gameŋ ma êndôhôn lau Grik yêc dindê?

³⁶ In sôm bu yac oc taŋsalê in, magoc oc datap in sa dom, ma bu yac datôm dom bu datêŋ gameŋ naŋ in oc mbo, naŋ dandi. Yom dau ŋahu bocke?”

Yisu sôm yom pi Nalau Dabuŋ

³⁷ Têŋ Mwasiŋ Lôm Bac-nga ŋabêc atu ŋambu-nga, naŋ Yisu tisa kalhac ma mbwêc awha atu bocdec bu, “Am asa naŋ bu yô am, naŋ têtŋ aô mweŋ, ma nôm.

³⁸ Tôm Anötö ndê yom naŋ sêto yêc, naŋ sôm, asa naŋ kêŋ whin aô, naŋ bu tali-nga oc êmbulup pi in ndê ŋalôm.”

³⁹ Yisu ndê yom dinaŋ hêganônŋ Nalau Dabuŋ, naŋ tiŋambu Anötö oc kêŋ têtŋ lau naŋ sêkêŋ whin Yisu. (Têŋ têtŋ dinaŋ, Anötö kêŋ Nalau Dabuŋ têtŋ lau su dom, ŋahu bu Yisu ndê têtŋ tu tap in ndê ŋawasi sa-nga yêc dôŋ yêc.)

Lau sêseŋ dau pi Yisu

⁴⁰ Têŋ ndoc Yisu sôm yom dau, naŋ lau ŋatô sêsôm, “Yomandô! Ngac dindec in propet atu gitôm Moses, naŋ Anötö gic bata bu êŋkin meŋ.”

⁴¹ Ma ŋatô sêsôm, “Mba! In Mesaya dau!” Magoc lau ŋatô sêsôm, “Mba! Bu Mesaya oc meŋ akêŋ gameŋ Galili-nga dom.

⁴² Anötö ndê yom naŋ sêto yêc, naŋ sôm bu Mesaya oc meŋ sa yêc Kiŋ Dawid ndê wakuc, ma yêc Dawid ndê malac Betlehem.”

⁴³ Bocdinaŋ lau sêseŋ dau pi Yisu.

⁴⁴ Lau ŋatô tac whin bu sêkôc in dôŋ, magoc ŋamalac daŋ gitôm dom bu kêŋ amba pi in.

Lau bata Israel-nga sêkêñ whiñ Yisu dom

⁴⁵ Tiñambu lau siñ lôm dabuñ-nga sêmbu sêtêñ dabuñsiga atu-tu ti lau Palêsai si. Ma ñac sêndac lau siñ-nga dau bocdec bu, “Bocke ma mac akôc Yisu dôñ dom?”

⁴⁶ Goc lau siñ-nga sêô yom ma sêsôm, “Ñamalac nañ sôm yom gitôm ñgac dinañ, nañ yac aᅅgô dañ su dom.”

⁴⁷ Goc lau Palêsai sêsôm, “Mboe inñ kêsau mac awhiñ, a?”

⁴⁸ Alic bu yac lau Palêsai ma lau bata mba dañ kêñ whiñ bu inñ Mesaya dau dom. Mba andô!

⁴⁹ Tigeñ lau ñambwa-ñambwa, nañ si gauc sa dom pi Anötö ndê yom nañ sêto yêc, nañ sêkêñ whiñ inñ. Anötö ndê atac ñandê pi ñac!”

⁵⁰ Lau bata dinañ si dañ inñ Nikodemas, ñgac nañ muñ-nga gi gêlic Yisu. Têñ ndoc inñ ñgô ñac si yom dinañ, dec sôm têñ ñac bu,

⁵¹ “Yac neñ yomsu gic yao bu dakic yom tu tamatôc ñamalac dañ-nga ñambwa dom! Gêñ ñamata-nga dañgô inñ dau ndê yom, ma dakip yom sa pi gêñ nañ inñ kôm.”

⁵² Magoc ñac sêsôm, “Mboe am bu ti inñ ndê ñgacsêñom dañ whiñ ñac lau Galili-nga dinañ, a? Am ndi ma kip ñahu sa yêc Anötö ndê yom, ma am oc tap sa bu propet dañ oc meñ akêñ gameñ Galili-nga dom.”

[Yisu tawalô awhê sac dañ]*

⁵³ Dinañ su, ma lau hoñ sêlhö têtñtêñ ma sêmbu sêtêñ ñac si andu si.

* **7:52:** Yom nañ yêc 7:53-8:11 nañ yêc bapia akwa ñatô dom.

8

¹ Goc Yisu hu malac Jerusalem siñ ma sa gi mbo Lôc Olib.

² Têñ ñagalanjsê bêbêc, iñ mbu sôc Jerusalem gi, ma mbo lôm dabuñ ñabatêmdö. Ma lau daêsam sêwê sêtêñ iñ sêmeñ, dec iñ ndöc sic ma kêdôhônñ ñac.

³ Ma lau nañ sêndôhônñ yomsu ti lau Palêsai sêwê awhê dan sêtêñ iñ sêmeñ, nañ sêtap iñ sa têtñ ndoc iñ kôm mêtê mockaiñ-ñga. Ma sêkêñ a whê dau kalhac lau hoñ añgô-ñga.

⁴ Ma sêsôm têtñ Yisu, “Kêdôhônñwaga, sêtap awhê dindéc sa kôm mêtê mockaiñ-ñga.

⁵ Moses to yomsu bu datuc lauwhê kaiñ dindéc ña hoc ndu. Bocdinañ sôm bu yac oc dakôm sake?”

⁶ Ñac bu sêtim iñ ña gêndac dinañ, sêñsalê yom dan bu sêñgôliñ pi iñ. Magoc Yisu pônñ sic gi ndöc, ma gic hu to yom yêc nom ña amba-atu.

⁷ Goc ñac sêñsu iñ e iñ tisa ma sôm têtñ ñac, “Mac nem asa bu ndê sac mbasi, nañ ti ñgac ñamata-ñga bu kôc hoc ma tuc pi awhê dindéc.”

⁸ Goc iñ pônñ sic tiyham ma to yom yêc nom.

⁹ Têtñ dinañ lau nañ sêñgô Yisu ndê yom sic hu sêlhô tigen-tigen. Lau atu-tu sêlhô sêmuñ, goc lau ñatô sêñkuc e Yisu tawasê mbo, ma awhê dau kalhac iñ añgô-ñga.

¹⁰ Dec Yisu tisa ma ndac iñ, “O awhê! Ma lau dau nde? Asa dec mbo bu êñgôliñ yom pi am ma êmatôc am?”

¹¹ Ma iñ sôm, “O ñadau, lau mba!” Goc Yisu sôm, “Ma bocdinañ aô wamatôc am dom whiñ. Magoc am lhô ndi, ma hu nem mêtê sac siñ.”]

Yisu iñ Nawê Nom-ñga

12 Tiŋambu Yisu sôm yom têtj lau bocdec bu, “Aö ŋawê nom-ŋga. Asa naŋ bu êŋkuc aö, naŋ oc sa seŋ ŋasec-ŋga tiyham dom. Inj oc êŋsêlêŋ mbo ŋawê naŋ töt seŋ ndöc tali-ŋga asê.”

13 Magoc lau Palêsai sêsôm têtj inj, “Am tamwasêm hoc yom asê pi daôm. Tu dinaŋ-ŋga dec yac oc akôc am nem yom sa dom.”

14 Ma Yisu ô yom ma sôm, “Aö bu wahoc daun neŋ yom asê, dec aneŋ yom dau inj yom ŋandô. Nahu bu aö kayalê gameŋ naŋ aö gameŋ akêŋ naŋ, ma gameŋ nde naŋ wambu wandi. Tigeŋ mac aŋyalê gameŋ dinaŋ dom.

15 Mac aŋsahê ti amatôt lau aŋkuc ŋamalac si gauc. Magoc aö dec wamatôt ŋamalac daŋ gitôm mac akôm, naŋ dom.

16 Aö bu wamatôt lau, dec aneŋ yom hoŋ inj yom ŋandô, nahu bu aö taŋwasêŋ dom. Damaŋ naŋ kêkiŋ aö, naŋ mbo whiŋ aö.

17 Mac daôm nem yomsu sôm bu ŋgac lu bu sêpuc si yom dôŋ bu yom ŋandô, dec mac oc akôc yom dau sa.

18 Kwahic dec aö gahoc yom asê tu daun-ŋga, ma Damaŋ naŋ kêkiŋ aö, naŋ dec puc aneŋ yom dôŋ. Bocdinaŋ tu sake-ŋga mac akôc aneŋ yom sa dom?”

19 Goc sêndac inj, “Am Damam nde?” Ma Yisu sôm, “Mac aŋyalê aö dom, ma mac aŋyalê Damaŋ dom bocdinaŋ. Mac bu aŋyalê aö, dec oc tôm bu mac aŋyalê Damaŋ whiŋ.”

20 Yisu sôm yom dinaŋ têtj ndoc inj kêdôhôn lau mbo kêpiŋ apa naŋ lau sêkêŋ si da sip-ŋga yêc lôm dabuŋ ŋamakê. Magoc lau daŋ sêkôc inj dôŋ dom, bu inj ndê ndoc hôc asê su dom.

Yisu ndê nahu yêc nom dom

²¹ Ma Yisu sôm tiyham têtj lau Palêsai, “Aö oc wahu mac siñ, ma mac oc aṅsalê aö. Magoc gameñ nañ aö bu wandi, nañ mac atôm dom bu andi. Mac oc ambac ndu ti nem sac tôhônj.”

²² Goc lau bata dinañ sêsôm têtj dandi, “Inj dau sôm bu gameñ nañ inj oc ndi, nañ yac datôm dom bu dandi. Bocke? Inj oc ndic dau ndu, a?”

²³ Ma Yisu gic têtju yom ma sôm, “Aneñ nahu yêc lôlôc. Mac lau nom dindec-nga, magoc aö neñ nahu yêc nom dindec dom.

²⁴ Aö gasôm têtj mac su, bu mac oc ambac ndu ti nem sac tôhônj. Aö wasôm yom ñandô têtj mac, bu mac bu akêtj whiñ yom nañ aö gawhê sa pi daun, nañ dom, dec mac oc ambac ndu ti mac nem sac.”

²⁵ Goc ñac sêndac, “Am asa?” Ma inj sôm, “Oc tôm bu mac aṅyalê su, bu têtj ñamata-nga e meñ, aö gawhê daun sa têtj mac.

²⁶ Yom daêsam yêc bu wasôm pi mac bu watôc nem giso asê. Magoc yom hoñ nañ aö gaṅgô yêc inj nañ kêkiñ aö gameñ, nañ dec wasôm asê têtj lau nom-nga. Ma inj ndê yom inj yom ñandô eñ.”

²⁷ Ñac sêñyalê dom bu inj sôm yom dau pi inj Damba.

²⁸ Goc inj sôm, “Têtj ndoc mac asuñ Ñamalac ndê Atu sa yêc nom, nañ mac oc aṅyalê bu aö daun dec Mesaya dau, ma aö gakôm gêtj dan kakuc aö tañwasêtj neñ gauc dom. Mba. Yom hoñ nañ aö gasôm, nañ Damañ dau kêñ têtj aö.

²⁹ Inj dau kêkiñ aö gameñ, ma inj oc tec aö bu wambo tañwasêtj dom. Inj mbo whiñ aö ñapañ. Nahu bu aö gakôm gêtj hoñ tôm inj atac whiñ.”

³⁰ Yisu sôm yom dinan, ma lau daêsam nan sêngô, nan sêkêñ whin in.

Yom ñandô oc êngapwêc yac su

³¹ Ma Yisu sôm têt lau Israel-nga nan sêkêñ whin in, “Mac bu asap aneñ yom dôñ ma danam wambu, dec mac ati aneñ sêñomi ñandô.

³² Ma mac oc anyalê yom ñandô, ma yom ñandô dau oc êngapwêc mac su bu ambo atôm lau akin ñambwa tiyham dom.”

³³ Goc ñac sêsôm, “Abraham ndê wakuc yac. Ma yac am akin lau dan dom. Bocdinan am sôm bu êngapwêc yac su yêc sakin bocke?”

³⁴ Goc Yisu ô yom bocdec bu, “Aö wasôm yom ñandô. Asa nan sap mêtê sac dôñ, nan ñac me awê akin mêtê sac-nga.

³⁵ Ma ñac akin ñambwa oc wêkain ñadau ndê gêt dan, me mbo in ndê andu ñapan dom. Mba! Ñadau ndê atu solop oc wêkain gêt ma mbo ñapan.

³⁶ Magoc Anötö ndê Atu bu êngapwêc mac su, dec mac oc ambo atôm lau akin ñambwa tiyham dom andô.

³⁷ “Aö kayalê su, bu Abraham ndê wakuc mac. Tigen mac akôm bu andic aö ndu, ñahu bu mac akôc aneñ yom sa sip nem ñalôm su dom.

³⁸ Aö gasôm yom asê pi gêt nan Daman tôc asê têt aö, magoc mac akôm mêtê ankcuc yom nan mac daôm damam sôm têt mac.”

³⁹ Ma ñac sêsôm tiyham, “Yac daman in Abraham.” Magoc Yisu sôm, “Mac bu Abraham atui mac, dec mac oc asa lêt gitêt gitôm in dau ndê.

⁴⁰ Tigen aö gasôm yom ñandô gitôm aö ganğô yêc Anötö, ma mac akôm bu andic aö ndu. Abraham oc kôm gêñ kainj dinanj dom.

⁴¹ Mac anğuc Abraham ndê lêñ dom, dec tôle asê bu mac nem damam inğ ñgac ðanj dau-ñga ðanj.” Magoc ñac sêsôm, “Yac lau ñasawa-ñga dom. Yac mba damanj tigen inğ Anötö dau.”

⁴² Têñ dinanj Yisu sôm, “Anötö bu ti mac nem damam, dec mac oc atac whinğ aö. Nahu bu aö gameñ akêñ Anötö, dec gambo lec. Aö gameñ tu ðauñ-ñga dom, magoc Anötö dau kêkinğ aö gameñ.

⁴³ Mac atôm dom bu anğô aneñ yom, ma bocdinanj mac anğalê aneñ yom ñahu dom.

⁴⁴ Mac nem damam inğ Sadañ, ma mac akôm tôm inğ atac whinğ. Têñ têm ñamata-ñga e meñ, inğ sa lêñ ndic ñamalac ndu-ñga. Inğ sap yom ñandô ðoñ dom, bu yom ñandô ðanj yêc inğ ndê ñalôm dom. Inğ tasanğnda, ma yom tasanğ ñadamba inğ. Inğ sôm yom kêkuc inğ dau ndê awha solop, ma yom honğ nanğ inğ sôm, nanğ yom tasanğ.

⁴⁵ Tigen aö dec gasôm yom ñandô eñ, ma tu dinanj-ñga mac akêñ whinğ aneñ yom dom.

⁴⁶ Mac nem asa gitôm bu tôle aneñ giso ðanj asê? Aö gasôm yom ñandô, ma tu sake-ñga mac akêñ whinğ aö dom?

⁴⁷ Anötö ndê atui ñandô sênğô inğ ndê yom ma ðanğga wambu. Magoc mac anğô inğ ndê yom dom, dec tôle asê bu mac ati inğ ndê atui ñandô dom.”

Yisu sôm yom asê pi dau

⁴⁸ Têñ dinanj lau bata Israel-ñga sêsôm, “Yac asôm solop bu am gitôm lau Samaria-ñga nanğ si gauc sa

pi Anötö dom, ma bu ñalau sac dan mbo am nem ñalôm.”

⁴⁹ Magoc Yisu sôm, “Mba! Ñalau sac mbo aö neñ ñalôm dom. Mac atoc aneñ waêñ sa dom, magoc aö bu wapo Damañ ndê waê sa.

⁵⁰ Aö kasalê dauñ neñ waêñ dom, magoc Anötö oc po aneñ waêñ sa. Ma inñ oc êmatôc gêñ honñ.

⁵¹ Aö wasôm yom ñandô têtñ mac, bu asa nañ ngô aneñ yom ma danğa wambu, nañ oc niñga dom, magoc inñ oc mbo tali ñapañ.”

⁵² Goc lau bata Israel-ñga sêsôm têtñ inñ, “Kwahic dec yac añyalê pi ñandô bu ñalau sac dan mbo am nem ñalôm. Abraham ma lau propet sêmbac ndu, tigeñ am sôm bu asa nañ ngô am nem yom ma danğa wambu, nañ oc niñga dom.

⁵³ Am asa dec toc daôm sa? Am gauc gêm bu am hôc gêlêc damañ Abraham su, a? Yac añyalê bu inñ mbac ndu su, ma lau propet boc-dinañ.”

⁵⁴ Ma Yisu ô yom ma sôm, “Aö dauñ bu wapo dauñ neñ waêñ sa, dec waêñ dau ti gêñ ñambwa-ñga. Magoc aö Damañ, nañ mac asam bu mac nem Anötö, nañ po aneñ waêñ sa.

⁵⁵ M agoc mac añyalê inñ dom. Aö dec kayalê inñ, ma danğa wambu inñ ndê yom. Aö bu wasôm bu kayalê inñ dom, dec aö ngac tasanñ gitôm mac lau tasanñ.

⁵⁶ Mac nem damam Abraham atac ñayham sa kêlêc, bu inñ kêtñ bata bu lic aneñ bêc wahôc asê-ñga. Ma inñ gêlic su ma tisambuc.”

⁵⁷ Goc lau bata Israel-ñga sêsôm têtñ inñ, “Am nem yala tap 50 sa su dom. Ma bocke dec am sôm bu am gêlic Abraham su?”

⁵⁸ Ma Yisu sôm, “Yomandô! Ndoc nanj Abraham dinda kôc inj su dom, nanj aö gambo.”

⁵⁹ Têj têm ñac sêngô yom d inañ, goc sêkôc hoc sa bu sêruc inj, magoc Yisu sinj dau, ma kêdahinj dau su yêc lôm dabun ñagamenj.

9

Yisu kôm ñgac tapec danj tandô po asê

¹ Yisu kêsêlêj gi, ma gêlic ñgac tapec danj. Ngac dau inj tandô pec têtj ndoc inj dinda kôc inj ma menj.

² Ma Yisu ndê ñgacsêñomi sêndac inj bocdec bu, “Kêdôhôn-waga, ñgac dinanj tapec tu inj dau ndê sac-ñga, me tu dinda lu damba si sac-ñga?”

³ Goc Yisu sôm, “Inj tapec tu inj dau ndê sac-ñga, me tu dinda lu damba si sac-ñga dom. Magoc dinda kôc inj ti tapec tu bu kwahic dec lau sêlic Anötö ndê gwelenj ti ñaclai nem inj sa-ñga.

⁴⁻⁵ Aö gambo nom gatôm lau nom-ñga si ñawê, ma kwahic dec ti têm ñawê-ñga. Ma bocdinañ kwahic dec yac oc dakôm Anötö nanj kêkinj aö gamenj, nanj ndê gwelenj. Têm ñasec-ñga oc menj hóc asê, ma têtj dinanj lau danj oc sêtôm dom bu sêkôm gwelenj.”

⁶ Inj sôm yom dinanj su, goc hê gasôp sip nom, kêyalinj whinj nom, ma sê pi ñgac tapec tandô.

⁷ Ma inj sôm têtj inj, “Am ndi êmgwasinj anôm sip bu gaponj Siloam.” (Ñâê Siloam dau danem kwi bu ‘Kêkinj.’) Goc inj kôlhö gi kêgwasinj anjô, ma inj tandô ñayham sa. Ma inj mbu têtj ndê andu gi.

⁸ Ma inj ndê lau menpanj inj-ñga, ti lau nanj sênyalê bu munj-ñga inj ñgac tenj gêtj-ñga, n anj sêsö ma

sêndac dandi, “Inj ngac nanj munj-nga ndöc ma tenj gêñ, a?”

⁹ Ma lau ñatô sêsôm, “Inj ngac dau dinanj.” Magoc ñatô sêsôm, “Mba! Inj ngac danj dau-nga, nanj anjô gi tap ngac tenj gêñ-nga dinanj ndê anjô sa.” Magoc ngac dau sôm, “Aö ngac dauñ dec.”

¹⁰ Goc sêndac inj, “Ma bocke dec am nem tanôm ñayham sa?”

¹¹ Ma inj sôm, “Ngac nanj sêsam inj bu Yisu, nanj kêyalinj sachalê, ma kêñ pi aö tanônj, goc kêkinj aö bu wanjwasinj anônj andô sip bu Siloam. Bocdinanj aö ga kagwasinj daun, dec tanônj ñayham sa.”

¹² Ma sêndac, “Ngac dinanj mbo nde?” Goc inj sôm, “Aö kayalê dom.”

Lau Palêsai sêkip yom sa pi ngac nanj tandô po asê

¹³⁻¹⁴ Yisu kêyalinj sachalê ma kôm ngac tapec dinanj tandô po asê têtj bêc Sabat-nga danj. Ma tijambu l au sêwê ngac dau sêtêtj lau Palêsai si.

¹⁵ Têtj ndoc lau Palêsai sêlic inj, nanj sêndac inj bu, “Am tanôm po asê ñalêtj bocke?” Ma inj ô yom ma sôm, “Ngac dinanj kêñ sachalê pi aö tanônj, ma aö kagwasinj dec tanônj po asê.”

¹⁶ Goc Palêsai ñatô sêsôm yom pi Yisu bocdec bu, “Ngac dinanj kêgili yomsu Sabat-nga, dec tanjalê bu inj mej akêtj Anötö dom.” Magoc Palêsai ñatô sêsôm, “Ngac sac oc tôm dom bu kôm gêñ dalô kainj dinanj.”

¹⁷ Boc-dinanj ñac si yom so dau, ma sêndac ngac dau tiyham, “Am ngac daôm, am ngac nanj inj kôm am nem tanôm po asê, ma bocdinanj am sôm sake pi inj?” Ma inj sôm, “Inj propet danj.”

18 Magoc lau bata Israel-nga dinan̄j sêkêñ whin̄j dom bu mun̄-nga in̄j tapec ma kwahic dec tandô ñayham sa. Bocdinañ sêkêñ yom têtñ in̄j dinda lu damba bu sêmen̄j.

19 Ma sêndac in̄jlu, “Ngac dindec in̄j amlu atômngac nañ amlu asôm bu dinda kôc in̄j ti tapec, a? Bocke ma kwahic dec in̄j tandô ñayham sa?”

20 Ma in̄jlu sêsôm, “Aêc! Alu anyalê bu in̄j alu mba balê, ma bu alu akôc in̄j ti tapec.

21 Magoc in̄j tandô po asê ñalêñ bocke ma asa kôm in̄j tandô ñayham sa, nañ alu anyalê dom. Mac andac in̄j dau. In̄j ti ngac atu su, ma gitôm bu sôm dau ndê yom.”

22 In̄jlu sên̄jyalê bu lau bata Israel-nga sêkic yom bu ñac oc sêtin̄j lau nañ sêkêñ whin̄j bu Yisu in̄j Mesaya, nañ su yêc gôlôwac Israel-nga, ma bocdinañ in̄jlu sêtôc ñac.

23 Tu dinan̄j-nga sêsôm yom bocdec, “In̄j ti ngac atu su. Mac andac in̄j dau!”

24 Goc ñac sêmbwêc ngac dau tiyham, ma sêsôm, “Toc Anötö sa ma sôm yom ñandô. Yac anyalê bu ngac dinan̄j in̄j ngac sac.”

25 Ma in̄j ô yom bocdec bu, “In̄j bu ngac sac me in̄j ngac gitên̄j, aô kayalê dom. Gêñ tigen̄j aô kayalê. Mun̄-nga aô ngac tapec, ma kwahic dec aô tanôn̄j po asê.”

26 Goc sêndac in̄j, “In̄j kôm gêñ sake têtñ am? In̄j kôm am tanôm ñayham sa ñalêñ bocke? Sôm asê têtñ yac.”

27 Ma in̄j sôm, “Aô gasôm têtñ mac su, magoc mac akôc aneñ yom sa dom. Tu sake-nga mac bu an̄gô tiyham? Mboe mac atac whin̄j bu ati in̄j ndê sên̄jomi awhin̄j, a?”

28 Têñ dinan̄ sêpu in̄ ma sêsôm, “Mba! Am daôm ti ñgac dinan̄ ndê ñgacsêñom! Moses ndê sêñomi yac.

29 Yac aňyalê bu Anötö kên in̄ ndê yom têtñ Moses, magoc ñgac dinan̄ ti in̄ ndê ñahu, yac aňyalê dom.”

30 Goc ñgac dau sôm, “Gêñ kain̄ dan̄ solop! Mac asôm bu mac aňyalê in̄ ndê ñahu dom. Tigen̄ alic su nan̄! In̄ kôm aö tanôn̄ po asê.

31 Yac taňyalê bu Anötö oc kên dan̄ga têtñ lau sac dom. Mba! In̄ kên dan̄ga lau gitêtñ nan̄ sêñkuc in̄ ndê yom.

32 Yac dan̄gô dan̄ mun̄ su dom, bu ñamalac dan̄ kôm ñgac nan̄ dinda kôc in̄ ti tapec, nan̄ tandô po asê. Mba sambuc!

33 Ñgac dinan̄ bu meñ akên̄ Anötö dom, dec oc tôm dom bu in̄ kôm gêñ dan̄.”

34 Ñac sêñgô in̄ ndê yom dinan̄, dec gêli ñac si ñalôm sa ñandô. Ma sêsôm, “Am bu êmdôhôn̄ yac, a? Sac gêm am ahuc têtñ ndoc dinam kôc am!” Goc sêtin̄ in̄ sa awê gi.

Lau nan̄ sêkên̄ whin̄ Yisu dom, nan̄ sêtôm lau tapec

35 Têtñ ndoc Yisu ngô ñawaê bu lau Palêsai sêtin̄ ñgac dau su, nan̄ in̄ kêsâlê in̄ e tap in̄ sa, ma ndac in̄, “Am kên̄ whin̄ Ñamalac ndê Atu, me mba?”

36 Ma in̄ ô yom ma sôm, “O ñadau! Ñamalac ndê Atu in̄ asa? Sôm têtñ aö, goc aö wakên̄ whin̄ in̄.”

37 Goc Yisu sôm, “Am gêlic in̄ su. Aö ñgac daun̄ dec, nan̄ gasôm yom têtñ am.”

38 Ma in̄ sôm, “Pômdau, aö gakên̄ whin̄ am.” Goc in̄ pôn̄ haduc têtñ Yisu.

39 Ma Yisu sôm, “Aö gasip nom gameñ ma lau oc sêtap matôc sa tu aö-ñga. Lau tapec oc sêti lau

tandô ñayham, ma lau nañ gauc gêm bu ñac lau tandô ñayham, nañ oc sêtôm lau tapeç.”

⁴⁰ Lau Palêsai ñatô sêmbo sêwhiñ, ma sêngô Yisu ndê yom dinañ ma sêndac, “Bocke? Am sôm bu yac tañpec awhiñ, a?”

⁴¹ Ma iñ sôm, “Mac bu lau tampec, dec mac nem giso mba. Mac asôm bu mac lau tanôm ñayham, magoc mac akêñ whiñ aõ dom. Tu dinañ-nga dec mac nem giso gacgeñ yêc mac-nga.”

10

Yom gôliñ pi ñgac yob domba-nga

¹ Ma Yisu sôm, “Yom ñandô aõ wasôm têñ mac, bu ñgac nañ sôc domba si tunlôm yêc gatam dom, magoc kêgîlî tunj bambaliñ bu sôc ndi, nañ ñgac kañ-nda.

² Magoc ñgac nañ sôc domba si tunlôm yêc gatam solop, nañ ñgac yob domba-nga ñandô.

³ Ñgac nañ yob gatam oc lêc gatam su têñ iñ, ma domba sêñyalê iñ awha. Iñ oc ta domba tigen-tigen si ñaê, ma wê ñac sêsa sêndi.

⁴ Têñ ndoc iñ kôc iñ ndê domba hoñ sêsa si, nañ iñ kêsêlêñ muñ ma ñac sêñkuc iñ, bu ñac sêñyalê iñ awha.

⁵ Tigen ñac oc sêñkuc ñgac apa dañ dom. Mba! Ñac oc sêlhö bambaliñ yêc iñ, bu sêñyalê iñ awha dom!”

⁶ Yisu sôm yom gôliñ dinañ, magoc ñac sêñyalê iñ ndê yom ñahu dom.

Yisu iñ gatam domba-nga

7 Bocdinañ Yisu sôm tiyham, “Yom ñandô aö wasôm têtj mac! Aö gatôm gatam tu domba sêsôc si tunlôm sêndi-ñga.

8 Kêdôhônwaga tasanj honj nañ sêhôt asê sêmunj aö, nañ lau kañ. Magoc domba sêkêñ danja ñac dom.

9 Aö gatam, ma domba nañ sêsôc yêc aö, nañ oc sêtap Anötö ndê mwasiñ nem ñac si-ñga sa. Ñac oc sêsôc sêsa, ma sêtap gêñ sêneñ-ñga ñayham sa.

10 Ngac kañ meñ bu nem kañ ti ndic ndu ma señ popoc. Inj ndê gwelenj dau dinañ. Tigenj aö gamenj bu wamasanj lêñ bu lau sêtap Anötö ndê mwasiñ sêndöc tali-ñga sa, ma mwasiñ dau oc êñsalê ñac ahuc.”

Yisu inj Nadau yob domba-ñga ñayham

11 “Aö ñgac wayob domba-ñga ñayham. Ngac yob domba-ñga ñayham oc kêñ dau sambuc e nditôm inj mbac ndu bu nem inj ndê domba sa.

12 Magoc ñgac nañ yob domba tu tap ñaôli sa-ñga, nañ gitôm ñgac nañ yob dau ndê domba, nañ dom. Inj bu lic giam sac danj meñ, dec inj oc hu domba siñ ma lhö ndi. Goc giam sac oc señ domba ma sêlhö bambalinj.

13 Ngac dinañ oc lhö ndi, bu inj gêm gwelenj tu awa-ñga ñambwa, ma hêgo dau tu domba-ñga dom.

14-15 “Aö ñgac wayob domba-ñga ñayham. Gitôm Damanj kêyalê aö, ma aö kayalê Damanj, bocdinañ aö kayalê aneñ domba, ma aneñ domba sêñyalê aö. Ma wakêñ dauñ sambuc e nditôm wambac ndu bu wanem ñac sa.

16 Ma aneñ domba ñatô sêmbô, nañ sêmbô sêwhinj domba tonj dindéc dom. Aö wandic ñac sa sêmenj

sêmbô sêwhiņ domba dindec, ma ñac oc sêti ton tigen. Ñac si ñadau tigen aö dec wayob ñac, ma ñac hon oc sêkêņ danğa aö awħaņ.

¹⁷ “Damaņ tac whiņ aö, bu aö wakêņ daun gacgeņ wambac ndu, ma tiņambu aö watisa tiyham.

¹⁸ Ñamalac daņ oc kôc taņli ñahu su yêc aö dom. Aö daun oc wahu taņli ñahu siņ tôm aö daun atac whiņ. Anötö kêņ ñaclai têņ aö bu aö daun wahu siņ, ma bu aö daun wakôc sa tiyham. Damaņ gic atu yom dau dinaņ.”

¹⁹ Lau bata Israel-ņga sêņgô yom dinaņ ma sêwhê dau kôc ti sêseņ dandi tiyham.

²⁰ Lau daêsam sêsôm, “Ñalau sac daņ mbo iņ ndê ñalôm ma kôm iņ ndê gauc timboloc. Anğô iņ ndê yom dom!”

²¹ Magoc lau ñatô sêsôm, “Ñgac ti ñalau sac oc sôm yom kaiņ dinaņ dom. Ma ñalau sac oc kôm ñgac tapec tandô po asê dom!”

Lau bata Israel-ņga sêtiņ Yisu su

²² Têņ ndoc uhô-ņga, lau Israel-ņga si †Mwasin Sic Gawi Lôm-ņga hóc asê Jerusalem.

²³ Yisu kêsêlêņ mbo lôm dabuņ ñabatêmdö, mbo gameņ naņ sêsam bu Solomon ndê Batêm.

²⁴ Ma lau bata Israel-ņga sêkac sa sêņgihi iņ ahuc, ma sêsôm, “Ñasawa baliņ lec yac atac lu-lu tu am-ņga. Bocdinaņ dec sôm yom yêc awê têņ yac. Am Mesaya dau, me mba?”

²⁵ Ma Yisu sôm, “Aö gasôm têņ mac su, magoc mac akêņ whiņ aö dom. Ma aö gakôm gêņ dalô gam Damaņ anğô. Gêņ dau puņ yom ñandô pi aö dôn, ma whê aneņ ñahu sa tiawê.

26 Magoc mac akêḡ whiḡ aö dom, ḡahu bu mac ati aö neḡ domba dom.

27 Aneḡ domba sêkêḡ daḡga aö awḡaḡ. Aö kay-alê ḡac, ma ḡac sêḡkuc aö.

28 Aö oc wakêḡ ḡac sêndöc tali ḡapaḡ ma oc tôḡ dom bu ḡac sêḡḡga têḡ têḡ ḡambu-ḡga dom. Ma lau daḡ sêtôm dom bu sêḡgaho ḡac su yêc aö amaḡ.

29 Damaḡ kêḡ aneḡ domba têḡ aö, ma gêḡ daḡ hôc gêlêc iḡ su dom. Bocdinaḡ lau daḡ sêtôm dom bu sêḡgaho ḡac su yêc Damaḡ amba.

30 Alu Damaḡ ati gêḡ tigeḡ.”

31 Têḡ dinaḡ lau bata sêkôc hoc sa tiyham bu sêtuc iḡ.

32 Magoc iḡ sôm têḡ ḡac, “Mac bu atuc aö ḡa hoc tu gêḡ dalô bocke-ḡga? Bu aö gatôc gêḡ ḡayham daêsam têḡ mac, tôḡ naḡ Damaḡ kêḡ têḡ aö.”

33 Ma ḡac sêô yom ma sêsôm, “Yac bu atuc am tu gêḡ daḡ naḡ am kôm-ḡga dom. Mba! Am ḡamalac daḡ, magoc toc daôm sa bu nditôm Anötö dau. Am nem yom dinaḡ sac sambuc, ma tu dinaḡ-ḡga yac bu atuc am ḡa hoc.”

34 Goc Yisu ô yom ma sôm, “Mac aḡyalê yom naḡ Anötö dau sôm pi lau bata Israel-ḡga ḡatô, naḡ sêto yêc mac nem Buku Yomsu-ḡga* bocdec bu, ‘Aö *gasam mac bu anötöi.*’

35 Anḡô su naḡ! Anötö kêḡ iḡ ndê yom têḡ lau nom-ḡga dinaḡ, ma sam ḡac bu anötöi. Ma gitôm dom bu daseḡ Anötö ndê yom daḡ su.

* **10:34:** Yom dau yêc Buku Wê-ḡga 82:6 (alic footnote yêc Jon 15:25). Anötö dau kêḡ ḡaclai têḡ kiḡ ti gôliḡwaga bu sênem gôliḡ sêḡbo nom, ma bocdinaḡ iḡ sam ḡac bu anötöi. Ma têḡ ḡatô iḡ sam ḡac bu Anötö atui - alic BW 2:7 ma 82:6.

³⁶ Ma aö bocke? Damanj dau kêyalinj aö sa ma kêkinj aö gasip nom gamenj. Bocdinañ tu sake-nga mac asôm bu aneñ yom sac sambuc, têtj ndoc aö gasôm bu aö Anötö ndê Atu?

³⁷ Aö bu wakôm Damanj ndê gwelenj nanj kêñ sip aö amanj, nanj dom, nanj akêñ whinj aö dom.

³⁸ Tigenj aö gakôm Damanj ndê gwelenj, ma bocdinañ dec mac bu akêñ whinj aneñ yom dom, tigenj akêñ whinj tu gêtj nanj aö gakôm-nga. Ma bocdinañ mac oc anyalê pi ñandô bu Damanj mbo aö ñalôm, ma aö gambo inj ñalôm.”

³⁹ Têtj dinañ sêñsahê tiyham bu sêkôc inj dôñ, magoc ñac gitôm dom, ma inj kölhö gi.

⁴⁰ Ma inj pi Bu Jordan ñadañga gi, ma mbo gamenj nanj munj-nga Jon kêku lau mbo.

⁴¹ Lau daêsam sêsa sêtêtj inj si, ma sêsôm têtj dau, “Jon kôm gêtj dalô danj dom. Magoc yom hoñ nanj inj sôm pi ñgac dindec, nanj yom ñandô.”

⁴² Ma lau daêsam sêkêñ whinj Yisu yêc gamenj dinañ.

11

Lasarus mbac ndu

¹⁻² Ñgac danj ñaê Lasarus mbo malac Betani. Ma inj ndê lhuwê lu sêmbo, danj ndê ñaê Mata, ma danj ñaê Maria, awhê nanj tinjambu tac bu ñamalu ñayham pi Pômdau gahi, ma punj ña inj kêclauñ. Têtj bêc danj Lasarus gêmbac.

³ Goc Maria lu Mata sêkêñ yom têtj Yisu bocdec bu, “Pômdau, ñgac nanj am atac whinj dec gêmbac.”

⁴ Yisu ñgô yom dau ma sôm, “Inj gêmbac tu bu mbac ndu ñambwa-nga dom. Inj gêmbac bu tôc

Anötö ndê ñaclairi ti waê asê, ma bu Anötö ndê Atu tap waê sa whin.”

⁵ Yisu tac whin Maria lu Mata ma Lasarus.

⁶ Tigen têt ndoc in ñgô ñawaê bu Lasarus gêm bac, nan in têt in gi ñgahô dom. In gacgen mbo gamen dinan gitôm bêc lu.

⁷ Goc in sôm têt in ndê ñgacsêñomi, “Dalhö dambu datêt gamen Judia-ña dandi.”

⁸ Magoc ñac sêsôm, “Kêdôhônwaga, mba! Ñasawa apê lec lau bata Israel-ña nan sêmbo dindê, nan tac whin bu sêtuc am ña hoc. Bocke dec am bu mbu ndi tiyham?”

⁹ Ma Yisu ô yom ña yom gôlin dan, ma sôm, “Têt bêc hon ac pô gamen gitôm acgatu ñasawa 12, ma tinambu ñasec sa. Ñamalac dan bu êñsêlên têt ndoc ac-ña, dec in oc tin gahi dom, bu in gêlic ñawê nom dindec-ña.

¹⁰ Magoc in bu êñsêlên têt ôbwêc, dec in oc tin gahi, bu in ndê ñawê mba.”

¹¹ Goc Yisu gic têt yom ma sôm, “Yac neñ silip Lasarus yêc bêc. Aô watêt in wandi bu waun in sa.”

¹² Ma ñgacsêñomi sêsôm, “Pôm dau, in bu yêc bêc yêc, dec in dau oc ñayham sa.”

¹³ Ñac gauc gêm bu Yisu sôm bu Lasarus mbo tali ma yêc bêc, magoc in ndê yom dau ñahu bu Lasarus mbac ndu su.

¹⁴ Goc Yisu sôm yom yêc awê têt ñac bu, “Lasarus mbac ndu.

¹⁵ Tu mac-ña dec aô atac ñayham bu aô gambo g awhin in dom, bu kwahic dec mac oc akêt whin tu gêt nan aô bu wakôm-ña. Bocdinan yac datêt in dandi.”

16 Ma Tomas, ngacsêñjom nañ sêsam bu Lôcmpôñ, nañ sôm têñ ngacsêñjomi ñatô, “Ayôc! Dawhiñ inñ dandi, ma dambac ndu dawhiñ inñ.”

Yisu inñ yac neñ datisa ti dambo tarñi ñahu

17 Yisu hôc asê gameñ Judia-ñga ma tap sa bu sêkêñ Lasarus ndê ñamlañ yêc hocsunñ danñ gitôm bêc hale su.

18 Malac Betani yêc sunñ sa têñ Jerusalem, señ ñasawa gitôm kilometa tö.

19 Ma lau Israel-ñga daêsam sêsa akêñ Jerusalem sêmeñ, ma sêndöc sêwhiñ Mata lu Maria, bu sênem malô inñlu tu lhunñac hu inñlu siñ-ñga.

20 Mata ngô bu Yisu kêsêlêñ meñ, goc sa gi bu lic inñ, magoc Maria ndöc andu.

21 Têñ ndoc Mata hôc asê Yisu, nañ inñ sôm têñ inñ, “O Pômdau, am bu mbo, dec aô lhunñac oc mbac ndu dom.

22 Magoc kwahic dec am mweñ hôc asê su, ma aô kayalê bu gêñ bocke nañ am bu ndac têñ Anötö, nañ inñ oc kôm.”

23 Ma Yisu sôm, “Am lhômñgac oc tisa ma mbo tali tiyham.”

24 Dec Mata ô yom ma sôm, “Aêc! Aô kayalê bu inñ oc tisa têñ bêc ñambu-ñga nañ lau batê honñ oc sêtisa.”

25 Goc Yisu sôm, “Ñamalac si sêtisa ma sêmbo tali ñahu, nañ aô daunñ. Asa nañ kênñ whiñ aô ma mbac ndu su, nañ oc mbo tali tiyham.

26 Ma asa nañ mbo tali ma kênñ whiñ aô, nañ oc niñga têñ têm ñambu-ñga dom, inñ oc gacgeñ mbo tali. Am kênñ whiñ yom dindec, me mba?”

27 Ma Mata sôm, “Aêc Pômdau! Aö gakêñ whiñ bu am Mesaya, ma Anötö ndê Atu nañ inñ gic bata bu êñkiñ sip nom meñ.”

28 Mata sôm yom dinañ su, goc mbu gi ma ta Maria têñ inñ meñ. Ma inñ sôm têñ inñ, “Kêdôhônwaga meñ su, ma inñ ndac am.”

29 Maria ñgô su, goc tisa ñgahô bu sa têñ Yisu ndi.

30 Têñ ndoc dinañ Yisu hóc asê Betani su dom, inñ gacgeñ mbo gameñ nañ Mata hóc pi inñ.

31 Lau Israel-nga nañ sêmbo andu sêwhiñ Maria tu bu sênem malô inñ, nañ sêlic inñ tisa ñgahô ma kölhö gi. Nac gauc gêm bu inñ oc têñ sêhôn di bu tañ lhunçac mbo dindê, ma bocdinañ sêsa si ma sêñkuc inñ.

32 Têñ ndoc Maria hóc asê gameñ nañ Yisu mbo ma gêlic inñ, nañ inñ hu dau sip nom yêc inñ gahi-nga, ma sôm, “O Pômdau, am bu mbo, dec aö lhunçac oc mbac ndu dom.”

33 Yisu gêlic Maria tañ, ma gêlic lau Israel-nga nañ sêwhiñ inñ, nañ sêtañ bocdinañ, dec kêsahê ñawapac atu yêc ndê ñalôm.

34 Ma inñ ndac, “Mac ançuhunñ inñ yêc nde?” Ma sêsôm, “Mweñ Pômdau, ma lic.”

35 Têñ dinañ Yisu tasulu sa.

36 Ma lau Israel-nga dinañ sêsôm, “Alic, inñ atac whiñ Lasarus ndu andô.”

37 Magoc ñatô sêsôm, “Inñ kôm ñgac tapec tandô po asê. Bocke dec inñ kôm Lasarus ñayham sa dom, ma inñ mbac ndu?”

Yisu unñ Lasarus sa

38 Têñ dinan̄ Yisu ndê ñalôm ñawapac atu tiyham, ma in̄ kêsêlên̄ têt̄ sêhō gi. Nac sêkên̄ ñgac batê dau ndê ñamlan̄ yêc hocsun̄ dan̄, ma sêm̄pi hoc dan̄ gi ndôc sê awha ahuc.

39 Têñ ndoc Yisu hōc asê, nan̄ in̄ sôm têt̄ lau nan̄ sêwhin̄ in̄ bu, “Mac ampi hoc dau sa.” Magoc ñgac batê ndê lhuwê Mata sôm, “Pôm̄dau! In̄ yêc gitôm bêc hale su. Oc ñaman̄ in̄ sa su.”

40 Dec Yisu sôm, “Aô gasôm têt̄ am su, bu kêt̄ whin̄, dec am oc lic Anötō ndê ñaclai ti ñawasi.”

41 In̄ sôm yom dinan̄ su, goc lau sêm̄pi hoc dau sa. Ma Yisu tatic undambê ma sôm, “Daman̄, aô wanem dan̄ge am, bu am ñgô anen̄ yom.

42 Aô kayalê bu am kêt̄ dan̄am aô ñapan̄, magoc kwahic dec aô bu wanem dan̄ge am, bu lau nan̄ sêlhac dec oc sêngô anen̄ yom, ma sêkên̄ whin̄ bu am kêt̄ in̄ aô gamen̄.”

43 Goc in̄ mbwêc awha atu, “Lasarus! Sa mwen̄!”

44 Dec Lasarus sa men̄, ma po nan̄ sêm̄pan̄ in̄ gahi ti amba, ma po dan̄ nan̄ sêhi pi in̄ ñagôlôn̄, nan̄ gacgen̄ sêyêc in̄. Ma Yisu sôm têt̄ ñac, “Akôc po su yêc in̄, ma akên̄ in̄ lhô ndi.”

Lau bata sêkic yom bu sêndic Yisu ndu

45 Tu gêt̄ atu dinan̄-nga dec lau Israel-nga daêsam nan̄ sêm̄bo sêwhin̄ Maria ma sêlic gêt̄ nan̄ Yisu kôm, nan̄ sêkên̄ whin̄ in̄.

46 Magoc ñatô sêtên̄ lau Palêsai si, ma sic min̄ pi gêt̄ nan̄ Yisu kôm.

47 Goc dabun̄siga atu-tu ti lau Palêsai sêmbwêc lau †Sanedrin-nga sêpitigen̄, ma sêndac ñac, “Yac oc dakôm gêt̄ sake? Ngac dinan̄ kôm gêt̄ dalô daêsam.

48 Yac bu dalhac in ahuc dom, dec lau hon oc sêkên whin bu in Mesaya dau. Ma lau Rom-nga oc sêmen ma sêsen yac nen gamej danem akin Anötö-nga ti yac lau Israel-nga hon su.”

49 Têj yala dinan Kayapas in †dabujsiga namata-nga. Ma in sôm têj lau Sanedrin-nga, “Mac nem gauc sa dom!

50 In mbac ndu man! Yham dom bu lau Israel-nga hon sêninga. Ngac tigen bu mbac ndu ô lau hon, nan oc nayham hôc gêlêc su.”

51 Kayapas sôm yom dinan na in dau ndê gauc dom. Magoc têj yala dinan in dabujsiga namata-nga, dec in sôm yom dau gitôm propet dan. Ma yom dau nahu bocdec bu. Yisu oc mbac ndu tu lau Israel-nga hon.

52 Ma tu nac tawasê-nga dom. In oc mbac ndu tu Anötö ndê lau hon nan sêmbô gamej nom-nga tidau-tidau, tu bu ndic nac hon sa sêpitigenj.

53 Bocdinan têj bêc dinan lau bata Israel-nga dinan sic hu sênsalê lên bu sêndic Yisu ndu.

54 Ma tu dinan-nga Yisu kêsêlên mbo awê yêc lau Israel-nga nalôm dom. In kôlhô gi mbo malac Eprayim, nan yêc gamej sawa namakê. Ma in ndê ngacsênomi sêmbô gamej dinan sêwhin in.

55 Têj ndoc lau Israel si om atu Mwasin Pasowa-nga mej kêpin, n an lau daêsam yêc gamej namakê-nga sêpi Jerusalem si. Nac bu sênkuc lau Israel si lên sêmasan dau nawasi sa yêc Anötö anğô-nga mun su nan goc Pasowa nabêc hôc asê.

56 Ma nac sênsalê Yisu napan. Têj ndoc sêkac sa sêmbô lôm dabu, nan sêndac dandi, “Mac gauc

gêm bocke? Inj oc menj tu Mwasinj Pasowa-nga, me mba?”

⁵⁷Tigenj dabunjsiga atu-tu ti lau Palêsai sic atu lau bu asa bu tap gamej nanj Yisu mbo, nanj sa, nanj kêj ñawaê têtj ñac, ma ñac oc sêkôc inj dôj.

12

Maria gêm oso Yisu

(Mat 26:6-13; Mak 14:3-9; Luk 7:37-38)

¹Bêc 6 yêc dôj yêc bu Mwasinj Pasowa-nga hôc asê, ma Yisu têtj malac Betani gi. Lasarus, ñgac nanj inj unj sa akêtj lau batê-nga, nanj mbo malac dinanj.

²Ma yêc Lasarus ndê andu, ñac sêndê mwasinj tu Yisu-nga. Lasarus ti lau ñatô sej gêtj sêndôc sêwhinj inj, ma Mata gêm akiñ ñac mbo.

³Goc Maria menj, kôc a ñakwi ñamalu ñayham nanj ñaôli atu sip kac danj, ma kêc pi Yisu gahi. Goc inj puñ inj gahi ña inj dau kêclaunj. Ma gêtj dau ñamalu hôj dau sa ma gêm andu ñalôm ahuc.

⁴Têtj dinanj Judas Iskeriot, ñgacsêjnom nanj tinjambu hoc Yisu asê, nanj sôm,

⁵“Bu ñamalu ñayham dindec ñaôli atu, gitôm denarii 300 nanj dakôc ti ñaôli tu gwelenj yala sambuc-nga. Tu sake-nga awhê dec kêyainj? Gitôm bu dakêtj têtj lau sênemlhi, ma dakêtj ña-awa tu danem lau ñalôm sawa sa-nga.”

⁶Judas sôm yom dinanj, magoc inj gauc gêm lau ñalôm sawa dom. Inj sôm yom dinanj ñahu bu inj ñgac kanj-nda. Inj yob ñgac-sêjnomi si talhi mone-nga, ma gêm kanj mone ñatô bu nem dau sa.

⁷ Magoc Yisu ô in ndê yom ma sôm, “Mac alhac awêhê dindéc ahuc dom. In yob gêñ dau napan e kwahic dec, gic waê bêc sêñsuhun aô-nga.

⁸ Lau ñalôm sawa oc sêmbo sêwhin mac napan. Tigen aô oc wambo wawhin mac napan dom.”

Lau dabuñsiga sêkic yom pi Lasarus

⁹ Têñ ndoc dinan lau Jerusalem-nga daêsam sêngô ñawaê bu Yisu mbo malac Betani, dec sêsa si bu sêlic in. Ma ñac bu sêlic Lasarus, ñgac nan Yisu un sa yêc lau batê-nga, nan whin.

¹⁰ Tu dinan-nga dabuñsiga atu-tu Israel-nga sêkic yom bu sêndic Lasarus ndu whin.

¹¹ Nahu bu lau Israel-nga daêsam sêhu ñac sin ma sêkên whin Yisu tu Lasarus-nga.

Yisu sôc malac Jerusalem gi

(Mat 21:4-9; Mak 11:7-10; Luk 19:35-38)

¹² Têñ ñagalan sê lau daêsam nan sêmbo Jerusalem tu Mwasin Pasowa-nga sêngô ñawaê bu Yisu kêsêlên mbo señ bu têt Jerusalem meñ.

¹³ Bocdinan ñac sêsa si bu sêkôc in sa. Sêhóc tômtôm ñalauñ ma sêmbwêc, “Hosana! Tampin in nan meñ gêm Pômdau anğô. Tampin lau Israel-nga si Kin.”

¹⁴ Yisu kêsêlên meñ ndöc donki ñatu dan ñahô, ma ñalên dinan propet akwa dan ndê yom ñandô sa. Yom dau yêc bocdec bu:

¹⁵ O mac lau †Sayon-nga, atöc daôm dom. Alic mac nem Kin têt mac meñ, ndöc donki ñatu ñahô. *[Sek 9:9]*

¹⁶ Yisu ndê ñgacsêñomi sêlic gêñ hon dinan, magoc ñac sêñyalê nahu dom. Tigen tinambu, têt ndoc Yisu tisa ti ñawasi atu, nan sêñyalê bu yom

dau, nanj sêto munj su, nanj hêganônj Yisu, ma tu dinanj-nga lau sêkôm gêj dinanj têtj inj.

¹⁷ Lau daêsam nanj sêmbo sêwhinj Yisu têtj ndoc inj mbwêc Lasarus ma uñ inj sa akêtj lau batê-nga, nanj sic minj pi inj njapanj.

¹⁸ Bocdinanj lau daêsam sêngô njawaê bu Yisu kôm gêj dalô atu dinanj, ma sêsa si bu sêlic inj têtj bêc dinanj.

¹⁹ Ma têtj têtj lau Palêsai sêlic gêj dau, nanj sêsôm têtj dandi, “Alic, yac neñ yom honj njandô mbasi. Yac oc dalhac inj ahuc njalêtj bocke? Lau honj oc sênkuc inj!”

Yisu sôm gwananj bu inj oc mbac ndu

²⁰ Lau Grik njatô sêmbo sêwhinj lau nanj sêpi malac Jerusalem tu sênem akinj Anôtô-nga têtj om atu Pasowa-nga.

²¹ Lau Grik dinanj sêtêtj Pilip, njacsêñom nanj meñ akêtj malac Betsaida yêc gameñ Galili-nga, ma sêsôm têtj inj bu, “O njac atu, yac bu alic Yisu.”

²² Dec Pilip gi sôm yom dau têtj Andru, ma injlu si sêsôm têtj Yisu.

²³ Yisu ngô yom dau goc sôm yom gôlinj danj bocdec bu, “Ndoc meñ sa bu Njamalac ndê Atu tap inj ndê waê atu sa.

²⁴ Aô wasôm yomandô têtj mac. Gêj njawhê danj bu sêsô sip nom ndi dom, dec gêj tigenj dau oc gacgeñ yêc. Magoc gêj dau bu dasô sip nom njalôm ndi, dec oc tibalê ma ninja, magoc tinjambu oc po pi meñ ma nem njandô daêsam tiyham.

²⁵ Asa nanj tac whinj bu sap gêj nom-nga dôñ njapanj tu mbo tali-nga, nanj oc ninja. Magoc asa nanj

bu hu gêṅ nom dindéc-ṅga siṅ tu êṅkuc aö-ṅga, naṅ tap seṅ ndöc tali têtṅ têtṅ ṅambu-ṅga-ṅga sa.

²⁶ Asa naṅ gauc gêm bu nem akiṅ aö, naṅ meṅ êṅkuc aö. Ma gameṅ naṅ aö oc wambo, naṅ iṅ naṅ gêm akiṅ aö, naṅ oc mbo bocdinaṅ. Lau honṅ naṅ sem akiṅ aö, naṅ Damaṅ oc toc ṅac sa.

²⁷ “Kwahic dec aö neṅ ṅalôm kedehe aö ṅandô. Tigeṅ aö wandac Damaṅ bu êṅgaho aö su yêc ndoc ṅawapac-ṅga dindéc dom. Mba! Tu gêṅ dau dindéc-ṅga dec aö gameṅ.

²⁸ Damaṅ, aö wasa lêṅ dindéc tu bu wapo nem waêm sa.”

Yisu sôm yom dinaṅ, ma awha daṅ sa akêṅ undambê bocdec bu, “Aö gatap waêṅ sa tu am-ṅga su, ma watap sa tiyham.”

²⁹ Lau daêsam naṅ sêmbo gameṅ dinaṅ sêṅgô ṅakêcsia dau, ma ṅatô sêsôm bu wapap gic. Ma ṅatô sêsôm bu aṅela daṅ sôm yom têtṅ Yisu.

³⁰ Magoc Yisu sôm, “Awha dinaṅ sa tu aö-ṅga dom, magoc sa tu mac-ṅga.

³¹ Kwahic dec ti ndoc Anötö êmatôc lau nom dindéc-ṅga. Ma iṅ oc êmasuc nom dindéc ṅadau su.*

³² Magoc têtṅ ndoc sêndic aö pi a ma sêsunṅ aö sa yêc nom, naṅ aö oc wahê ṅamalac akêṅ gameṅ honṅ

* **12:31:** Yisu sôm bu Anötö oc êmasuc nom dindéc ṅadau su. Têtṅ ndoc Yisu mbac ndu ma tisa tiyham, iṅ ku Sadaṅ ndê ṅaclai dulu-alic Jon 16:33; Kol 2:15; Hib 2:15; ma 1 Jon 3:8. Yisu ku iṅ dulu su yomandô, magoc Anötö kêṅ ṅasawa têtṅ Sadaṅ ma iṅ kôm iṅ ndê gwelenṅ yêc nom - alic Epe 2:2; 2 Kor 4:4; ma 1 Jon 5:19. Bocdinaṅ lau naṅ sêkêṅ whiṅ sic waê bu sêlhac ṅanṅa ma sêndic siṅ têtṅ Sadaṅ, (Jon 17:15; Epe 6:10-18) ma Anötö kêṅ ṅaclai têtṅ ṅac bu sêku iṅ dulu (Rom 16:20). Têtṅ bêc ṅambu-ṅga, Anötö oc seṅ Sadaṅ ti iṅ ndê aṅela ti lau sac su ma iṅ ndê ṅaclai oc pacndê sambuc (Rev 20:2-3, 10).

sêtêṅ aö sêmeṅ.”

³³ Yisu sôm yom dinaṅ bu tôc ṅalêṅ naṅ iṅ oc mbac ndu, naṅ asê.

³⁴ Ma lau dinaṅ sêo iṅ awha ma sêsôm, “Sêto yom yêc buku yomsu-ṅga, naṅ sôm bu Mesaya oc mbo ṅapaṅ. Ma bocke dec am sôm bu ṅac oc sêsuṅ ṅamalac ndê Atu sa? ṅamalac ndê Atu dau iṅ asa?”

³⁵ Goc Yisu sôm, “Ya ṅawê oc mbo whiṅ mac ṅasawa sauṅ, ma boc-dinaṅ aṅsêlêṅ ambo ṅawê dau ṅalôm, bu ṅasec nem mac ahuc dom. Lau naṅ sêṅsêlêṅ sêmbô ṅasec ṅalôm, naṅ sem gauc gameṅ naṅ oc sêndi naṅ.

³⁶ Akêṅ whiṅ ṅawê dau naṅ kwahic dec mbo whiṅ mac, ma mac oc ati lau ṅawê-ṅga.” Yisu sôm yom dau su, goc hu ṅac siṅ, ma siṅ dau têṅ ṅac.

Lau daêsam sêkêṅ whiṅ Yisu dom

³⁷ Yisu kôm gêṅ dalô daêsam yêc lau Israel aṅgô-ṅga, magoc daêsam sêkêṅ whiṅ dom bu iṅ Mesaya dau.

³⁸ Ma bocdinaṅ yom naṅ propet Aisaya to mun su, naṅ ṅandô sa. Yom dau yêc bocdec:

Pômdau, ṅac si asa kêṅ whiṅ yom naṅ yac ahoc asê?

Ma ṅac si asa ndê gauc sa pi am nem ṅaclai atu, naṅ am tôc tiawê? *[Ais 53:1]*

³⁹ Bocdinaṅ Anötö ndê propet Aisaya tôc asê gwananṅ bu lau dinaṅ sêtôm dom bu sêkêṅ whiṅ. Ma iṅ to yom daṅ tiyham bocdec bu:

⁴⁰ Pômdau kôm ṅac si tandô tipec, ma ṅac si ṅalôm ṅadandi. Bocdinaṅ gitôm dom bu sêlic ṅa tandô, ma sêṅyalê yêc ṅac si ṅalôm. Ma gitôm

dom bu ñac sênem dau kwi, ma wakôm ñac ñayham sa tiyham. *[Ais 6:10]*

⁴¹ Aisaya to yom dau, ñahu bu in ñêlic Yisu ndê ñawasi su, ma bocdinañ dec sôm yom asê pi in.

⁴² Yom dau yêc bocdinañ, magoc lau Israel-nga daêsam sêkêñ whiñ Yisu, ma ñac si lau bata ñatô sêwhiñ. Tigen ñac sêtôc si sêkêñ whiñ in tiawê dom, ñahu bu ñac sêtôc bu lau Palêsai oc sêtiñ ñac su yêc gôlôwac Israel-nga.

⁴³ Ñac atac whiñ bu ñamalac sêlic ñac ñayham ma sêkeñ waê têñ ñac, hôc gêlêc bu sêtap waê sa yêc Anötö.

⁴⁴ Ma Yisu sôm yom awaha atu, “Asa nañ kên whiñ aö, nañ kên whiñ aö tañwasêñ dom. In kên whiñ in nañ kêkiñ aö gameñ, nañ whiñ.

⁴⁵ Ma asa nañ ñêlic aö, nañ ñêlic in nañ kêkiñ aö gameñ, nañ bocdinañ.

⁴⁶ Aö gahôc asê nom gitôm ya ñawê, bu lau hon nañ sêkêñ whiñ aö, nañ oc sêmbo ñasec dom.

⁴⁷ Asa nañ ngô aneñ yom magoc danga wambu dom, nañ aö dauñ oc wamatôc in dom. Bu aö gameñ bu wamatôc lau nom-nga dom, magoc bu wanem ñac si.

⁴⁸ Lau hon nañ sêkôc aö ti aneñ yom sa dom, nañ oc sêtap matôc sa têñ bêc ñambu-nga. Ma ñac si matôc ñahu sip ñac sêkôc aneñ yom sa dom.

⁴⁹ Bu aö gasôm dauñ neñ yom dom. Damañ nañ kêkiñ aö gameñ, nañ gic atu yom hon tu wasôm asê-nga.

⁵⁰ Ma aö kayalê bu yom nañ in gic atu, nañ ti ñamalac si señ sêndöc tali ñapañ-nga. Bocdinañ anyalê bu yom hon nañ aö gasôm, nañ kêkuc yom nañ Damañ dau kên têñ aö.”

13

Yisu kêgwasiŋ ŋgacsêŋomi gahi

¹ Lau Israel-ŋga si om atu mwasiŋ Pasowa-ŋga meŋ kêpiŋ, ma Yisu kêyalê bu ndoc meŋ hôc asê su, bu iŋ hu nom dindéc siŋ ma mbu têtŋ Damba ndi. Iŋ atac whiŋ iŋ dau ndê lau naŋ sêmbô nom, ma iŋ bu tôc asê tiawê, ŋalêŋ naŋ iŋ atac whiŋ ŋac ndu andô.

² Iŋ ti ndê ŋgacsêŋomi sêndöc sêwhiŋ dau bu sênen gêŋ, ma Judas Iskeriot, Saimon ndê atungac, mbo whiŋ ŋac. Sadaŋ sip iŋ ndê ŋalôm muŋ su, ma kêŋ gauc têtŋ iŋ bu hoc Yisu asê.

³ Yisu kêyalê bu Damba kêŋ gêŋ hoŋ sip iŋ amba, ma bu iŋ meŋ akêŋ Anötö, ma oc mbu têtŋ iŋ ndi.

⁴ Bocdinaŋ iŋ tisa yêc tebo, kac iŋ ndê ŋakwê awê-ŋga su, ma kic po dapuŋ dauŋ-ŋga dan pi iŋ ŋampê.

⁵ Goc iŋ tac bu sip suc dan, ma gic hu kêgwasiŋ ŋgacsêŋomi gahi, ma puŋ ŋa po naŋ iŋ kic pi ŋampêbalê.

⁶ Iŋ têtŋ Saimon Pita meŋ, ma Pita ndac, “Pômdau, am bu êmgwasiŋ aö gahiŋ whiŋ, a?”

⁷ Ma Yisu ô yom ma sôm, “Kwahic dec am nem gauc sa dom pi gêŋ naŋ aö gakôm gambo, tigen tiŋambu am oc êmyalê.”

⁸ Magoc Pita sôm, “Mba! Am êmgwasiŋ aö gahiŋ dom andô!” Ma Yisu ô yom ma sôm, “Aö bu waŋgwasiŋ am dom, dec am oc ti aneŋ dan dom.”

⁹ Dec Pita sôm, “Bocdinaŋ Pômdau, êmgwasiŋ aö gahiŋ ŋambwa dom, magoc aman ti ŋagôlôŋ whiŋ!”

¹⁰ Magoc Yisu ô yom ma sôm, “Ŋamalac naŋ gêliŋ bu su, naŋ tiŋambu êŋgwasiŋ gahi ŋambwa, dec iŋ

ndê ñamlic sambuc ñawasi sa. Aö wasôm têtj mac lau dinan bu mac ñawasi sa su, magoc mac honj dom.”

¹¹ Yisu kêyalê ñgac nanj oc hoc inj asê, ma tu dinan-nga sôm bu ñac honj ñawasi dom.

¹² Yisu kêgwasinj ñac honj gahi pacndê, dec sôc inj ndê ñakwê awê-nga sa tiyham, ma mbu gi ndöc ndê mala. Ma inj ndac, “Mac anyalê gêtj nanj aö gakôm têtj mac, nanj ñahu, me mba?”

¹³ Inj solop bu mac asam aö bu ‘Kêdôhônjwaga,’ ma ‘Pômdau,’ bu aö dauj dindec.

¹⁴ Ma kwahic dec aö, mac nem kêdôhônjwaga ma Pômdau, kagwasinj mac gahim. Ma aö wasôm têtj mac, bu anjwasinj nem asidôwai si gahi bocdinanj.

¹⁵ Aö gatôc ñadônj têtj mac, bu mac alic ma akôm tôm aö gakôm têtj mac.

¹⁶ Aö wasôm yom ñandô, bu ñgac akinj danj hôc gêlêc inj ndê ñadau dom, ma ñgac ahenj-nga hôc gêlêc inj nanj kêkinj inj, nanj dom.

¹⁷ Kwahic dec aö gawhê gêtj dindec sa ma mac anyalê, ma mac bu akôm ñandô sa, dec oc atap Anötö ndê mwasinj sa.”

Yisu sôm ñgac hoc inj asê-nga asê

¹⁸ Ma Yisu sôm, “Aö gasôm yom dindec pi mac honj dom, bu aö kayalê lau nanj aö kayalinj ñac sa. Tigenj yom danj nanj sêto yêc, nanj oc ñandô sa. Yom dau sêto yêc bocdec bu, ‘*Ñgac nanj gêtj gêtj whinj aö, nanj kêkisa aö.*’

¹⁹ Aö gasôm yom asê gwananj pi gêtj dau, bu têtj têtj gêtj dau hôc asê, nanj mac oc akênj whinj bu aö Mesaya dau.

20 Aö wasôm yom ñandô têtj mac, bu asa nañ kôc ñamalac nañ aö kakiñ inj, nañ sa, nañ kôc aö dauñ sa. Ma asa nañ kôc aö sa, nañ kôc inj nañ kêkiñ aö gameñ, nañ sa.”

21 Yisu sôm yom dinañ su, ma inj ndê ñalôm ñawapac ñandô, dec sôm, “Yomandô aö wasôm têtj mac, bu ñgac dañ mbo dec, nañ oc hoc aö asê.”

22 Yisu ndê ñgacsêñomi sêñgô yom dinañ ma tahê dandi, bu ñac sem gauc bu ñgac nañ inj sôm yom pi, inj asa.

23 Ñgacsêñom nañ Yisu tac whinj ndu andô, nañ ndöc gi pañ Yisu.

24 Dec Saimon Pita gic amba têtj inj, ma sôm, “Am ndac inj bu inj sôm yom pi asa.”

25 Goc ñgacsêñom dau töñ sac Yisu, ma ndac, “Pômdu, asa?”

26 Ma Yisu ô yom ma sôm, “Ñgac nañ aö wapuc bolom dindéc sip sulu ma wakêtj têtj inj.” Goc inj puc bolom sip sulu ma kêñ têtj Judas Iskeriot, Saimon atuñgac.

27 Judas kôc bolom dau su, ma ñagahô Sadañ sip inj ndê ñalôm. Ma Yisu sôm têtj inj, “Sa ndi, ma gêtj nañ am gauc gêm bu kôm, nañ kôm ñagahô.”

28 Lau hoñ nañ sêndöc tebo, nañ sêñgô yom nañ Yisu sôm têtj Judas, magoc sêñyalê ñahu dom.

29 Judas inj ñgac nañ yob ñac si talhi mone-ñga, ma bocdinañ dec ñgacsêñomi ñatô gauc gêm bu Yisu kêkiñ inj sa gi bu nemlhi gêtj tu Mwasinj Pasowa-ñga, me bu kêñ gêtj têtj lau ñalôm sawa.

30 Judas gêtj bolom nañ Yisu kêñ têtj inj, ma sa awê gi. Ma gameñ ñasec sa.

Yomsu wakuc

³¹ Judas sa gi su, ma Yisu sôm, “Kwahic dec N̄amalac ndê Atu oc tap in̄ ndê waê sa, ma in̄ oc po Anötö ndê waê sa whin̄.

³² Ma Anötö oc kêñ̄ dau ndê ñawasi têt̄ñ̄ ndê Atun̄gac bu po Atu ndê waê sa. Ma in̄ oc po ndê waê sa ñagahô en̄.

³³ “O aneñ̄ lau hac. Aö wambo wawhin̄ mac ñasawa saun̄ en̄. Tin̄ambu mac oc an̄salê aö, tigen̄ tôm aö gasôm têt̄ñ̄ lau bata Israel-ñga su, dec wasôm têt̄ñ̄ mac bu gameñ̄ nañ̄ aö bu wandi, nañ̄ mac atôm dom bu amen̄.

³⁴ Kwahic dec aö wakêñ̄ yomsu wakuc têt̄ñ̄ mac bocdec bu. Akêñ̄ nem atac whin̄ lom daôm. Tôm aö atac whin̄ mac, dec mac atac whin̄ nem asidôwai bocdinañ̄.

³⁵ Ma têt̄ñ̄ ndoc lau hon̄ sêlic mac nem mêtê atac whin̄ daôm-ñga, dec ñac oc sêñyalê pi ñandô bu aneñ̄ ñgacsêñomi mac.”

*Yisu sôm asê bu Pita oc sêc in̄ ahuc
(Mat 26:31-35; Mak 14:27-31; Luk 22:31-34)*

³⁶ Goc Saimon Pita ndac in̄ bu, “Pômdau, am oc mbo nde?” Ma Yisu ô yom ma sôm, “Gameñ̄ nañ̄ aö oc wandi, nañ̄ am gitôm dom bu êmkuc aö kwahic dec. Magoc tin̄ambu am oc êmkuc aö mwen̄.”

³⁷ Goc Pita ndac, “Pômdau, tu sake-ñga am sôm bu kwahic dec aö gatôm dom bu wañkuc am? Aö wakêñ̄ daun̄ sambuc e nditôm wambac ndu tu am-ñga.”

³⁸ Ma Yisu ô yom ma sôm, “Am gauc gêm bu am gitôm bu mbwac ndu tu aö-ñga, a? Aö wasôm yomandô têt̄ñ̄ am, bu ôbwêc dau dindec am oc sêc aö ahuc tidim tö mun̄, goc dalec oc tañ̄.”

14

Yisu ti seŋ datêŋ iŋ Damba-ŋga

¹ Ma Yisu sôm têtŋ ndê ŋgacsêŋomi, “Ambo ti nem ŋalôm ŋawapac dom. Akêŋ whiŋ Anötö, ma akêŋ whiŋ aö bocdinaŋ.

² Ŋalôm daêsam yêc Damaŋ ndê andu. Bu mba, oc wasôm yom dindec asê têtŋ mac dom. Aö watêŋ Damaŋ ndê andu dau wandi, bu wamasanŋ mac nem malam.

³ Aêc, aö oc wandi, ma wamasanŋ nem malam, ma tiŋambu aö wambu wameŋ ma wakôc mac sa bu ameneŋ andöc gameŋ dinaŋ awhiŋ aö.

⁴ Mac aŋyalê seŋ têtŋ gameŋ naŋ aö oc wandi.”

⁵ Magoc Tomas sôm têtŋ iŋ, “Pômdau, yac am gauc gameŋ naŋ am oc ndi, ma bocdinaŋ ŋalêŋ bocke dec yac oc aŋyalê seŋ bu atêŋ gameŋ dau andi?”

⁶ Ma Yisu sôm, “Aö daunŋ gati seŋ, ma yom ŋandô ti mac andöc tamli ŋahu yêc aö. Aö taŋwasêŋ gati seŋ bu ŋamalac sêtêŋ Damaŋ sêndi, ma seŋ daŋ yêc dom.

⁷ Mac bu aŋyalê aö ŋapep, dec oc aŋyalê Damaŋ whiŋ. Ma kwahic dec ma ndi, mac aŋyalê iŋ, ma mac alic iŋ su.”

⁸ Goc Pilip sôm, “Pômdau, tôc Damam têtŋ yac, naŋ goc nditôm.”

⁹ Ma Yisu ô iŋ ndê yom ma sôm, “O Pilip, aö gambo gawhiŋ mac ŋasawa baliŋ su, ma bocke am kêyalê aö dom? Tu sake-ŋga am sôm têtŋ aö bu watôc Damaŋ têtŋ mac? Aö wasôm têtŋ am, bu asa naŋ gêlic aö su, naŋ gêlic Damaŋ su bocdinaŋ.

¹⁰ Aö gasôm su, bu aö gambo Damaŋ ŋalôm, ma iŋ mbo aö ŋalôm. Mac akêŋ whiŋ yom dau, me

mba? Yom nanj aö gasôm, nanj aö tanjasêj nenj yom dom. Damanj nanj mbo aö njalôm, nanj kôm inj ndê gwelenj ja aö.

¹¹ Aö gasôm bu aö gambo Damanj njalôm, ma inj mbo aö njalôm. Akêj whinj anenj yom dinanj. Magoc mac bu akêj whinj anenj yom dom, dec gauc nem gêj atu-tu nanj aö gakôm ja Damanj ndê njacjai, ma akêj whinj tu gêj dinanj-nga.

¹² Aö wasôm yom njandô têtj mac, bu asa nanj kêtj whinj aö, nanj oc kôm gêj atu-tu gitôm aö gakôm. Ma inj oc kôm gêj atu-tu nanj hôc gêlêc inj dinanj su. Nahu bu kwahic dec aö watêj Damanj wandi.

¹³ Ma aö wakôm gêj bocke nanj mac atenj tu anenj njâ-nga, ma njalêj dinanj aö wapo Damanj ndê waê sa.

¹⁴ Atenj gêj tu anenj njâ-nga, ma aö wakôm gêj dau njandô sa.”

Yisu gic bata bu ênjkinj Njalau Dabuj

¹⁵ Ma Yisu sôm, “Mac bu atac whinj aö, dec danjam wambu anenj yom.

¹⁶⁻¹⁷ Ma aö wandac Damanj, ma inj oc kêtj Njalau Yom Njandô-nga bu menj mbo whinj mac njapanj enj. Inj oc puc mac dôj ti nem mac awham ô aö. Lau sac nom-nga oc sêkôc inj sa dom, bu njac sêtôm dom bu sêlic inj me sênjalê inj. Tigenj mac anjalê inj, bu inj mbo whinj mac, ma oc mbo mac nem njalôm.

¹⁸ Aö wahu mac sij bu ambo atôm mosibu dom. Mba! Aö daun watêj mac waloc.

¹⁹ “Nasawa saunj ma lau nom-nga oc sêlic aö tiyham dom, tigenj mac oc alic aö. Nahu bu aö oc watisa tiyham ma wambo tanjli, ma tu dinanj-nga dec oc nditôm bu mac ambo tamli njapanj awhinj.

20 Têḡ tēm dinaḡ, mac oc aḡyalê bu aö gambo Damaḡ ḡalôm, ma mac ambo aö ḡalôm, ma aö gambo mac ḡalôm.

21 Asa naḡ kôc aneḡ yomsu sa yêc iḡ ndê ḡalôm ma daḡga wambu, naḡ tôc asê bu iḡ atac whiḡ aö ḡandô, ma Damaḡ oc atac whiḡ iḡ bocdinaḡ. Ma aö daḡḡ oc atac whiḡ iḡ, ma watôc daḡḡ asê têḡ iḡ.”

22 Goc ḡgacsêḡom daḡ ḡaê Judas sôm, “Pômdu, tu sake-ḡga am sôm bu tôc daôm asê têḡ yac, magoc têḡ lau nom-ḡga hoḡ dom?” (ḡgacsêḡom dinaḡ iḡ Judas Iskeriot dom.)

23 Ma Yisu ô yom ma sôm, “Asa naḡ atac whiḡ aö, naḡ oc daḡga wambu aneḡ yom. Ma Damaḡ oc atac whiḡ iḡ ma alu oc atêḡ iḡ aloc ma ambo awhiḡ iḡ.

24 Yom naḡ aö gasôm asê têḡ mac, naḡ aö daḡḡ neḡ yom dom. Damaḡ naḡ kêkiḡ aö gameḡ, naḡ ndê yom. Tigeḡ lau nom-ḡga naḡ atac whiḡ aö dom, naḡ daḡga wambu aneḡ yom dau dom.

25 “Kwahic dec aö gambo gawhiḡ mac ma gasôm yom hoḡ dindec têḡ mac.

26 Magoc tiḡambu, Damaḡ oc êḡkiḡ ḡalau Dabuḡ nem aö aḡôḡ têḡ mac loc bu nem mac sa. Iḡ oc êndôhôn mac pi ḡêḡ hoḡ, ma kêḡ mac gauc nem yom hoḡ naḡ aö gasôm têḡ mac su.

27 Aö wakêḡ aneḡ yom malô têḡ mac bu yêc mac ḡapaḡ, dec ambo ti atac malô. Bu yom malô naḡ aö oc wakêḡ têḡ mac, naḡ hóc ḡêlêc lau nom-ḡga si su. Bocdinaḡ ahêgo daôm dom, ma atôc daôm dom.

28 “Aö gasôm têḡ mac bu aö oc wahu mac siḡ, ma tiḡambu oc wambu wameḡ tiyham. Ma mac bu

atac whiŋ aö, dec mac oc atac ŋayham bu aö watêŋ Damaŋ wandi, bu Damaŋ hôc gêlêc aö su.

²⁹ Kwahic dec aö gasôm yom dindêc têtŋ mac gwananŋ, bu tiŋambu têtŋ ndoc aneŋ yom dau ŋandô sa, nanŋ goc mac oc akêŋ whiŋ aö.

³⁰ “Ndoc tiapê, dec gitôm dom bu wasôm yom daêsam têtŋ mac. Ŋahu bu nom dindêc ŋadau kêpiŋ bu meŋ. Inŋ dau ndê ŋaclai mba bu kôm gêŋ danŋ têtŋ aö.

³¹ Magoc aö wakôm gêŋ hoŋ nditôm Damaŋ gic atu aö, ma ŋalêŋ dinaŋ dec lau nom-ŋga oc sêŋyalê bu aö atac whiŋ Damaŋ. Bocdinaŋ atisa ma dalhö.”

15

Yisu gêm dôhônŋ dau pi a wain

¹ Ma Yisu sôm, “Aö a wain ŋandô,* ma Damaŋ ti ôm wain-ŋga ŋadau.

² A wain ŋasaŋgac hoŋ nanŋ sêlhac wain ŋahu aö dauŋ ma sem ŋandô dom, nanŋ Damaŋ oc so kic. Ma ŋasaŋgac nanŋ sem ŋandô, nanŋ inŋ oc ndic sêli bu kôm ŋawasi sa ma nem ŋandô daêsam.

³ Ma ŋalêŋ tigeŋ, yom nanŋ aö gasôm têtŋ mac su, nanŋ kôm mac nem ŋalôm ŋawasi sa su.

⁴ Asap aö dôŋ, ma aö wasap mac dôŋ bocdinaŋ. A wain ŋasaŋgac danŋ bu sap ŋahu dôŋ dom, dec oc tôm dom bu nem ŋandô yêc dau-ŋga. Ma mac bocdinaŋ. Mac bu asap aö dôŋ dom, dec oc tôm dom bu mac anem ŋandô.

* **15:1:** Yêc Yom Lêŋsêm Akwa Anötö gêm dôhônŋ lau Israel-ŋga pi a wain - alic BW 80:8-16, Ais 5:1-7; ma Jer 2:21. Magoc ndoc daêsam lau Israel sêso Anötö ndê mêtê. Yisu gêm dôhônŋ dau pi a wain, ma sôm bu inŋ a wain ŋandô.

⁵ Aö gatôm a w ain ñahu, ma mac atôm ñasañgac. Asa nañ sap aö dôñ, ma aö wasap inñ dôñ, nañ oc nem ñandô daêsam. Mac bu asap aö dôñ dom, dec oc atôm bu akôm gêñ ñayham dañ dom.

⁶ Asa nañ sap aö dôñ dom, nañ gitôm ñasañgac nañ kegwelec sip nom ma tibasô. Ma ñasañgac kainñ dinañ oc sêhoñ sa ma sêkêñ pi ya ndi ma ya neñ su.

⁷ “Mac bu asap aö dôñ, ma bu akôc aneñ yom sa tidôñ yêc nem ñalôm, dec gêñ bocke nañ mac bu atac whiñ, nañ ateñ têtñ Anötö, ma inñ oc kêñ têtñ mac.

⁸ Asap aö dôñ ma anem ñandô daêsam, dec oc whê mac sa bu aneñ ñgacsêñomi ñandô, ma ñalêñ dinañ mac oc apo Damañ ndê waê sa.

⁹ Aö atac whiñ mac, gitôm Damañ atac whiñ aö. Kwahic dec ambo aneñ atac whiñ ñalôm.

¹⁰ Aö dañañ wambu yom hoñ nañ Damañ gic atu aö, ma aö gambo inñ ndê atac whiñ ñalôm. Ma mac bu dañam wambu yom nañ aö gac atu mac, dec mac oc ambo aneñ atac whiñ ñalôm.

¹¹ “Aö gasôm yom dindéc têtñ mac, tu bu aneñ atac ñayham nem mac nem ñalôm ahuc. Ma aneñ atac ñayham oc êñsalê mac ahuc.

¹² Aneñ yomsu dau dec, bu mac atac whiñ nem asidôwai, gitôm aö atac whiñ mac.

¹³ Ñamalac nañ kêñ dau sambuc ma mbac ndu ô inñ ndê asidôwa, nañ ndê mêtê atac whiñ-ñga hôc gêlêc lau hoñ si su.

¹⁴ “Mac bu añkuc aö neñ yomsu ma akêñ nem atac whiñ lom daôm, nañ mac ati aneñ lau atac whiñ-ñga.

¹⁵ N̄adau daŋ oc s̄ôm ḡeŋ hoŋ asê t̄eŋ iŋ ndê lau akiŋ dom. Magoc ḡeŋ hoŋ naŋ aõ gaŋgô yêc Damaŋ, naŋ aõ gawhê sa t̄eŋ mac su. Tu dinaŋ-ŋga aõ wasam mac bu lau akiŋ tiyham dom, magoc aõ wasam mac bu aõ neŋ lau atac whiŋ-ŋga.

¹⁶ Mac aŋkuc aõ tu daôm nem gauc-ŋga dom. Mba! Aõ dauŋ kayaliŋ mac sa, ma kakiŋ mac bu asa andi ma anem ŋandô daêsam, naŋ oc yêc ŋapaŋ. Ma t̄eŋ ndoc dinaŋ, ḡeŋ sake naŋ mac atenŋ t̄eŋ Damaŋ anem aõ aŋôŋ, naŋ iŋ oc kêŋ t̄eŋ mac.

¹⁷ Aõ neŋ yomsu dau bocdec bu, atac whiŋ mac nem asidôwai andic ŋawaê.”

Lau nom-ŋga atac tec Yisu ndê lau

¹⁸ Ma Yisu s̄ôm, “T̄eŋ ndoc lau sac nom-ŋga atac tec mac, naŋ gauc nem bu ŋac sêtec aõ muŋ su.

¹⁹ Mac bu aŋkuc lau nom-ŋga si mêtê, dec lau nom-ŋga oc atac whiŋ mac, ŋahu bu ŋac atac whiŋ ŋac dau si lau. Magoc mac ambo atôm lau nom-ŋga dom, bu aõ kayaliŋ mac sa su yêc ŋac, ma tu dinaŋ-ŋga dec ŋac oc sêtec mac.

²⁰ Gauc nem yom naŋ aõ gasôm t̄eŋ mac bocdec bu, ‘Ŋgac akiŋ daŋ oc hôc ḡêlêc iŋ ndê ŋadau dom.’ Lau nom-ŋga sêkêŋ kisa aõ, ma oc sêkêŋ kisa mac bocdinaŋ. Ŋac sêkôc anenŋ yom sa dom, ma bocdinaŋ ŋac oc sêkôc mac nem yom sa dom.

²¹ Ŋac oc sêkôm ḡeŋ hoŋ dinaŋ t̄eŋ mac tu mac akêŋ whiŋ aõ-ŋga, ŋahu bu ŋac sêŋyalê iŋ naŋ kêkiŋ aõ gameŋ, naŋ dom.

²² “Aõ bu wameŋ ma wahoc neŋ yom asê t̄eŋ ŋac dom, dec ŋac si giso mba. Magoc ŋac sêŋgô anenŋ yom hoŋ su ma sêkêŋ whiŋ dom, dec ŋalêŋ mba bu sêmasaŋ yom t̄eŋ Anötö tu ŋac si giso-ŋga.

23 Asa nan̄ atac tec aö, nan̄ atac tec Daman̄ whin̄.

24 Aö gakôm gêñ dalô yêc ñac si an̄gô-ñga, nan̄ ñamalac dan̄ gitôm dom bu kôm. Aö bu watôc têtñ ñac dom, dec ñac si giso mba. Magoc ñac sêlic su, ma sêkêtñ whin̄ aö dom. Mba! Ñac sêtec aö, ma sêtec Daman̄ whin̄.

25 Ma bocdinañ Anötö ndê yom nan̄ sêto yêc ñac si buku yomsu-ñga,† nan̄ dec ñandô sa. Yom dau sôm bu, ‘*Ñac atac tec aö ñambwa.*’

26 “Tiñambu, aö wan̄kiñ Ñalau men̄ bu puc mac dôñ ma nem mac awham sa. In̄ Ñalau nan̄ sa akêtñ Daman̄, ma sôm yom ñandô eñ. Ma têtñ ndoc in̄ men̄, nan̄ in̄ oc hoc yom ñandô asê pi aö.

27 Ma mac oc ahoc yom ñandô asê pi aö bocdinañ, bu mac ambo awhin̄ aö têtñ ñamata-ñga e men̄ têtñ dec.

16

1 “Aö gasôm yom hon̄ dindec têtñ mac bu wapuc mac dôñ, bu ahu nem akêtñ whin̄ aö sin̄ dom têtñ ndoc mac atap kisa sa.

2 Lau Israel-ñga oc sêmasuc mac su yêc gôlôwac Israel-ñga. Ndoc oc men̄, nan̄ lau oc sêndic mac nem lau ñatô ndu, ma ñac oc gauc nem bu sêkôm gêñ ñayham tu sênem akiñ Anötö-ñga.

3 Ñac sêñyalê Daman̄ dom, ma sêñyalê aö dom, ma tu dinañ-ñga dec ñac oc sêkôm bocdinañ têtñ mac.

† 15:25: Yom dau yêc BW 35:19, 69:4. Têm ñatô lau Israel sêsam Anötö ndê yom nan̄ kwahic dec dasam bu Yom Lêñsêm Akwa nan̄ bu ‘Buku Yomsu-ñga.’ Magoc ñaê ‘Buku Yomsu-ñga’ dau hêganôn̄ buku amañdan̄ nan̄ Moses to (Genesis, Eksodas, Levitikas, Namba ma Diuteronomi).

⁴ Magoc kwahic dec aö gasôm yom dindec têtj mac, bu têtj ndoc gêtj dau hôc asê mac, nanj gauc nem bu aö gakêtj puc mac gwanan su.”

Nalau Dabuŋ ndê gwelen

“Aö gasôm yom dinan asê têtj mac muŋ su dom, ŋahu bu aö gambo gawhiŋ mac.

⁵ Magoc kwahic dec aö oc wahu mac siŋ, ma wambu watêtj in nanj kêkiŋ aö gamen, nanj wandi. Ma bocke dec mac nem danj ndac aö pi gamen wandi-ŋga dom?

⁶ Tigeŋ tu aö gasôm bu wahu mac siŋ-ŋga, dec kayalê bu mac nem ŋalôm ŋawapac ŋandô.

⁷ Aö wasôm yom ŋandô têtj mac, bu aö bu wahu mac siŋ dec oc wanem mac sa. Aö bu wahu mac siŋ dom, goc Nalau Nem Mac Sa-ŋga oc têtj mac meŋ dom. Magoc aö bu wandi, dec aö wanŋiŋ in têtj mac meŋ.

⁸ Ma têtj ndoc in meŋ, nanj in oc tôc lau nom-ŋga si giso asê tiawê pi sac, ma pi lêŋ gitêtj, ma pi Anötö ndê matôc.

⁹ In oc tôc ŋac si sac ŋahu asê, nanj sip ŋac sêkêtj whiŋ aö dom.

¹⁰ Ma in oc tôc asê bu lau nom-ŋga sêŋyalê Anötö ndê lêŋ gitêtj dom, bu aö oc watêtj Daman wandi,

ma mac oc alic aö tiyham dom.*

¹¹ Ma inç oc tôc asê bu Anötö oc êmatôc sac honç, tôm kwahic dec inç oc êmatôc nom dindec ñadau.

¹² “Yom daêsam yêc bu wasôm têñ mac, magoc mac atôm dom bu akôc sa.

¹³ Magoc têñ ndoc Ñalau Yom Ñandô-nga meñ su, nañ inç oc nem mac sa bu aňyalê yom ñandô honç. Ñahu bu inç oc sôm dau ndê yom asê dom, magoc yom honç nañ inç ngô yêc alu Damañ, nañ dec inç oc hoc asê. Ma inç oc kêñ puc mac pi gêñ nañ oc hôc asê tiñambu.

¹⁴ Ñalau Dabuñ oc po aneñ waêñ sa, ñahu bu inç oc kôc aö dauñ neñ yom, ma hoc asê têñ mac.

¹⁵ Damañ ndê gêñ honç ti aö neñ, ma tu dinañ-nga dec gasôm têñ mac bu gêñ honç nañ Ñalau oc hoc asê têñ mac, nañ meñ akêñ aö neñ.”

Ñalôm ñawapac oc nem dau kwi ti atac ñayham

¹⁶ Goc Yisu sôm, “Ñasawa sauñ mac oc alic aö dom, ma ñasawa sauñ mac oc alic aö tiyham.”

¹⁷ Yisu sôm yom dinañ, goc inç ndê ngacsêñomi sem yomgalôm, ma ñatô sêsôm têñ dandi, “Yom bocke dec inç sôm bu ñasawa sauñ yac oc dalic inç dom, ma ñasawa sauñ yac oc dalic inç tiyham? Ma inç sôm bu inç oc têñ Damba ndi.”

* **16:10:** Yom dau ñahu yêc awê dom. Lau ñatô gauc gêm bu yom dau ñahu bocdec bu. Lau nom-nga sêtec Yisu ma sêkic yom bu sêndic inç ndu. Ñac si gauc sa dom, ma sêlic inç gitôm ngac sac danç. Magoc Anötö uñ inç sa, ma kôc inç sa pi undambê gi, dec tôc asê bu Yisu inç ngac gitêñ. Bocdinañ Ñalau Dabuñ oc tôc asê bu lau nom-nga si gauc sa pi Yisu dom. Ma lau ñatô gauc gêm bu yom dau ñahu bocdec. Yisu oc pi undambê ndi ma gitôm dom bu êndôhônç lau nom-nga pi lêñ gitêñ tiyham, dec Ñalau oc meñ bu whê ñac si gauc sa pi mêtê sac ma mêtê gitêñ.

18 Goc sêndac dandi napan bu, “Inj ndê yom dinan pi n̄asawa saun, nan n̄ahu bocke? Yac tanjalê inj ndê yom n̄ahu dom.”

19 Yisu kêyalê bu n̄ac bu sêndac inj pi yom dau, dec sôm têñ n̄ac, “Aö gasôm bu n̄asawa saun mac oc alic aö dom, ma n̄asawa saun mac oc alic aö tiyham. Tu sake-n̄ga mac am yomgalôm pi yom dau?”

20 Yomandô aö wasôm têñ mac, bu têñ ndoc aö wahu mac sin, nan mac oc ahu dangibo asê ma atan, magoc lau sac nom-n̄ga oc atac n̄ayham sa. Mac oc ambo ti nem n̄alôm n̄awapac, magoc tinambu mac nem n̄alôm n̄awapac oc nem dau kwi ti atac n̄ayham.

21 Oc nditôm awhê tidaê nan ndê ndoc meñ sa bu kôc balêkoc-n̄ga. Inj n̄alôm n̄awapac bu inj kêsahê n̄andê atu. Tigenj têñ ndoc inj kôc balêkoc dau su, nan inj oc gauc nem n̄andê dau tiyham dom, bu inj atac n̄ayham sa bu inj ndê balêkoc hôc asê su.

22 Ma mac bocdinan, kwahic dec mac ambo ti n̄alôm n̄awapac, magoc tinambu aö walic mac tiyham, ma têñ ndoc dinan, mac oc atac n̄ayham atu. Ma lau danj oc sêkôc atac n̄ayham su yêc mac dom.

23 Têñ têm dinan mac oc andac aö pi gêñ danj tiyham dom. Yomandô aö wasôm têñ mac, bu gêñ sake nan mac atenj têñ Damanj tu anenj n̄aê-n̄ga, nan inj oc kêñ têñ mac.

24 Têñ n̄amata-n̄ga e meñ têñ kwahic dec, mac atenj gêñ danj tu anenj n̄aê-n̄ga dom. Kwahic dec ma ndi, nan atenj gêñ tu anenj n̄aê-n̄ga. Ma Anötö oc kêñ têñ mac, ma mac oc atisambuc n̄andô.”

Yisu ku n̄aclai nom-n̄ga dulu

25 “Gêñ honñ dinanñ aö gasôm têtñ mac ña yom gôlinñ. Magoc têtñ oc meñ sa, nanñ aö oc wasôm yom têtñ mac ña yom gôlinñ dom. Aö oc wasôm yom yêc awê têtñ mac pi Damanñ.

26 Têtñ ndoc dinanñ mac oc atenñ gêtñ tu anenñ ñaê-ñga. Aö wasôm têtñ mac, bu aö dauñ oc wanem mac awham têtñ Damanñ lec dom. Mac daôm atenñ nem mbec solop têtñ inñ,

27 bu inñ atac whinñ mac. Aêc! Damanñ Anötö atac whinñ mac, ñahu bu mac atac whinñ aö, ma akêtñ whinñ bu inñ kêkinñ aö gameñ.

28 Aö gambo gawhinñ Damanñ muñ su, dec gasip nom gameñ. Ma kwahic dec aö bu wahu nom sinñ ma wambu watêtñ inñ wandi.”

29 Têtñ dinanñ Yisu ndê ñgac-sêñomi sêsôm têtñ inñ, “Kwahic dec am sôm yom yêc awê, ma sôm ña yom gôlinñ dom.

30 Ma kwahic dec yac anyalê bu am kêyalê gêtñ honñ. Ma lau sêkêtñ gêndac têtñ am dom magoc am kêyalê ñac si gauc ti yom honñ muñ. Tu dinanñ-ñga dec yac akêtñ whinñ bu am mwenñ akêtñ Anötö ndê.”

31 Goc Yisu sôm têtñ ñac, “Kwahic dec mac akêtñ whinñ, a?

32 Aö wasôm têtñ mac, bu ndoc oc meñ sa, ma kwahic dec meñ kêpinñ su, nanñ mac honñ oc ahu aö sinñ ma alhö têtñtêtñ. Magoc aö oc wambo tanñwasêtñ dom, bu Damanñ oc mbo whinñ aö.

33 Aö gasôm yom honñ dindec têtñ mac bu wapuc mac dôñ bu ambo ti atac malô tu aö-ñga. Yêc nom mac oc atap ñawapac sa, magoc ambo ti nem ñalôm pêñ dôñ, bu aö gaku ñaclai nom-ñga dulu su.”

17

Yisu teŋ mbec tu iŋ dau-ŋga

¹ Yisu sôm yom dinaŋ su, goc tatak undambê, ma teŋ mbec bocdec bu, “Damaŋ, aneŋ ndoc hôc asê su. Po am Atôm, aö dec neŋ waêŋ sa, ma ŋalêŋ dinaŋ aö oc wapo am nem waêm sa.

² Am kêŋ ŋaclai têŋ aö pi ŋamalac hoŋ, tu bu wakêŋ lau hoŋ naŋ am kêŋ têŋ aö, naŋ sêmbo tali ŋapaŋ.

³ Ma ŋac si ŋahu sêmbo tali ŋapaŋ-ŋga dau bocdec bu, sêŋyalê am Anötö ŋandô tigerŋ, ma sêŋyalê aö, Yisu Kîlisi naŋ am kêkiŋ aö gameŋ.

⁴ “Aö gac dabiŋ gwelenŋ naŋ am kêŋ sip aö amaŋ, ma tu dinaŋ-ŋga dec aö gapo nem waêm sa yêc nom.

⁵ Têŋ ŋamata-ŋga nom dindec mbasi, naŋ aö dec gambo gawhiŋ am ma hêclu dawêkaiŋ ŋawasi atu dawhiŋ dauŋ. Kwahic dec Damaŋ, aö wandac am bu kôc aö sa bu wambo wawhiŋ am tiyham ti ŋawasi atu dau.”

Yisu teŋ mbec tu iŋ ndê ŋgacsêŋomi-ŋga

⁶ Ma Yisu sôm, “O Damaŋ, am kêyalinŋ am nem lau sa yêc nom, ma kêŋ ŋac sêsip aö amaŋ. Aö gatôc am asê têŋ ŋac su, ma ŋac danŋa wambu am nem yom.

⁷ Ma kwahic dec ŋac sêŋyalê bu gêŋ hoŋ naŋ aö gakôm, naŋ ŋahu am daôm, ma am kêŋ sip aö amaŋ bu wakôm-ŋga.

⁸ Bu yom naŋ am kêŋ têŋ aö, naŋ aö gasôm asê têŋ ŋac, ma sêkôc sa. Ma ŋac sêŋyalê pi ŋandô bu muŋ-ŋga aö gambo gawhiŋ am, ma sêkêŋ whiŋ bu am daôm kêkiŋ aö gameŋ.

⁹ Kwahic dec aö bu waterj mbec tu njac-nja. Aö waterj tu lau nom-nja honj-nja dom, magoc aö waterj tu am nem lau honj, nanj am kênj sip aö amanj-nja.

¹⁰ Anej lau honj sêti am nem, ma am nem lau honj sêti aö nej. Ma aö gatap waêj sa tu njac-nja.

¹¹ Anej têm wambo nom-nja pacndê, ma malô aö oc watêj am waloc. Magoc njac oc gacgenj sêmbo nom. O Damanj dabuj, aö bu waterj am bu yob lau dinanj ja am nem jaê ja-njai atu nanj am gêlic njayham bu kênj têtj aö. Yob njac bu sêpij dau dôj sêti gêtj tigenj, gitôm hêclu dati gêtj tigenj.

¹² Têtj ndoc aö gambo gawhinj njac, nanj aö gayob njac njapep ja am nem jaê ja-njai nanj am kênj têtj aö. Ma bocdianj njac si danj ginja dom. Ngac tigenj nanj gic waê bu penj, nanj tawasê oc ninja, bu kôm yom nanj sêto yêc, nanj njandô sa.

¹³ “Malô aö oc watêj am waloc. Tigenj kwahic dec aö gambo nom ma gasôm yom honj dinanj asê têtj anej lau, tu bu anej atac njayham nem njac ahuc, ma kôm njac sêtisambuc.

¹⁴ Aö gakêj am nem yom têtj njac, ma lau sac nom-nja atac tec njac. Sêtec njac njahu bu njac si mala njandô yêc nom dom, gitôm aö dauj nej malanj njandô yêc nom dom.

¹⁵ Aö waterj am bu kôc njac su yêc nom dom, magoc aö waterj am bu yob njac tu njac sac Sadañ-nja.

¹⁶ Njac si mala njandô yêc nom dom, gitôm aö nej malanj njandô yêc nom dom.

¹⁷ Damanj, am nem yom inj yom njandô ej. Kênj nem yom njandô sip njac si njalôm bu kôm njac sêti lau dabuj njandô.

18 Tôm am kêiņ aö gasip nom gameņ, dec aö waņkiņ ņac sêsa sêndi sêmbo lau nom-ņga ņalôm.

19 Kwahic dec aö gam dabuņ dauņ bu wandic bata am nem lêņ nem lau si-ņga, ma ņalêņ dau dinaņ dec oc tôm bu ņac dau sêti am nem lau dabuņ.”

Yisu teņ mbec tu lau hoņ naņ oc sêkêņ whiņ iņ-ņga

20 “Aö wateņ mbec tu lau naņ kwahic dec sêņyalê aö, naņ tawasê-ņga dom. Aö wateņ mbec tu lau hoņ naņ sêņgô yom naņ ņac oc sêhoc asê pi aö, ma sêkêņ whiņ aö-ņga sêwhiņ.

21 Kêņ ņac hoņ sêmbo ti ņalôm ma gauc tigeņ, gitôm hêclu dati gêņ tigeņ, am mbo aö ņalôm, ma aö gambo am ņalôm. Pwiņ ņac hoņ dôn sênem damiņ hêclu, ma bocdinaņ têņ ndoc lau nom-ņga sêlic ņac sêpiņ dau dôn ti ņalôm tigeņ, dec ņac hoņ oc sêkêņ whiņ bu am kêiņ aö gameņ.

22 Am nem ņaclai ti ņawasi naņ am kêņ têņ aö, naņ dec aö gakêņ têņ ņac, bu ņac oc sêti gêņ tigeņ gitôm hêclu dati gêņ tigeņ.

23 Am mbo aö ņalôm, ma aö wambo ņac ņalôm, tu bu wapiņ ņac dôn bu sêmbo ti ņalôm ma gauc tigeņ. Ma bocdinaņ lau nom-ņga oc sêņyalê bu am kêiņ aö gameņ, ma bu am atac whiņ ņac gitôm am atac whiņ aö.

24 “Damaņ, aö tac whiņ bu lau hoņ naņ am kêņ ņac sêsip aö amaņ, naņ sêwhiņ aö sêmeņ ma sêmbo gameņ naņ aö oc wambo. Dec ņac oc sêlic ņawasi atu naņ am kêņ têņ aö. Bu muņ-ņga, nom dindec mbasi, naņ am atac whiņ aö ndu andô, dec kêņ ņawasi dau têņ aö.

²⁵ O Damanj gitêj, lau nom-nga sênyalê am dom. Tigenj aö kayalê am, ma lau dindec sênyalê bu am kêkinj aö gamej.

²⁶ Aö gatôc am asê têj ñac, ma watôc am asê ñapanj. Ma tu dinanj-nga dec am nem atac whinj aö-nga oc yêc ñac si ñalôm. Ma aö dauj oc wambo ñac si ñalôm wawhinj.”

18

Sêkôc Yisu dôj

(Mat 26:47-56; Mak 14:43-50; Luk 22:47-53)

¹ Yisu tej mbec dau pacndê, goc inj ti ndê ñgacsêjomi sêhu Jerusalem sinj, ma sêpi Busuj Kidron-nga ñadanja si. Ma sêsôc ôm †olib-nga danjanj yêc dinanj.

² Judas, ñgac nanj hoc Yisu asê, nanj kêyalê ôm dinanj, bu ndoc daêsam Yisu ti ñgacsêjomi sêkac sa sêmbô dindê.

³ Bocdinanj têj ôbwêc dinanj inj kêkuc ñac, ma sa têj ôm dau gi. Inj wê lau sinj Rom-nga tonj danj ma lau sinj-nga lôm dabuj-nga ñatô nanj dabuj-siga atutu ti lau Palêsai sêñkinj. Ñac sêñsêlêj ti sêhóc dawenj ti lam, ma wapa sinj-nga, ma sêhóc asê ôm dinanj.

⁴ Yisu kêyalê gêj hoj nanj oc hóc asê inj, goc sa gi ma ndac ñac bu, “Mac anjalê asa?”

⁵ Ma ñac sêsôm, “Yac anjalê Yisu Nasaret-nga.” Dec Yisu sôm, “Aö dauj dindec.” (Têj ndoc dinanj, Judas, ñgac hoc inj asê-nga, kalhac whinj lau dinanj.)

⁶ Têj ndoc ñac sêñgô Yisu ndê yom bu, “Aö dauj dindec,” goc ñac hoj sêyu dau su ma sêpenj sêsip nom si.

⁷ Ma inj ndac tiyham, “Mac anjalê asa?” Ma sêsôm, “Yisu Nasaret-nga.”

⁸ Goc inŋ ô yom ma sôm, “Aö gasôm su, bu aö daun dindec. Mac asôm bu mac anŋsalê aö, ma bocdinaŋ atec aneŋ lau dindec sêlhö sêndi.”

⁹ Yisu sôm yom dau tu bu nem inŋ ndê ngacsêŋomi si-ŋga. Ma tu dinaŋ-ŋga yom naŋ inŋ sôm muŋ su bocdec bu, “Aö oc wayob ŋamalac hoŋ naŋ Damaŋ kêŋ têŋ aö, bu ŋac si daŋ niŋga dom,” naŋ dec ŋandô sa.

¹⁰ Saimon Pita kôc inŋ ndê bienŋ baliŋ sa, ma pa dabuŋsiga ŋamata-ŋga ndê ngac akiŋ ndê dangalaunŋ andô-ŋga su. Ngac akiŋ dau ndê ŋaê Malkus.

¹¹ Magoc Yisu sôm têŋ Pita, “Kêŋ nem bienŋ mbu sip ŋapaŋ ndi. Damaŋ kêŋ laclhu ŋawapac-ŋga dindec têŋ aö, ma aö gac waê bu wanôm.”

*Sêwê Yisu sêtêŋ Anas si
(Mat 26:57)*

¹² Goc ngac bata siŋ-ŋga ti ndê lau siŋ, ma lau siŋ sêyob lôm dabuŋ-ŋga naŋ lau bata Israel-ŋga sêŋkiŋ, naŋ sêkôc Yisu ma sêsô inŋ amba dôn.

¹³ Goc sêwê inŋ sêtêŋ Kayapas lawa Anas ndê andu si. Kayapas, inŋ lau Israel si dabuŋsiga ŋamata-ŋga têŋ têm dinaŋ.

¹⁴ Inŋ ngac naŋ muŋ-ŋga sôm asê têŋ lau bata Israel-ŋga, bu oc ŋayham bu ngac tigenŋ mbac ndu ô lau hoŋ.

*Pita sêc Yisu ahuc
(Mat 26:69-70; Mak 14:66-68; Luk 22:55-57)*

¹⁵ Sêwê Yisu sêtêŋ dabuŋsiga ŋamata-ŋga ndê andu, ma sêsôc tunlôm naŋ kêgihi andu dau, naŋ si. Ma Saimon Pita lu ngacsêŋom daŋ sêŋkuc. Ngacsêŋom dau dabuŋsiga ŋamata-ŋga kêyalê inŋ

tidôn, ma bocdinañ dec in kêkuc Yisu ma gacgen sôc tunlôm dau gi.

¹⁶ Magoc Pita sôc gi dom, in kalhac awê kêpin gatam. Dec ngacsênom nañ dabuñsiga ñamata-nga kêyalê, nañ mbu gi ma sôm yom pi Pita whin awê akin nañ yob gatam, goc kôc Pita sôc gi.

¹⁷ Ma awê akin dinañ ndac Pita bocdec, “Ma bocke? Am Yisu ndê ngacsênom dan whin, a?” Magoc Pita pa dau ma sôm, “Mba! Aô dom!”

¹⁸ Têñ ôbwêc dinañ gameñ ñalhuc sa, dec lau akin ti lau sin lôm dabuñ-nga sêkôm ya golom asê goc sêlhac sênghi ma sêñsulu. Ma Pita gi kalhac whin ñac ma kêsulu ya.

Dabuñsiga Anas kêsu Yisu

(Mat 26:59-68; Mak 14:55-65; Luk 22:63-71)

¹⁹ T êñ dinañ, dabuñsiga ñamata-nga Anas* kêsu Yisu pi in ndê sêñomi, ma pi yom nañ in kêdôhôn têt lau.

²⁰ Ma Yisu sôm, “Aô gasôm aneñ yom hon yêc awê. Aô kadôhôn lau gambo ñac si lôm wê-nga ma yêc lôm dabuñ Jerusalem-nga, gameñ nañ lau Israel-nga hon êlêmê sêkac dau sa sêmbo nañ. Ma aô gasêc yom dan ahuc dom.

²¹ Bocdinañ tu sake-nga am kêsu aô? Ndac lau nañ sêngô aneñ yom. Ñac hon sêñyalê yom nañ aô gasôm.”

* **18:19:** Anas - Muñ-nga lau Israel-nga sêñyalin Anas sa ti ñac si dabuñsiga ñamata-nga. Têñ yala AD15 lau Rom-nga sêkôc in su yêc gwelen dau. Tinambu Kayapas in lau Israel si dabuñsiga ñamata-nga, magoc lau Israel daêsam êlêmê sêsam Anas bu dabuñsiga ñamata-nga whin.

22 Têñ ndoc Yisu sôm yom dinan, goc ñgac siñ lôm dabuñ-nga nan kalhac kêpiñ in, nan tap in sip ali andô ma sôm, “Toc dabuñsiga atu sa, ma ô in ndê yom bocdinan dom!”

23 Dec Yisu sôm, “Yom nan aö gasôm, nan bu yom so, nan goc sôm têt aö. Magoc aö gasôm yom so dan dom, ma tu sake-nga dec am tap aö?”

24 Têñ dinan Anas kêkiñ Yisu têt dabuñsiga ñamata-nga Kayapas gi. Ma wac nan sêsô in amba dôñ, nan gacgen yêc.

Pita sêc Yisu ahuc tiyham

(Mat 26:71-75; Mak 14:69-72; Luk 22:58-62)

25 Saimon Pita kêsulu ya mbo, ma ñamalac dan ndac in, “Am ñgac dau ndê ñgacsêñom dan, me?” Ma Pita pa dau ma sôm, “Mba!”

26 Dabuñsiga ñamata-nga ndê ñgac akiñ dan mbo gamen dinan. In ñgac nan Pita pa in ndê dangalaun su, nan ndê têt ñgac. Ma in sôm têt Pita, “Ma bocke? Aö galic am kalhac whiñ ñgac dinan yêc ôm olib-nga. Yomandô, me?”

27 Magoc Pita pa dau tiyham, ma ñagahô en dalec dan gic hu tan.

Pailot kêsahê Yisu

(Mat 27:11-18, 20-23; Mak 15:2-15; Luk 23:2, 3, 18-25)

28 Ôbwêc pacndê, ma têt bêbêc ganduc lau bata Israel-nga sêhu Kayapas ndê andu siñ ma sêwê Yisu sêtêt gôliñwaga Rom-nga ndê andu si. Lau bata Israel-nga dinan sêsôc andu dau dom, sêtöc dau ma gauc gêm bu oc kôm ñac ñadômbwi sa yêc

Anötö anğô-nga, dec oc tòm dom bu sêneŋ Mwasin Pasowa-nga.†

29 Bocdinaŋ Pailot, ngac naŋ gêm gôlinŋ gameŋ Judia-nga sa têtŋ ñac gi, ma ndac ñac, “Mac asôm bu ngac dindec kôm giso bocke?”

30 Ma sêô yom ma sêsôm, “Inŋ bu ndê giso mbasi, dec yac oc akôc inŋ atêtŋ am amenŋ lec dom.”

31 Dec Pailot sôm, “Mac daôm akôc inŋ sa andi, ma amatôc inŋ êŋkuc mac daôm nem yomsu.” Magoc ñac sêsôm, “Mba! Bu mac lau Rom-nga akêŋ yao bu yac lau Israel-nga andic ñamalac daŋ ndu dom.”

32 Nalêŋ dinaŋ dec Yisu ndê yom pi lêŋ naŋ inŋ oc mbac ndu,‡ naŋ ñandô sa.

33 Têtŋ dinaŋ Pailot hu ñac sinŋ ma sôc andu gi, goc ta Yisu sôc gi ma ndac inŋ, “Am lau Israel-nga si Kin, a?”

34 Ma Yisu ô yom bocdec bu, “Am sôm yom dinaŋ tòm am daôm nem gauc, me lau ñatô sêsôm yom dau pi aö?”

35 Ma Pailot sôm, “Aö ngac Israel-nga dom! Am daôm nem lau ti dabuŋsiga atu-tu Israel-nga sêkêŋ am têtŋ aö mweŋ. Am kôm gêŋ giso bocke?”

36 Dec Yisu sôm, “Aneŋ gôlinŋ kin-nga gitôm kinŋ

† **18:28:** Lau Israel-nga si yomsu daŋ sôm bu ñac bu sênem dabuŋ dau, dec ñac sêmbo ahê têtŋ †lau gameŋ apa-nga. Nahu bu lau gameŋ apa-nga sêŋkuc Anötö ndê yomsu dom, ma lau Israel-nga bu sêmbo sêmpinŋ ñac, dec oc kôm ñac ñadômbwi sa yêc Anötö anğô-nga. Pailot inŋ ngac Rom-nga daŋ, ma lau gameŋ apa-nga daêsam sêmbo inŋ ndê andu, ma tu dinaŋ-nga lau bata Israel-nga sêtêc bu sêsôc inŋ ndê andu. ‡ **18:32:** Yisu sôm bu lau oc sêsuŋ inŋ sa yêc nom - alic Jon 12:32-33; 3:14; ma 8:28. Lau Israel-nga sêtuc lau sac ña hoc ndu, magoc lau Rom-nga sêndic lau sac pi a gicso dau ma tu dinaŋ-nga Yisu sôm bu ñac oc sêsuŋ inŋ sa akêŋ nom.

nom dindec-nga si gôliŋ dom. Aö bu wanem gôliŋ gamen nom-nga daŋ, dec oc tôm bu aneŋ lau akiŋ sêyob aö ma sêndic siŋ bu lau bata Israel-nga sêkôc aö dôŋ dom. Magoc aö neŋ gôliŋ ŋahu yêc nom dindec dom.”

³⁷ Goc Pailot sôm, “Bocdinaŋ, am sôm bu am kiŋ daŋ, a?” Ma Yisu sôm, “Am daôm sôm bu aö kiŋ daŋ. Aneŋ dinaŋ kôc aö, ma aö gahôc asê nom tu gêŋ tigeŋ-nga, naŋ tu wahoc yom ŋandô asê-nga. Ma lau hoŋ naŋ atac whiŋ yom ŋandô, naŋ sêkôc aneŋ yom sa.”

³⁸ Pailot ŋô yom dau goc ndac, “Ma yom bocke iŋ yom ŋandô?”

Iŋ sôm yom dinaŋ su, goc sa têt lau bata Israel-nga gi, ma sôm tiyham têt ŋac, “Aö gatap yom daŋ bu tamatôc iŋ pi-nga, naŋ sa dom.

³⁹ Magoc mac nem mêtê daŋ yêc, bu wahu gapocwalô daŋ siŋ têt mac têt Mwasin Pasowa-nga ŋandoc. Mac atac whiŋ bu aö wahu ŋac dindec, naŋ sêsam bu Kiŋ Israel-nga, naŋ siŋ têt mac, me mba?”

⁴⁰ Magoc sêmbwêc, “Mba! Iŋ dom! Hu Barabas siŋ têt yac.” Barabas iŋ lau naŋ sêŋgilí siŋ têt lau Rom-nga, naŋ si daŋ.

19

Sêsôm tidôn bu sêndic Yisu ndu

(Mat 27:15-31; Mak 15:6-20; Luk 23:13-25)

¹ Goc Pailot kêŋ Yisu têt lau siŋ-nga bu sêhi iŋ ŋa sö.

² Ma sêŋsau bu sêtoc iŋ sa. Sêwhê wac kêma sêkêŋ iŋ uŋ gitôm suŋsuŋ, ma sêkêŋ iŋ sôc ŋakwê kokoc gitôm kiŋ si ŋakwê.

³ Goc sêsôc sêsa sêlhac inj anğô-nga ma sêmbwêc, “Ei! Datoc lau Israel si Kin dindec sa mañ!” Ma sêtap inj sip ali andô.

⁴ Ma Pailot sa meñ tiyham ma sôm têñ lau bata bu, “Anğô su nan! Aö neñ lau siñ-nga oc sêkôc inj sa têñ mac meñ. Ma bocdinañ dec anyalê bu aö gatap yom dañ sa pi inj dom.”

⁵ Goc sêkôc Yisu sa meñ, ti suñsuñ wac kêm ma ñakwê kokoc. Ma Pailot sôm, “Alic ñgac dau dec.”

⁶ Têñ ndoc dabuñsiga atu-tu ma lau siñ lôm dabuñ-nga sêlic inj, nañ sêmbwêc, “Ndic inj pi a gicso dau! Ndic inj pi a!” Magoc Pailot sôm, “Mba! Aö gatap yom dañ sa pi inj dom. Mac daôm akôc inj sa andi ma andic inj pi a.”

⁷ Ma lau bata Israel-nga sêsôm, “Inj toc dau sa ma sam dau bu Anötö ndê Atu! Ma tu yom sac dinañ-nga, yac mba yomsu sôm bu inj mbac ndu mañ.”

⁸ Pailot ñgô yom dinañ ma töc dau ñandô.

⁹ Goc inj kôc Yisu mbu sôc andu ñalôm gi, ma ndac inj, “Am mwenj akêñ nde?” Magoc Yisu gêm dôn.

¹⁰ Ma Pailot sôm têñ inj, “Bocke am ô aneñ yom dom? Aneñ ñaclai yêc bu wanğapwêc am su, me bu wandic am pi a gicso dau ndi. Am kêyalê, a?”

¹¹ Dec Yisu ô yom ma sôm, “Anötö bu kêñ têñ am dom, dec am oc tôm dom bu kôm gêñ dañ têñ aö. Bocdinañ dabuñsiga nañ kêñ aö gasip am amam, nañ kôm giso hóc gêlêc am nem su.”

¹² Pailot ñgô yom dinañ, dec kêsalê lêñ bu hu Yisu siñ. Magoc lau bata Israel-nga sêmbwêc ñapañ ma sêsôm, “Asa nañ toc dau sa bu inj kin dañ, nañ kôm bu hóc gêlêc Sisa, lau Rom-nga si kin. Bocdinañ am bu hu ñgac dindec siñ, nañ am Sisa ndê silip dom.”

13-14 Bêc dinan in bêc lau Israel-nga sêmasan Mwasiñ Pasowa-nga, ma ac kalhac lhu su. Têñ ndoc Pailot ngô lau bata Israel-nga si yom dinan, nan dec in kôc Yisu sa awê têñ gameñ nan sêsam bu Sen Hoc nan gi. (Yêc Yom †Hibru sêsam gameñ dau bu Gabata.) Yêc dinan, Pailot ndôc sic ndôc in ndê pôn êmatôc yom-nga, ma sôm têñ lau bata Israel-nga bu, “Alic mac nem kiñ dindec!”

15 Tigen ñac sêmbwêc, “Kôc in sa ndi! Kôc in sa ndi! Ndic in pi a gicso dau!” Dec Pailot ndac, “Mac atac whin bu aô wandic nem Kiñ pi a gicso dau ndi, a?” Ma dabunsigna atu-tu sêo yom ma sêsôm, “In yac mba kiñ dom! Sisa tigen in yac mba kiñ.”

16 Têñ dinan Pailot sôc ñac si yom ñapu, ma kêñ Yisu têñ ñac bu lau siñ-nga sêndic in pi a gicso dau ndi.

Lau siñ-nga sic Yisu pi a gicso dau

(Mat 27:32-44; Mak 15:21-32; Luk 23:26-43)

17 Sêkêñ Yisu hôc dau ndê a gicso dau, ma sêwê in sêsa gameñ nan sêsam bu Gameñ Nâkêcyha-nga si. Yêc Yom Hibru sêsam gameñ dau bu Golgota.

18 Ma yêc dinan, ñac sic in pi a gicso dau gi. Ma ñac sic ñac lu sêpi a sêwhin, dan kêgalên andô-nga ma dan kêgalên gasê-nga.

19 Pailot sôm bu sêto yom pi bapia dan ma sêndic pi a gicso dau ñahô-nga. Bapia dau sôm, “Yisu Nasaret-nga. Lau Israel-nga si Kiñ.”

20 Sêto yom dau ña lau Israel, ti lau Rom-nga ma lau Grik-nga si awha. Gameñ dinan yêc sun sa têñ malac Jerusalem, dec lau Israel-nga daêsam sêlic bapia dau.

21 Boc-dinañ dabuñsiga atu-tu Israel-ñga sêtuudin ma sêsôm têtñ Pailot, “Am to, ‘Lau Israel-ñga si Kin,’ ma yac alic yham dom! Am bu to, ‘Ngac dindec sam dau bu lau Israel-ñga si kin,’ dec oc solop.”

22 Magoc in ô yom ma sôm, “Aö gato yom dinañ, ma oc yêc bocdinañ.”

23 Têtñ ndoc lau sin-ñga sic Yisu pi a gicso dau, nañ sêkôc in ndê ñakwê su. Nac lau hale, ma sêwhê ñakwê awê-ñga kôc gi ton hale, ma sêkôc sa tòm gi. Magoc ñac sic sam in ndê ñakwê ñalôm-ñga dom. Njakwê dau ñayham andô, sêsê dom, sêwhê sambuc ti po balin yêc ñasu ma sip têtñ gahi.

24 Bocdinañ lau sin-ñga sêsôm têtñ dandi, “Dakêc po dau kic dom. Dapuc gapoc ma yac neñ dañ kôc po sambuc.” Nac sêkôm bocdinañ, dec yom dañ nañ sêto yêc, nañ ñandô sa. Yom dau bocdec bu:

Ñac sêwhê aneñ ñakwê kôc têtñ dandi, ma sêpuc gapoc tu aneñ ñakwê-ñga. *[BW 22:18]*

25 Têtñ ndoc dinañ Yisu dinda lu asiwê dañ, ma Klopas ndê awê Maria lu Maria Magadala sêlhac sêmpin a gicso dau.

26 Ma Yisu gêlic in dinda kalhac whin ñgac-sêñom nañ in atac whin ñandô, dec in sôm têtñ dinda, “O dinañ. Lic nem atômñgac dinañ.”

27 Ma in sôm têtñ ñgacsêñom dau bu, “Lic am dinam dinañ.” Ma têtñ bêc dinañ ma gi, ñgacsêñom dau kôc Yisu dinda sa ndöc in ndê andu.

Yisu mbac ndu

(Mat 27:48, 50; Mak 15:36-37; Luk 23:36)

28 Yisu kêyalê bu in gic dabin gêñ hon su. Ma tu yom dañ nañ sêto yêc, nañ ñandô sa-ñga, dec in sôm, “Aö bu yô aö.”

29 Lôn wain ñamakic-nga dan kalhac gameñ dinan, ma ñgac siñ-nga dan kôc sôwam dan ma kên sip wain. Goc in sô pi a baliñ dan, ma hôc sa pi têt Yisu whasuñ gi.

30 In nôm su ma sôm, “Aô neñ gwelen hon pacndê su.” Goc in wec, ma mbac ndu.

31 Têt bêc dinan lau Israel-nga sêmasañ dau tu bêc Sabat-nga, ma Sabat lanşê-nga in ñac si om atu dan. Ñac sêtec bu lau batê sênşalên a gicso dau têt bêc atu dinan, boc-dinan dec lau bata sêndac Pailot bu lau siñ-nga sêruc lau dau si gahi dulu tu bu sêmbac ndu ñagahô-nga, goc sêkôc ñac si ñamlan su ma sênşuhun.

32 Pailot gôlôc su, dec lau siñ-nga sêtên ñgac dan nan sic pi a gicso dau whin Yisu nan si, ma sêruc in gahi dulu. Goc ñac sêruc ñgac tilu-nga gahi dulu boc-dinan.

33 Tigen têt têt sêtên Yisu si, nan sêlic bu in mbac ndu su, dec sic in gahi dulu dom.

34 Magoc ñgac siñ-nga dan kôc in ndê kêm ma kun Yisu sip ñabi, ma ñagahô dac ti bu kêc sa meñ.

35 (Ñgac nan gêlic gêñ hon dinan su, nan dec sôm asê, ma in ndê yom in yom ñandô. In dau kêyalê bu in ndê yom in yom ñandô, ma in sôm asê bu mac akên whin bocdinan.)

36 Gêñ dinan hôc asê, dec yom lu nan sêto yêc, nan ñandô sa.

Yom dan yêc bocdec bu:

Ñac oc sêruc in ndê ñakwa dan dulu dom. *[BW 34:20]*

37 Ma yom dan tiyham yêc bocdec:

Ngac oc sêlhac ma tahê ngac nanj sêkun inj nanj. [*Sek 12:10*]

Sêkêŋ Yisu ndê namlanj yêc hoc nasunj

(*Mat 27:57-61; Mak 15:42-47; Luk 23:50-56*)

³⁸ Ngac danj mbo, nanj sêsam bu Josep, ma inj menj akêŋ malac A rimatiya. Inj kênj whinj Yisu, magoc sêc dau ahuc, bu inj tîc lau bata Israel-nga. Têŋ telha dinanj inj têtj Pailot gi ma ndac Yisu ndê namlanj. Pailot gôlôc, dec Josep sa gi ma kôc Yisu ndê namlanj su yêc a gicso dau.

³⁹ Ma Nikodemas gêm inj sa. Nikodemas inj ngac bata Israel-nga nanj munj-nga gi gêlic Yisu têtj ôbwêc danj. Inj kôc a njakwi ti gêtj namlalu nanj sêngaluŋ whinj dau su, nanj gitôm 30 kilogram, ma whinj Josep gi.

⁴⁰ Injlu sêkôc Yisu ndê namlanj, ma sem oso nj gêtj namlalu, goc sêhi ahuc nj po njayham. Sêkôm gêtj dau kêkuc lau Israel-nga si gêbôm sêŋsuhunj lau batê-nga.

⁴¹ Ôm danj yêc sunj sa têtj gamenj nanj lau sinj-nga sic Yisu pi a gicso dau. Ma sêhô danj yêc ôm dau njalôm, nanj lau sêlêŋ gwananj su yêc hoc njalôm, ma sêkêŋ ngac batê danj yêc hoc nasunj dau munj su dom.

⁴² Bocdinanj sêŋsuhunj Yisu namlanj yêc hocsunj dinanj, njahu bu bêc dinanj inj bêc lau Israel-nga sêmasanj dau tu Sabat-nga, ma hocsunj dau yêc kêpinj.

20

Yisu tisa

(*Mat 28:1-8; Mak 16:1-8; Luk 24:1-10*)

¹ Bêc Sabat-nga menj gi su, ma têtj wake njabêc njamata-nga Maria Magadala tisa têtj bêbêc ganduc,

ma sa têḅ sêhō gi. Inḅ gêlic bu hoc atu naḅ sêkêḅ ndöc sê awha, naḅ ndöc ḅamala dom.

² Goc inḅ kêtî mbu têḅ Saimon Pita lu ḅgacsêḅom naḅ Yisu atac whinḅ ḅandô, naḅ gi, ma sôm têḅ inḅlu, “Oyaê! ḅac sêkôc Pômdau ndê ḅamlaḅ su yêc sêhō, ma yac am gauc gameḅ naḅ sêkêḅ inḅ yêc.”

³ Goc Pita lu ḅgacsêḅom dinaḅ sêti bu sêtêḅ sêhō sêndi.

⁴ Inḅlu sênti si, ma ḅgacsêḅom dinaḅ hōc gêlêc Pita su ma hōc asê muḅ.

⁵ Inḅ sôc gi dom, magoc inḅ wec ma tôc gwaniḅ, ma gêlic po naḅ sêhi pi Yisu ndê ḅamlaḅ, naḅ yêc ḅamala.

⁶ Saimon Pita kêkuc meḅ hōc asê ma gacgeḅ sôc hocsuḅ dau ḅalôm gi. Inḅ gêlic po naḅ yêc,

⁷ ma po naḅ sêhi pi Yisu ḅagôlônḅ. Po dinaḅ yêc dau-ḅga, magoc yêc bambalinḅ dom, yêc gitôm sêtip sa ḅapep.

⁸ Goc ḅgac-sêḅom naḅ hōc asê sêhō muḅ, naḅ sôc gi whinḅ. Inḅ gêlic po ḅambwa, dec kêḅ whinḅ bu Yisu tisa su yomandô.

⁹ (Muḅ-ḅga e meḅ têḅ têm dinaḅ, naḅ ḅac si gauc sa dom pi yom hoḅ naḅ sêto yêc bu Yisu oc tisa akêḅ lau batê-ḅga.)

Yisu hoc dau asê têḅ Maria Magadala

¹⁰ Dinaḅ su ma ḅgacsêḅom lu dinaḅ sêlhō sêmbu sêtêḅ si andu si.

¹¹ Magoc Maria Magadala naḅ mbu meḅ su, naḅ gacgeḅ kalhac sêhō ḅamakê ma taḅ. Inḅ wec bu tôc gwaniḅ sêhō ḅalôm,

12 ma in gêlic anjela lu ti ñakwê sêsêp sêndöc gameñ nan muñ-nga Yisu yêc, dan ndöc ñagôlôn-nga, ma dan ndöc gahi-nga.

13 Ma sêndac in, “O awhê! Am tan tu sake-nga?” Ma in ô yom ma sôm, “Lau sêkôc aneñ Pômdau ndê ñamlan su, ma aö gam gauc gameñ nan sêkêñ in yêc nan.”

14 In sôm yom dinan su, dec tagêlic ma gêlic Yisu, magoc kêyalê dom bu in Yisu.

15 Ma Yisu sôm, “Awhê! Am tan tu sake-nga? Am kêsalê asa?” Maria gauc gêm bu in ñgac nan yob ôm dau, dec sôm, “O ñadau, am bu kôc in ndê ñamlan su, goc sôm asê têt aö bu am kêt in yêc gameñ bocke, ma yac oc andi akôc in sa.”

16 Têt dinan Yisu sôm têt in, “Maria.” Goc Maria kac dau kwi ma mbwêc ña Yom Hibu, “Raboni!” (Yom dau danem kwi bu ‘Kêdôhônwaga.’)

17 In kêgape Yisu dôñ ñanga, magoc in sôm, “Am êmasec aö ñapan dom, bu aö gatêt Daman ga su dom. Magoc am mbu ndi, ma sôm têt aneñ asidôwai bu aö oc wambu watêt aneñ Daman, ma mac nem Damam. In aö neñ Anötö, ma mac nem Anötö.”

18 G oc Maria Magadala kölhö têt Yisu ndê sêñomi gi, ma sôm têt ñac bu, “Pômdau tisa ma aö galic in su!” Ma yom hon nan Yisu sôm têt in, nan in gic min têt ñac.

Yisu hoc dau asê têt ndê sêñomi

19 Têt wake ñabêc ñamata-nga dinan ñaöbwêc, sêñomi sêmbu andu dan ñalôm sêwhin dau. Ñac sic gatam ahuc ñanga, bu sêtöc lau bata Israel-nga.

Sêmbô dinaŋ, ma Yisu hoc dau asê kalhac ŋac ŋalhu, ma sôm, “Yom malô whiŋ mac!”

²⁰ Inj sôm yom dinaŋ su, goc tôc inj amba ma ŋabi têtŋ ŋac sêlic. Ma ŋac honj atac ŋayham atu tu sêlic Pômdau-ŋga.

²¹ Ma inj sôm tiyham, “Yom malô whiŋ mac! Tôm Damaŋ kêkiŋ aö gasip nom gameŋ, naŋ kwahic dec wanjkiŋ mac asa andi.”

²² Dec inj yu wayahô pi ŋac ma sôm, “Akôc Ŋalau Dabuŋ sa loc.

²³ Aö wakêtŋ ŋaclai têtŋ mac bu asuc ŋamalac si sac kwi. Ŋac naŋ mac asuc ŋac si sac kwi, naŋ Anötö suc ŋac si sac kwi bocdinaŋ. Ma ŋac naŋ mac asuc si sac kwi dom, naŋ si sac oc gacgeŋ yêc ŋac-ŋga.”

Yisu hoc dau asê têtŋ Tomas

²⁴ Têtŋ ndoc ŋamata-ŋga naŋ Yisu hoc dau asê têtŋ inj ndê sêtŋomi, naŋ Tomas mbo whiŋ ŋac dom. Inj ŋgacsêtŋomi 12 si daŋ naŋ sêsam bu Lôcmpônŋ.

²⁵ Tiŋambu sêtŋomi ŋatô sêsôm têtŋ inj bu, “Yac alic Pômdau su!” Magoc inj sôm, “Aö gakêtŋ whiŋ dom! Aö bu walic bôlêm ŋamala yêc inj amba, ma wakêtŋ aö amanatu sip ŋamala dau, ma sôc kêm ŋamala yêc inj ŋabi, dec aö oc wakêtŋ whiŋ.”

²⁶ Wake daŋ giŋga su, ma Yisu ndê sêtŋomi sêmbô andu dau tiyham, ma Tomas mbo whiŋ ŋac. Ŋac sic gatam ahuc ŋaŋga sa, magoc Yisu meŋ kalhac ŋac ŋalhu. Ma inj sôm, “Yom malô whiŋ mac!”

²⁷ Ma inj sôm têtŋ Tomas, “Lic aö aman, ma kêŋ amam-atu sip dec, ma kêŋ amam-atu sôc aneŋ ŋabi. Hu nem atac lu-lu siŋ, ma kêŋ whiŋ.”

²⁸ Dec Tomas sôm, “Aneŋ Pômdau, ma aneŋ Anötö am!”

²⁹ Goc Yisu sôm têt̄ in̄, “Am gêlic aö su, dec kêt̄ whin̄. Aö awhan̄ hóc lau nan̄ sêlic pi tandô dom, magoc sêkêt̄ whin̄, bu ñac oc sêtap Anötö ndê mwasin̄ sa.”

Jon ndê bapia ñahu

³⁰ Yisu kôm gêt̄ dalô daêsam yêc in̄ ndê sêt̄nomi an̄gô-nga, nan̄ ñamin̄ yêc bapia dindec dom.

³¹ Magoc yom pi gêt̄ dalô nan̄ sêto sip bapia dindec, nan̄ yêc tu bu mac asam ma akêt̄ whin̄ bu Yisu in̄ Mesaya, Anötö ndê Atu. Ma tu mac akêt̄ whin̄ in̄ ndê ñaê-nga, dec mac oc atap sen̄ ambo tamli-nga sa.

21

Ngacsêt̄nomi sêhê i daêsam

¹ Tin̄ambu Yisu hoc dau asê têt̄ ñgacsêt̄nomi tiyham, yêc Bugicton̄ Taibirias* ñamakê. Ma ñamin̄ dau dindec.

² Saimon Pita, ma Tomas nan̄ sêsam bu Lômcpôn̄, Natanael nan̄ men̄ akêt̄ malac Kana yêc Galili, Sebedi ndê atu lu, ma ñgacsêt̄nom lu tiyham sêmbo sêwhin̄ dau.

³ Ma Pita sôm têt̄ ñac, “Aö bu wasa wandi wakôc i.” Ma ñac sêsôm, “Ayôc, yac awhin̄ am daloc.” Bocdinañ ñac hon̄ sêpi wan̄ dan̄ ma sêsa si bu sêkêt̄ wasan̄. Magoc têt̄ ôbwêc dinañ, sêkôc i dan̄ dom.

⁴ Têt̄ bêt̄êc ganduc Yisu kalhac baö, tigen̄ ñac sêt̄nyalê dom bu in̄ Yisu.

⁵ Ma in̄ hê mwalêc ñac ma sôm, “Aê mac lau. Mac akôc i ñatô, me mba?” Ma sêsôm, “Mba!”

* **21:1:** Taibirias - Bugicton̄ Galili-nga ndê ñaê dan̄.

⁶ Dec in sôm têtj ñac, “Akêtj wasañ sip andô-nga, ma mac oc atap i ñatô sa.” Bocdinañ ñac sêkêtj wasañ sip gi ma sêkôc i daêsam andô, dec gitôm dom bu sêhê sa.

⁷ Têtj dinañ ñgacsêñom nañ Yisu atac whinj kêlêc, nañ sôm têtj Pita bu, “Kec, Pômdau dau dê.” Saimon Pita ñgô yom dau, goc ñagahô inj kôc ndê ñakwê awê-nga sa, hi pi dau, ma pwê sip bu gi, ma bu têtj Yisu ndi.

⁸ Wañ dau poc kêpinj baö, ñasawa gitôm 90 mita, ma ñgacsêñomi ñatô sêhêc wañ ma sêhê wasañ ti i sêñkuc Pita.

⁹ Ñac sêhêc asê baö, ma sêlic i sa ya ñanda, ma bolom ñatô.

¹⁰ Ma Yisu sôm têtj ñac, “Akôc i ñatô sa yêc wasañ amenj.”

¹¹ Goc Saimon Pita têtj wañ gi, kêgapwêc wasañ su, goc sêhê pi baö gi. I atu-atu daêsam sêyêc wasañ, nañ sêsê sa gitôm 153, magoc wasañ dau kic dom.

¹² Ñac honj sêtöc bu sêndac inj bu, “Am asa?” Magoc yêc ñac si ñalôm sêñyalê bu inj Pômdau. Ma Yisu sôm, “Amenj ma aneñ gêñ bêbêc-nga.”

¹³ Dec inj kêsêlêñ gi ma kôc i ti bolom sa, ma kêtj têtj ñac.

¹⁴ Dinañ ti têtj titö-nga nañ Yisu hoc dau asê têtj ndê ñgacsêñomi têtj ndoc Anötö unj inj sa akêtj lau batê-nga.

Yisu ndê yom têtj Pita

¹⁵ Ñac señ gêñ pacndê, goc Yisu sôm têtj Saimon Pita, “Saimon, Jon ndê atu. Am tac whinj aö ñandô, hôc gêlêc lau dindêc si atac whinj aö su, me?” Ma inj

sôm, “Aêc Pômdau! Am kêyalê bu aö atac whiņ am.”
Dec Yisu sôm, “Bocdinaņ lôm aneņ domba.”

¹⁶ Ma Yisu ndac iņ tiyham bu, “Saimon, Jon ndê atu, am tac whiņ aö ñandô, me?” Ma iņ ô yom ma sôm, “Aêc Pômdau, am kêyalê bu aö atac whiņ am.”
Dec Yisu sôm, “Yob aneņ domba.”

¹⁷ Ma iņ ndac tidim titö-ņga, “Saimon, Jon ndê atu, am tac whiņ aö ñandô, me?” Pita ndê ñalôm ñawapac bu Yisu ndac yom tigen dinaņ têņ iņ tidim tö, ma iņ sôm, “Pômdau, am kêyalê gêņ hoņ. Am kêyalê bu aö atac whiņ am kêlêc.” Goc Yisu sôm, “Lôm aneņ domba.

¹⁸ Aö wasôm yom ñandô têņ am. Têņ ndoc am mbo balê, naņ am kêmasaņ daôm, ma kêsêlêņ têņ gameņ bocke naņ am daôm atac whiņ bu ndi. Tigen tiņambu, têņ ndoc am ti ñamalac andô, naņ am oc êmatôc amam, ma lau daņ oc sêsô am nem piņkap dôņ, ma sêwê am têņ gameņ naņ am atac whiņ dom bu ndi-ņga naņ.”

¹⁹ Yisu sôm yom dinaņ gwanañ pi Pita ndê mbac ndu ñalêņ, naņ oc po Anötö ndê waê sa. Ma Yisu gic têku yom ma sôm, “Êmkuc aö!”

Yisu lu ñgacsêņom naņ iņ atac whiņ

²⁰ Têņ dinaņ Pita kac dau kwi ma gêlic ñgacsêņom naņ Yisu atac whiņ iņ ñandô, naņ kêkuc iņlu. (Iņ ñgac dinaņ têņ ndoc ñac sen Pasowa, naņ ndöc gi paņ Pômdau, ma ndac iņ bu asa oc hoc iņ asê.)

²¹ Têņ ndoc Pita gêlic iņ, naņ goc iņ ndac Yisu, “Pômdau, ñgac dê oc bocke?”

²² Ma Yisu ô yom ma sôm, “Am êmkuc aö ma hêgo daôm pi iņ dom. Aö bu wakêņ iņ mbo tali e wambu wameņ, naņ aö neņ gêņ.”

²³ Tinambu sêñomi ñatô sêñgô yom dau ñawaê, ma ñatô gauc gêm bu ñgacsêñom dinañ oc mbac ndu dom. Magoc Yisu ndê yom hêganôn ñgacsêñom dau mbo tali-nga lec dom. Inj sôm bu, “Aö bu wakêñ inj mbo tali e wambu wameñ, nañ aö neñ gêñ.”

Yom ndic bata-nga

²⁴ Inj ñgacsêñom dau dinañ dec hoc yom honj dindec asê, ma to sip bapia dindec. Ma yac anyalê bu inj ndê yom inj yom ñandô eñ.

²⁵ Yisu kôm gêñ daêsam ma daêsam andô nañ ñamiñ yêc bapia dindec dom. Yac bu añsahê bu ato yom sip bapia, pi gêñ honj nañ Yisu kôm, mboe yom dau oc nem bapia nom-nga honj ahuc.

Anötö ndê Yom Lêñsê m Wakuc
The New Testament in the Bukawa language of Papua
New Guinea
Nupela Testamen long tokples Bukawa long Niugini

copyright © 2000 Lutheran Bible Translators Australia

Language: Bukawa

Translation by: Lutheran Bible Translators Australia

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-01-13

PDF generated using Haiola and XeLaTeX on 18 Apr 2025 from source files dated 31 Aug 2023

545e5ca3-1e95-59e4-8380-93951e023cf7